

E lab júu^ quiá'- Dsea` Jmáang^- e cajme' MARCOS

Mi~ cajá- Juan i seáang` dsea` jm#

(Mt. 3:1-12; Lc. 3:1-9, 15-17; Jn. 1 :19-28)

¹ Lalab mi~ canaang` cani'- juguiá- quiá'- Dsea` Jmáang- i líng' JÓO' camíng'- quiá'- Fidiée` dsea` guing~ ñiff~.

² Jo lajii~ mali`gui eáang` jaang` dsea` i café` cuaiñ~ quiá'- Fidiée` i calisí` Saíí` catéer` fí` ni~ jì` quiá'r- lala:

Lalab fé` Fidiée` e casí'r- Dsea` Jmáang-:

Nisín`n jaang` dsea` i niguiá- júu^ quié` e ná'-gui e niguo`^ fí` jmigü`

e laco' niguiar` guiá- fí` lí` ningí`^.

³ Jo fí` jee~ uó^ quiú` do guicaná` coo` luu~ dsea` e fé` teá` lala:

“Jmeáang`na' guiú- fí', co' tí` lí~ nijáab` Fíí`naa';

jogui nea`na' condsée', co' 'né- e nilirøøb` fí'.”

Jo jalé` e jo cajíng'- Saíí` fí` ni~ jì` quiá'- Fidiée`.

⁴ Jo lajòb` líí` mi~ cajá- jaang` dsea` i sii` Juan e fí` jee~ uó^ quiú` do; jo ie~ jo, i Juan do caseáaiñ` jm# jaléng` dsea`, jo sí`reiñ` e 'né- quí'- jíng` yaaíñ~ do fí` quini` Fidiée` jogui e nisaiñ` do jm#, jo lajòba' cuøøng` e íng- Fidiée` lajalé` dsee- quiáiñ`.

⁵ Jo fíim` dsea` dsilíiñ- e dsinúur- júu^ e guia` i Juan do; dsilíng- jaléng` dsea` i seeng` fí` Jerusalén jogui jaléng` i seeng` fí` fíi` jíé` lí~ se' Judea e laco' jmóoiñ` do júu^ lajii~ dsee- e nica'éer`. Jo mi~ ningí` jo, i Juan do seáang`neiñ` jm# fí` dsíí` gua` Jordán.

6 Jo i Juan do qui'r' 'mi' e lí' cóo' jñá^ loo~ jó' camello jogui ñúú' tu'r' cóo' coo' lo'ñtu' e lí' cóo' loo~ jó', jogui jmitaang~ 'ña'r' cóo' jaléng' sini' i cóong'~, jogui í'r' jalé' jmí^ ta' e dsé'r' fí' jee~ mó'. 7 Jo lalab lí' e júu^ e guiar' jee~ jaléng' dsea' i dsilíng~ dsinúu~ júu^ quiá'r- do:

—Mi~ nisóong~ jnea~, nijáa' jaang' i 'gong' gui laco' jnea~; joba' jnea~ quini~ i dsea' í ja' e quín'n e co' tuun~n e síi' i 'nii~ ñí' 'ñúú' lomíir-. 8 Co' jnea~ nicaseán~n jaléng' 'nú' jmí' cóo' layaang~ jmí' e laco' cuo' lí' e nicaqu'í' jing' yaang~na' fí' quini~ Fidiéé'; dsu' ír' mi~ nigüéeiñ~, niseáiñ~ 'nú' jmí' cóo' Jmiguí' quiá'- Fidiéé' e laco' cuo' lí' e nicangíng'na' Jmiguí' quiá'- dsea' do.

Mi~ cajgáang~ Jesús jmí'

(Mt. 3:13-17; Lc. 3:21-22)

9 Jo ie~ jo cagü'í' Jesús fí' Nazaret e néé' fí' lí' se' Galilea, jo cangór~ e fí' gua' Jordán e néé' fí' lí' se' Judea; jo fí' dsíí' gua' job caseáang' i Juan do jmí' ír'. 10 Jo dsifí' mi~ cagü'í' Jesús fí' dsíí' jmí', cangár~ e cana' cateá' fí' yú'^ jmigüí'; jo lajee~ jo cajgó~ Jmiguí' quiá'- Fidiéé' fí' yú'^ moguir~ e líing~ jaang' mee~. 11 Jo guicaná' coo' luu~ e jáa' fí' yú'^ jmigüí' e guicajíng' lala:

—'Nu'b' Jóo' o i 'neáan'n eáang'; jo eám' iáang' dsii' cóo' 'nu'.

Mi~ cangó~ Jesús fí' jee~ uó^ quiú'

(Mt. 4:1-11; Lc. 4:1-13)

12 Jo dsifí' mi~ cangí' jo, cajmée' Jmiguí' quiá'- Fidiéé' e cangó~ Jesús fí' jee~ uó^ quiú'. 13 Jo fí' job cajer' lajee~ tuló~ jmí' fí' lí' ngí' jaléng' jó' nuu'; jo lajee~ jo lamí' iing~ i fií' i 'líng'^ i síi' Satanás e

niténg' Jesús fí ni~ dsee~, dsu' ja' calí'r- fa' cajméer' lajo. Jo mi~ cangf job mi~ caguiling- jaléng' ángeles i líng' guotii- Fidiée~ i cangoto' fíng' dsea` do.

Mi~ canaang` Jesús jmóor` ta~ quiá'r- fí lí se'
Galilea

(Mt. 4:12-17; Lc. 4:14-15)

¹⁴ Jo mi~ cangf gui lajo, mi~ nicatang'- dsea` Juan i seáang` dsea` jmii' fí dsí' 'nuñí', joba' cangáng' tu Jesús fí lí se' Galilea e cangoguiar' júu^ quiá'- Fidiée~ fí jo, ¹⁵ jo lalab fé'r:

—Lanab catí í' e nijaquíéng' e nicá Fidiée~ nifi' quiá'- lajaang' lajaang` dsea` jmigüí. Jo nab tí'gui e quí'- jíng' yaang~na' fí quini~ Fidiée~ jogui íng' na' e nogcáng` óo'na' júu^ quiá'r-.

Mi~ cató'- Jesús quiúung- dsea` ijmóo` ta~ sáng' 'ñu'
(Mt. 4:18-22; Lc. 5:1-11)

¹⁶ Jo mi~ cangf lajo, cangó- Jesús fí lí nées' cóo` guíéé' e sii' Galilea. Jo mi~ caguiér- fí jo, lajee~ e ngír' fí lí- lí 'ni' e guíéé' do, joba' cangáíñ- jaang` dseañu' i sii' Tú^ Simón cóo' gui jaang` rúíñ' do i sii' Dí'. Jo dob táaiñ~ do laj' huáaiñ- e jmóor` ta~ bí 'máa' fí é' guíéé' e quiá'- e sáiñ' 'ñu'. ¹⁷ Joba' casí'- Jesús i dsea` do lala:

—'Ná' ñilíng-na' cóo' jnea~, jo latí lana nicuøø-ø 'nú' ta~ e guiá'na' júu^ quiá'- Fidiée~ fí jee~ dsea` jmigüí, jo líb'jiu e ta~ jo la lí' ta~ sáng' 'ñu'.

¹⁸ Jo dsifí mi~ canúu- i dsea` gáng- do e júu^ e cajíng'- Jesús do, ladsifí lanab catár' e 'máa' quiá'r- do jo cangolíim^bre cóo' dsea` do.

¹⁹ Jo ja' huí- mí ngolíim-bir mi~ cangáng- Jesús jaang` dseañu' i sii' Tiáa~ cóo' gui jaang` rúíñ' do i

sii` Juan, jō lajì` huáaiñ`- do líiñ` jōo` jaang` dseañu`
 i sii` Zebedeo, jō teáaiñ`- do fí` cōo` dsíí` móo` e
 niguiar` guiá-` 'máa` quiá'r- e quiá-` nisáiñ` 'ñu`.
 20 Jō dsifib` cató-` Jesús i dseá` do e cangolíñ`^ do
 cóo`r~, jō ladsifí` lanab cangolíng` i dseá` do cóo`r-
 Jesús; jō dob caseáaiñ` do tiquiá'r` fí` dsíí` e móo` do
 colíing` cóo`r- jaléng` i dseá` i jmicóo`r-` gui quiá'r-.

*Jaang` dseañu` i iuung` i 'ling`^ dsíí`
 (Lc. 4:31-37)*

21 Jō mĩ` cangf` jō, cangolíñ`- fí` cōo` fñ` lí` sii`
 Capernaum. Jō fí` jō mĩ` catí` e jmĩ~ e jmi`ling` dseá`
 Israel, jō Jesús ca'ír- fí` dsíí` guá'-` quiá'-` i dseá` góor`
 do, jō canaaiñ` e'r` jaléng` dseá` i teáang`- do ie~
 jō. 22 Jō dsíng`- dsi`gò` dsíí` jaléng` i dseá` do dsu` e
 núur` jalé` e júu` e guíá` Jesús do, cō' er` laco' jaang`
 dseá` i quie` nifí` e ja` 'gó'r`, jō ja` er` laco' e` jaléng`
 tifa` i e` jalé` júu` quiu` ta~ quiá'-` dseá` Israel. 23 Jō
 ie~ jō e fí` dsíí` guá'-` dob ni`iuung`- jaang` dseañu`
 i ni`iuung`- i 'ling`^ dsíí`. Jōba' mĩ` tí` lí` cangáng`-
 i dseá` do Jesús, dsifí` ladob i 'ling`^ do cajméer` e
 ca'óo` i dseañu` do jō cajíñ`- do lala:

24 —¿Jialí` ñijmiguíin`^ jnea`^, Jesús, dseá` seen` fí`
 Nazaret? ¿Su cañí`- e ni`íin`~ jnea`? Cuím`baa` 'nu`,
 jōba' ne`naa` e lin` dseá` güeang`^ quiá'-` Fidiée`
 dseá` guíing` ñiff`-.

25 Jōba' mĩ` canúu`- Jesús lajō, dsifí` lanab cajíñ`-
 i 'ling`^ i ni`iuung`- dsíí` i dseañu` do jō cajíñ`-
 casí`-reiñ` lala:

—iCatii` í` moní`^, jō tiúung` i dseañu` la!

26 Jō dsifí` lajōb cajmée` i 'ling`^ do e cadseá-
 joñíng` i dseañu` do, jō teáb` ca'óoiñ` do mĩ`
 cagüi`fí` i 'ling`^ i ni`iuung`- dsíir` do. 27 Jō jaléng`

dsea` i cangá- e jo ie~ jo, eáam` cafóin` jo canaiin` jmingí- rúin`:

—¿I~ i dsea` na? ¡Cõ' fé'r` júu^ e ja` mí` ne~ naa' jogui ja` 'gó'r` fé'r` lí^ lacõ' jaang` dsea` i quie' nifí, jo la quie'gui jaléng` i 'ling'^ i teáng` dsíí` dsea` náu'r` júu^ quiá- dsea` na!

²⁸ Jo mi~ cangí jo, eáam` cani- júu^ quiá- Jesús cóo' jalé` e guiá- e jmóor` do fí latøng- lí se' Galilea.

Mi~ cajmi'leáng- Jesús iemisé` Tú` Simón

(Mt. 8:14-15; Lc. 4:38-39)

²⁹ Jo mi~ tí lí ca'uøøin` e fí dsíí` guá- e si' fí Capernaum do, dsifí lajob cangó- Jesús cóo' Tiáa~ cóo'~gui Juan fí quiá- Tú` Simón cóo'~gui Dí. ³⁰ Jo mi~ caguilíin` fí quiáin` do, dob ráang` iemisé` Tú` Simón e iu~ guíim`bre, jo casí- i dsea` do Jesús e~ calí- cóo' i dseamí do. ³¹ Joba' Jesús cangoquieein` fí quiá- lí ráang` i dsea` dsée~ do, jo catíin` guóoín` do jo caseáng`neiñ; jo mifíng` caráam`biñ' do, jo ladsifí lanab caguá- e iu~ guíin` jo canaiin` do guiar' guiá- e quiá- nihéin` Jesús cóo'~gui i dsea` i ngí cóo'~ dsea` do.

Mi~ cajmi'leáng- Jesús i fíng' dsea` dsée~

(Mt. 8:16-17; Lc. 4:40-41)

³² Jo mi~ canuu` e jmi~ jo e lico' nicadseá- ié, cangojéeng` dsea` i fíng' dsea` dsée~ i seeng` quiá'r` fí quini` Jesús, jo do quieeng` jaléng` dsea` i teáng` i 'ling'^ dsíí. ³³ Jo dseáng'- latøng- fiib` caseáng' e o'ná^ lí iuung- Jesús ie~ jo. ³⁴ Jo fíim` dsea` cajmi'leáng- Jesús ie~ jo lí^ doñí ee` jmohuí e líng' dsea`, jogui fíim`bi jaléng` dsea` i niteáng` i 'ling'^ dsíí cajmi'leám- Jesús cajo; dsu' ja` cacuø'r`

fí i 'lɪŋg' do fa' e niféiñ' do e nijmér- júu^ i~ i dsea` do, co' ñib' i 'lɪŋg' do guiá- i~ lɪŋg' dsea` do.

Mi~ caguia' Jesús júu^ quía'- Fidié' fí li~ se'
Galilea

(Lc. 4:42-44)

³⁵ Jo ná'-gui e ngóó' nijneá' e uóø` jo, caróob- Jesús jo cagüi'íbre e fiñ` jo, jo cangór- cangoféiñ' Tiquiá'r^ Fidié' fí coo` li~ ja` 'ga' lí dsilíng- dsea`. ³⁶ Jo Tá^ Simón colíng~ cóo'~ jaléng' dsea` i la'ó' ngí cóo'~ Jesús cangolíñ^ cango'néem'bre dsea` do, ³⁷ jo mi~ cadséiñ' dsea` do jo casí'r-:

—Fí'naa', lajiim` dsea` ngir' 'náíñ' 'na` lana.

³⁸ Dsu' Jesús cañíir` quía'- i dsea` do jo casí'-reiñ' lala:

—Má-aa' fí jalé' fiñ` e néé' fí quía'-gui la, jo fí job nidsiguiá'naa' júu^ quía'- Fidié', dsuco' ta` joba'e cagá- jnea' fí jmiçüí la.

³⁹ Jo lacaam` li~ se' Galilea ngí Jesús e guiar' júu^ quía'- Fidié' lí^ lacaang` li~ téé- guá'- quía'- dsea` góor` dsea` Israel, jogui jmóo`bir e táu- jaléng' i 'lɪŋg' i teáang'~ dsíí' dsea`.

Mi~ cajmi'leáang- Jesús jaang` dsea` i lɪŋg'
jmohuí' 'li'^

(Mt. 8:1-4; Lc. 5:12-16)

⁴⁰ Jo lajee' e ngí Jesús fí li~ se' Galilea, cangoquiéeng' jaang` dseañu' fí li~ ngóor' i nilíng' jmohuí' 'li'^ fí ngúu' táaiñ. Jo mi~ caguiér- quía'- li~ ngóó' Jesús, joba' casí' uó- jnir~ jo casí'r- dsea` do lala:

—Fí'i, cuóøm` lí jmi'leaan'^ jnea~ lajií'~ jmohuí' e lín'n song iin'~ lajo.

41 Jo Jesús calí- fi' l̄im-bre i dseañu' do, joba' cagüññ' dsea` do jo cajíñ'-:

—Im~baa jmi'leáan^'n 'nu`. jjo lana ca'láam-ba' lajii~ jmohuñ' e lin'!

42 Jo dsifi' lajob ca'láang- i dseañu' do, jo jo` e l̄iññ' jii~ coo` jóng. 43 Jo mi~ cangf jo, ca'ñb- Jesús júu^ i dseañu' do e nidséiñ'-, jo eáam' ca'ñr- 'goo` quiáññ'- do jo lalab cas'r-:

44 —Fñ-i 'nu` e jii~ jaang` dsea` ja` ii` nifi'^ lajalé' e calí- na; lico' güjjeaang~ uø' fi' quini~ jmidsea` lí^ laco' t̄ing` dsea` góo'oo' dsea` Israel, jogui liing~ ee` nigüicá'^ quiá'- e ca'láam-ba' lí^ laco'gui ta~ caquiñ' Moí malñ~gui eáang', jo lajoba' niliñí' dsea` e nica'láam-ba' lajii~ jmohuñ' e lamí- lin'.

45 Jo cangám'- i dseañu' do, dsu' cajmea'bre júu^ lajim` dsea' lajii~ e calí- do. Joba' Jesús jo` lí'r fa' ngí-guir dseáng'- fi' lí teáang^ dsea` eáang', jo fi' caluub~ fñ jii~ ja'guir fi' lí ja` ii` 'ga' lí dsea` jøø- quiá'r-; dsu' car` jii~ jo dseáng'- dsilím-bi dsea` i 'nó' quiá'r-.

2

Mi~ cajmi'leáang- Jesús jaang` dseañu' i caang~ tñ-
(Mt. 9:1-8; Lc. 5:17-26)

1 Jo mi~ cangf gui tú- 'ní jmi~ lajo, cangám'-tu Jesús fi' Capernaum. Jo mi~ caliñí' jaléng` dsea` e liing~ jié' fi' lí nitáang` dsea` do, 2 joba' ladsifi' lanab caseáng' f̄ing` dsea` e fi' 'núu' lí iuung- Jesús e guiar' júu^ quiá'- Fidié~, jo jii~ jo` íng-gui dsea` fi' o'nú^ quiá'- e 'núu' do, co' i 'leáam- dsea` teáang'- e fi' dsí' jo. 3 Jo lajee~ jo caguilíng- quiúung- dseañu' i dsíng` jaang`gui dseañu' i caang~ tñ-. 4 Jo

dsucɔ' eáam' fñing' dseá' i teáang' do ie~ jo, joba' ja' cuøong' fa' e nidsijéiñ' i dseá' dsée' do catí' quini' Jesús. Joba' caneáar' capí' fí' yú' 'nú' dseáng' e li~ iuung' Jesús cóo' jaléng' i dseá' do, jo fí' job cajgiéer' e 'ma' li~ dsíng' i dseá' dsée' do cartí' quini' laco' sing' Jesús. ⁵ Jo dsifí' mi~ calilí' Jesús jial dseáng' já' líng' jaléng' i dseá' do júu' quiá'r', joba' cajíñ' casí'r' i dseá' dsée' do lala:

—Jóo'o, nica'ím' baa dsee' quí'.

⁶ Jo mi~ cajíng' Jesús lajo, joba' i líng' tifa' quiá' júu' quiá' ta~ quiá' dseá' Israel i teáang' do ie~ jo canaaíñ' í' dsíir': ⁷ “¿Jial teá' dsí' i dseañu' na e fé'r' lana? Co' jalé' e fé'r' na, júu' gab' lí' fí' quini' Fidiéé', dsucɔ' dseáng' lají' Fidiéé'bing' cuøong' lí' íng' dsee' quiá' dseá'.” ⁸ Jo dsu' dsifí' lajob calilí' Jesús lají' e í' dsí' i dseá' do, joba' casí'r' reíñ' do lala:

—¿Jialí' í' áa' 'nú' lana? ⁹ ¿E~ e líng' 'nú' e ja' gui huíng' nifí' i dseá' caang' tí' na? ¿Su nifí'ire: “Nica'ím' baa dsee' quí'”, osi nifí'ire é: “Ráan' jo ngí~, jo quiéé' uø' e 'ma' li~ dsín' na”? ¹⁰ Jo dsu' lana jnea~ ni'éé' e 'nú' e jneab~ cagá' a fí' ñifí' e lín'n jaang' dseá' jmigü' e oo' baa ta~ fí' jmigü' la e ni'ín' dsee' quiá' dseá'.

Jo mi~ cangí' e cajíñ' lajo, joba' casí'r' i dseá' caang' tí' do lala:

¹¹ —Jnea~ fí' i 'nu', ráan' jo quiéé' e 'ma' li~ dsín' na jo guøng' fí' quí'.

¹² Joba' dsifí' ladob caráang' i dseá' caang' tí' do, jo cacór' e 'ma' li~ lamí~ dsíñ' do la ní' jaléng' i dseá' i teáang' do ie~ jo. Jo mi~ cangá' jaléng' i dseá' do lají' e calí' do, joba' lajim' bre cango'gó' dsíir' jo canaaíñ' jmiféiñ' Fidiéé' jo fé'r':

—Dseáng' jii' coo' ya' ja' mi' cane'naa' lajii' e nicalí' jmi' na.

Mi' cató' Jesús jaang' dseañu' i sii' Leví
(Mt. 9:9-13; Lc. 5:27-32)

¹³ Jo mi' cangí' lajo, cangób' tu Jesús fí' 'ni' guiéé' e néé' fí' Galilea do. Jo lajee' táaiñ' fí' jo, dseáng' eáam' dsilíng' dsea', joba' e'bre jaléng' dsea' i guilíng' do júu' quía' Fidiéé'. ¹⁴ Jo lajee' e iuung' Jesús fí' ngóor' fí' lí' jié', cangáin' jaang' dseañu' i sii' Leví, jóo' jaang' dseañu' i sii' Alfeo, e guiiñ' do fí' coo' lí' mir' cuu' e catíng' dseata' i guíng' fí' Roma, co' líiñ' do nodsicuu'. Joba' casí' Jesús i dseañu' do lala:

—Leví, má' aa' cóo' jnea'.

Jo dsifí' ladob caróo' Leví jo cangó' bre cóo' Jesús.

¹⁵ Jo mi' cangí' jo, Leví cató'r' Jesús e nidsé' dsea' do e nidsihé'r' fí' quíaiñ'. Jo fí' jo niguiing' dsea' do gø'r' colíng' cóo' jaléng' dsea' i ngí' cóo'r' jogui cóo' i fíng' dsea' i mí' cuu' quía' dseata' guíng' fí' Roma jogui cóo' jaléng' dsea' i jiéng' gui i sea' júu' i røng' dsee' cajo. ¹⁶ Jo mi' cangá' jaléng' dsea' Israel i líng' dsea' fariseo cóo' gui jaléng' tifa' quía' júu' quíu' ta' quía'r' e Jesús guiiñ' gø'r' colíng' cóo' jaléng' i dsea' do, joba' cajmingí'r' i dsea' quía' Jesús do jo casí' reiñ' do lala:

—¿Jialí' gø' tifa' quí' na' colíng' cóo' jaléng' 'ná' nodsicuu' cóo' gui jaléng' dsea' caguaang' gui i sea' júu' i røng' dsee'?

¹⁷ Jo mi' canúu' Jesús lado, joba' cañí'r' quía' i dsea' do lala:

—Jaléng^l dsea` i guiúng⁻ ja` 'neáiñ⁻ tímí^í, dsu^l jaléng^l dsea` dsée^l~bing^l i` 'neáng⁻ í. Jò jnea[~] ja` cagá⁻a fí` jmígúí^l la fa^l e caga'nén^l'n jaléng^l dsea` i` ée` guiá⁻, dsu^l jaléng^l dsea` dsee⁻ dsea` qui'bing^l i` caga'nén^l'n.

*Mi[~] cajmingí^r- dsea` Jesús uii[~] quiá⁻ jalé^l ayuno
(Mt. 9:14-17; Lc. 5:33-39)*

¹⁸ Jò còo` née^l~ cajmée⁻ ayuno jaléng^l i` dsea` i` ngí` cóo^l~ Juan i` seáang^l dsea` jmí^í cóo^l~ gui jaléng^l i` dsea` i` líng^l dsea` fariseo. Jò lajee[~] jò, caguilíng⁻ i` líng[~] dsea` fí` lí` táang^l Jesús jò cajmingí^r- dsea` do lala:

—Jaléng^l i` dsea` quiá⁻ Juan i` seáang^l dsea` jmí^í cóo^l~ gui jaléng^l dsea` fariseo jmóo`bre ayuno, jò çjialí^l jaléng^l dsea` quií⁻ 'n^u ja` jmóor^l lajò?

¹⁹ Jòba' cañí^l Jesús quiá⁻ i` dsea` do lala:

—Ja` cuøng^l nijmé⁻ ayuno jaléng^l dsea` i` simíng[~] quiá⁻ còo` lí` cung^l guoo` dsea` lajee[~] seeng^l i` simíng^l i` cung^l guo` do cóo^l~; cò^l lajee[~] siseáng^l i` simíng^l do cóo^l~ i` dsea` simíng[~] do, ja` cuøng^l fa^l nijmé⁻ i` dsea` simíng[~] do ayuno. ²⁰ Jò dsu^l còob^l mi[~] nití⁻ í^l e nisáiñ^l i` simíng^l i` cung^l guo` do, jò joguíb^l mi[~] niguiéé^l jmí^í e nijmé⁻ dsea` ayuno.

²¹ Jò jíí^l jaang^l dsea` to^l~r còo` 'mi^l e yáú^l cóo^l~ ca'ná^l^ 'mi^l e 'mí^í, dsuco^l song cajméer^l lajò, jòba' nijóm^l e 'mi^l e 'mí^í do joguì ní'guí'bi e 'mi^l e yáú^l do cajo, jòba' lí^l lí' jmíguí'guí ní'guí'b jóng. ²² Jò lajòbi cajo, ja` guié^l dsea` méé^l e lacò^l gui'ná^l^ có^l fí' còo` dsí^l loo[~] jó^l e yáú^l; dsuco^l song cajméer^l lajò, jòba' ní'guí'ba^l do jò nidsi'í'ib^l e méé^l do joguì ní'ím⁻ e loo[~] jó^l do cajo. Jò cò^l lajòb lí^l, jòba'

guiá⁻gui e niguié^l dsea^l e méé^l laco^l gui^l ná[^] có^l do fí^l coo^l dsí^l loo^l jó^l e 'míb⁻, jo^l lajoba^l ja^l dseáng^l fa^l e ni^l guí^l e loo^l jó^l do o^l gui fa^l e nidsi^l íí^l e méé^l do cajo.

*Mi[~] ca'éeng⁻ dsea^l quiá^l- Jesús láa^l quiá^l- cui'iee^l
(Mt. 12:1-8; Lc. 6:1-5)*

²³ Jo^l coo^l ya^l ie[~] jmi[~] e jmi'ing^l dsea^l góo^l Jesús dsea^l Israel, jo^l caguié⁻ dsea^l do coling[~] cóo^l jaléng^l dsea^l quiá^l-r⁻ fí^l coo^l guiee^l lí[~] sijnea^l cui'iee^l. Jo^l jaléng^l i^l dsea^l quiá^l-r⁻ do mi[~] cangíiñ^l fí^l jo, canaaíñ^l éeíñ⁻ láa^l quiá^l- e cui'iee^l e sea^l do ie[~] jo. ²⁴ Joba^l jaléng^l dsea^l Israel i^l líng^l dsea^l fariseo cajmingí^l-r⁻ Jesús lala:

—Janú^l, ¿jali^l jmoó^l dsea^l quií^l- lana?, co^l ja cuóong^l jmé⁻ dsea^l Israel e lana mi[~] jmi[~] e jmi'ing^l naa^l.

²⁵ Joba^l cañí^l Jesús quiá^l- i^l dsea^l do lala:

—¿Su jíí^l coo^l ya^l ja^l mí^l ca'í^l 'ná^l fí^l ní^l jì^l quiá^l- Fidié^l lí^l fé^l e[~] cajmé^l dseata^l Daví^l ie[~] malí^l do coo^l ya^l lajee^l e jmi'aang⁻ dsea^l do cóo^l dsea^l quiá^l-r⁻? ²⁶ Jo^l ie[~] jo^l jaang^l dsea^l i^l sii^l Abiatar líiñ^l jmidsea^l laniing⁻, dsu^l i^l dseata^l Daví^l do ca'í⁻ bre fí^l dsí^l 'nu[~] Fidié^l jo^l cagó^l bre e íñ^l güeang^l quiá^l- Fidié^l e sí^l dseáng^l lajíí^l jmidsea^l bing^l cuóong^l lí^l dó^l; jogui cacuó^l bir cajo jaléng^l i^l dsea^l i^l ngolíng⁻ gui cóo^l-r⁻ do e cagóíñ^l do.

²⁷ Jo^l cajíng^l-gui Jesús cajo:

—E jmi[~] e jmi'ing^l dsea^l cajmé^l Fidié^l e laco^l nijmicóo^l-r⁻ dsea^l jmígüí^l, jo^l o^l yaang⁻ dsea^l jmígüí^l cagui^l-r⁻ e jmi[~] jo^l e laco^l nijmi'íñ^l. ²⁸ Jo^l uí^l lajoba^l e jnea^l, i^l cagüéng⁻ fí^l jmígüí^l la e gáa^l a fí^l ñiff⁻ e lín^l n

jaang` dsea` jmiḡüî, seab` fi` quié` e e quiá¹`-u ta` lajee` e jmiï` e jmi'íng' dsea` góo`o dsea` Israel.

3

*Mi` cajmi'leáang` Jesús jaang` dsea` i caang` guoo`
(Mt. 12:9-14; Lc. 6:6-11)*

¹ Jo mi` cangá` jo, coo` jmiï` ca'ib`-tu Jesús fi` coo` dsíí` guá¹` quiá¹` dsea` góor` dsea` Israel, jo fi` job ni'iuung` jaang` dseañu` i caang` coo` guoo`. ² Jo ie` jo i fíim` dsea` siteeiñ` Jesús fi` e guá¹` jo e lí` laco' nijóø`-su nijmi'leáang` dsea` do i dsea` dsée¹` do 'ñia¹` ie` jmiï` e jmi'íng' jaléng' dsea` góor` dsea` Israel, co' fíng cajmée` dsea` do lajo, lajoba' líiñ` e nilí¹` e ni'níng`-neiñ¹` fi` quini` dseata`. ³ Jo mi` cangáng` Jesús i dseañu` i caang` guoo` do, dsifi` lajob casi¹`-reiñ¹` do lala:

—Ráan¹` jo síng¹`-uø¹` e guiá¹` joo` do.

⁴ Jo mifíng` cajming¹`-r jaléng' i dsea` i teáang` do ie` jo, jo casi¹`-reiñ¹` do lala:

—¿E` í` óo' 'nú¹` e cuøøng` lilí` mi` jmiï` e jmi'íng' jneaa`aa¹, dsea` Israel? ¿Su e guiá¹` ofa¹ e ja` dseem` é? ¿Su 'né¹ e nijmi'leáang`naa¹ jaang` dsea` rú¹`naa¹ jee` jmohuí¹, osi e nibiing`naa¹r é?

Dsu¹ jaléng' i dsea` do tiib`-cajer'. ⁵ Jo lí¹` cajóøm` Jesús jaléng' i dsea` i teáang` lacúng' lajíng` do, jo caliguíim`-bre quiáíñ¹` do, jogui fí¹`bi cajer` cajo, co' dseáng¹`-ja` iing` jaléng' i dsea` do ningám¹`-bre. Joba¹ lalab casi¹`-r i dseañu` i caang` guoo` do:

—Ní¹` guoo¹, dseañu¹.

Joba¹ cani¹`biñ¹` do guoor` e caang` do, jo ladsifi¹ lanab ca'lóo¹. ⁶ Jo mi` cangá¹` jaléng' i dsea` Israel i líng' dsea` fariseo i teáang` do ie` jo jalé¹` e cali¹`

do, dsifí mĩ tí lĩ ca'uøøiñ' fí jø, jø canaaĩñ' sũĩñ' cóo'~ jaléng' dsea` quiá'~ dseata~ Herodes e quiá'~ jial nijmér~ e laco' nijngáiñ'~ Jesús.

Mĩ caseáng' i fĩng' dsea` fí 'ni' guiéé' Galilea

⁷ Jø mĩ cangĩ jø, cangób~tu Jesús colĩng~ cóo'~ jaléng' dsea` quiá'r~ fí 'ni' guiéé' Galilea, jøgui i fĩm' dsea` seeng' lacaang' fĩ lĩ se' Galilea ngolĩĩñ~ laco' ngóó' dsea` do. ⁸ Jø mĩ caliñĩ jaléng' dsea` quiá'~ jalé' e guiá~ e jmóo` Jesús, i fĩm' dsea` cajaliñ^ cajajøøiñ^ dsea` do; cajaliñg^ jaléng' dsea` i seeng' fí Jerusalén, jøgui lacaang' fĩ jié' lĩ se' Judea, jøgui lĩ se' Idumea, jøgui jaléng' dsea` i neáng' lí^ lí guiéé'~ laco' iũ gua` Jordán, jøgui jaléng' dsea` i seeng' fí fĩ Tiro cóo'~gui fí fĩ Sidón. ⁹ Jø cast'~ Jesús i dsea` quiá'r~ do e nijméiñ'~ do quiji~ cóo' móo' e ni'ír' e lí^ laco' ja` nicúĩñ'~ eáng' fí jee~ i dsea` 'leáang~ do; ¹⁰ dsuco' Jesús dseáng'~ i 'leáam~ dsea` dsée'~ i nicajmi'leáaiñ~, joba' jaléng' dsea` dsée'~ dseáng'~ dsiquiéeiñ' e güim'bre dsea` do. ¹¹ Jøgui jaléng' i dsea` dsée'~ i jée' i 'ling'~ quiá'~ laco' mĩ níĩñ~ Jesús, dsifí lajob sí'r' uø~ jnir~ fí quini~ dsea` do jø óor` teá jø fé'r` lala:

—'Nũ lin' i jøo' Fidiéé~ camĩng'~ do.

¹² Jø Jesús cajmi'leáam~bre i dsea` dsée'~ do, jø jíim~bre i 'ling'~ do jøgui quiũ'reiñ' ta~ e ja` niféiñ' do cuaiñ~ quiá'r~ 'ñia'r' fí quini~ dsea`.

Mĩ caguíng' Jesús dsea` guitúung' quiá'r~

(Mt. 10:1-4; Lc. 6:12-16)

¹³ Jø mĩ cangĩgui lajø, cajgóo~ Jesús fí cóo' yú^ mó', jø fí job catø'r~ i fĩng' dsea` e laco' niguiñ' i~ jaléng' ni'uíng~ dsea` quiá'r~. Jø lajee~ e nicaseáiñ' lajũĩñ' e fí yú^ mó' do, ¹⁴ caguíñ' lajee~ jaléng'

i dsea` i teáng` do ie` jo guitúung` dsea` i nisíñ`
 cuaiñ` quiá'r` e laco' nidsguiainñ` do júu` quiá`
 Fidiéé` jee` jaléng` dsea` jmigüi; joba' i dsea` í
 calisír` dsea` apóo`, e guóng` dsea` si'neaang` quiá`
 Fidiéé` i quie' júu` quiá'r`. ¹⁵ Jogui cacuø'reiñ'
 do ta` e quí'r` jmí` e ni'uóñ` jaléng` i 'ling` i
 jée' quiá` dsea`. ¹⁶ Jo lalab si` i dsea` guitúung`
 i ca'naaiñ` do: jaang` i si` Simón, jo mi` cangir`
 cóo` Jesús calisír` Tú`; ¹⁷ jaang`gui i si` Tiáa`
 cóo`gui jaang` rúñ` do i si` Juan, jo laji` huáaiñ`
 do líñ` jóo` jaang` dseañu` i si` Zebedeo, jo mi`
 cangir` cóo` Jesús laji` huáaiñ` do calisír` Boan-
 erges, e guóng` jóo` Ji` Güi'ñiá`; ¹⁸ jaang`gui i si` Df,
 jaang`gui i si` Li, jo jaang`gui i si` Bartolomé cóo`
 jaang`gui i si` Mateo, jogui jaang`gui i si` Mó`, jo
 jaang`gui i si` Tiáa~, jóo` jaang` dseañu` i si` Alfeo,
 jogui jaang`gui i si` Tadeo cóo` jaang`gui i si`
 Simón i líng` dsea` celote, ¹⁹ jo catí` lí` cadséng`gui
 Judas Iscariote i cajáng` Jesús fí` jaguó` dsea` i
 cajnga' quiá'r`.

*Mi` cacuø' dsea` dsee` Jesús e jmóor` ta` la'eáang`
 cóo` fí` i 'ling`*

(Mt. 12:22-32; Lc. 11:14-23; 12:10)

²⁰ Jo mi` cangí`gui lajo, ca'í`tu Jesús fí` cóo` dsí`
 sináa`, jo dsifí` lajob caseáng`tu dsea` i 'leáang` e
 jíi` o' cuø' fí` dó`gui dsea` do colíng` cóo` dsea`
 guitúung` quiá'r`. ²¹ Jo mi` caliñi` i dsea` rúng` Jesús
 e jo, joba' cangolíñ` e cangotéer` dsea` do ladsifí`
 lado, co' fé'r` e ningaam`biñ'.

²² Jogui lajobi cajo, lalab fé` jaléng` tifa' quiá`
 júu` quiá' ta` quiá` dsea` Israel i jalíng` catí`
 Jerusalén jo cajíñ`-:

—La'eáang' cóo'~ bí' quiá'- Beelzebú i líng' fií' jaléng' i 'ling'ˆ, la'eáang' í'bing' tting' i dseañuˆ na e uóøiñˆ i 'ling'ˆ i teáang'~ dsí' dsea`.

²³ Joba' catób'- Jesús jaléng' i dsea` do, jo casí'-reiñ' do cóo' júuˆ já'- e lafa' júuˆ cuento jo lalab cajíñ'-:

—¿Jial lí' Satanás niguíñ- 'ñia'r'? ²⁴ Jogui fa' dsea` i seeng` fí' cóo' fií', jo nilí' e 'ní' níng- rúíñ' lajeeˆ la'ó' yaaiñ~, joba' ja` huøø- nité' e seeng` dsea` e fí' fií' jo, ¿já^ já'-? ²⁵ Jogui lajobi fa' cóo' sinúuˆ quiá'- dsea` lí' seeiñ` mí'~, ja` cuø' fí' fa' e seeiñ` juguiá- fí' jo, ¿já^ já'-? ²⁶ Lajobi lí' cóo'~ Satanás i líng' fií' i 'ling'ˆ do; cofa' caliséiñ` mí'~ jogui catíñ` cóo'~ i 'ling'ˆ i líng' la'ó' 'ñia'r' do, joba' ja` røø` nigüi'fing' quiá'r-, có' ni'íim- bre congüa' jóng, ¿já^ já'-?

²⁷ Jogui lajobi cajo júi~ jaang` dsea` lí'r' ír' fí' dsí' sinúuˆ e nidsijméer- ñ` quiá'- jaang`gui dsea` i bígui dsí' laco' ír'; có' la'uii~ jang'- 'né' e ni'ñúm'bre i dsea` í, jo joguiba' nilí'r' e nijmér- ñ` jóng.

²⁸ Jo jnea~ jmitaaˆ óóna' e cuøøm` lí'ling- Fidiéeˆ dsee- quiá'- jaléng' dsea` uii~ quiá'- jalé' e nicajméer` cóo'~gui jalé' e nicafér', ²⁹ dsu' song iiguí fé' ga' uii~ quiá'- Jmiguí quiá'- Fidiéeˆ, joba' dseáng'- jo` ni'íim- Fidiéeˆ dsee- quiá'- i dsea` í, có' latab~ niróíñ` dsee- jóng.

³⁰ Jo lanab júi~ lí' júuˆ e casí'- Jesús i dsea` do ie~ jo uii~ e féiñ' do e jée' i 'ling'ˆ quiá'r-.

Mi~ cajíng'- Jesús i~ niquiá'r^ jogui i~ rúíñ'
(Mt. 12:46-50; Lc. 8:19-21)

³¹ Jo mi~ cangí jo, jo lajeeˆ e iuum- bi Jesús fí' dsí' e sinúuˆ do, mi~ caguié- niquiá'rˆ cóo'~gui jaléng' rúíñ'. Dsu' júi~ caluubˆ cajeiñ' do, có' eám' fíng'

dsea` teáang'~ dsí' e sinúu^ jo ie~ jo. Joba' casíiñ` jaang` dsea` i sí'í^ cangote' Jesús. ³² Jo i dsea` i neáang' lacúng' lajínng' lí~ sing' Jesús casí'r~ dsea` do lala:

—Nab nicagüéng~ niquí'í^ cóo'gui jaléng' rún' dseañu^ cóo'gui rún' dseamî e 'náin' 'nu, jo nab teáaiñ~ caluu` lana.

³³ Joba' cañí' Jesús quiá'~ i dsea` do lala:

—¿I~ líng' 'ná' i líng' niquié'e jogui jaléng' rún'n?

³⁴ Jogui cajóøiñ~ i dsea` i neáang' lacúng' lajínng' lí~ guiiñ~ do jo cajíñ'~:

³⁵ —Co' lí' doñí' i dsea` i jmóo` dseáng'~ lajii' ta~ e iing~ Fidiéé~, joba' i dsea` í'bing' i líng' rún'n jogui í'bing' i líng' niquié'e cajo.

4

Coo` júu^ já'~ lafa' júu^ cuento quiá'~ mi~ bí' dsea` mijú`

(Mt. 13:1-9; Lc. 8:4-8)

¹ Jo cóo'gui néel~ canaang`tu Jesús e e'r' dsea` júu^ quiá'~ Fidiéé` fí' 'ni' e guiéé' do. Jo dsuco' i fíim' dsea` caseáng'`tu e fí' jo, joba' lajee` jo ca'ib~tu Jesús fí' dsí' cóo` móo' e sí' e 'ni' e guiéé' do, jo fí' job caguár` lajee` e jaléng' i dsea` caguiaang~ do teáaiñ~ fí' 'ni' e guiéé' do e núur` júu^ quiáiñ'~ do. ² Jo fí' job canaang` Jesús ca'e'r' jaléng' i dsea` do jmiguiú` júu^ já'~ lafa' júu^ cuento, jo lalab fé'r' e sí'r' i dsea` do:

³ —Janú', núu~na' jalé' e nifá'^a la: Coo` ya' cagüi'í' jaang` dsea` quie' mijú` e ngojñir~ jma~. ⁴ Jo lajee` ngóor' jnir' jma~ quiá'r~, e líng~ e mijú` do cajjú' fí' lí~ ngóo' fí', jo jib~ cøøng` lajo caguilíng~

ta' jo cagó'bre' e mijú' do. ⁵ Jogui sea'bi e mijú' do e cajiá' fí jee' cuu' fí lí ja' 'leáang' guóo'~ née'; jo e mijú' jo lajmináb' ca'iaang', co' ja' 'leáang' 'míi'~ née' guóo'~; ⁶ jo dsu' mi' cangáng' iee', cacám' jo caliquiúb', co' ja' 'ga' lí jmó' sea' quiá'-. ⁷ Jo e liing'gui e mijú' do cajiá' fí jee' 'matóo', jo co' eáang'gui cacuáng' e 'matóo' do jo niúm' ca'uíing' quiá'~ e mijú' e ca'iaang' do, joba' e mijú' do dseáng'~ ja' e cacuøb'. ⁸ Jogui e liing'gui e mijú' do cajiá' fí lí jlo' uó', joba' jlob' cacuáng'; jo e liing' cacuø' lí'gui treinta lacamí', jogui e liing'gui cacuø' lí'gui sesenta lacamí', jogui e liing'gui cajo cacuø' latí cien mí' lacamí' do.

⁹ Jo cajíng'~gui Jesús casí'r' i dsea' do:

—Jaléng' 'nú', dsea' sea' loguá'na', núu'na' e júu' na.

E' uiing' e cacuø' Jesús jalé' júu' já'~ lafa' júu' cuento

(Mt. 13:10-17; Lc. 8:9-10)

¹⁰ Jo mi' cangí jo, mi' cajé' Jesús 'ñia'r', jo jaléng' i dsea' i neáang' cáang' laco' guiiñ'~ do colíing' cóo'~ jaléng' dsea' guitúung' quiá'r'~ cajmingí'r' dsea' do e' guóng' e júu' e cajíñ'~ do e lí' lafa' júu' cuento.

¹¹ Joba' cañí' Jesús quiá'~ lajaléiñ' do jo lalab casí'~reiñ':

—Ngám' 'nú' e cuø' Fidié' e ní'na' jialco' quie' Fidié' nifi' quiá'~ dsea' e ja' mí' ní' dsea' jmigü' lamí' jéeng'gui; dsu' jaléng'gui dsea' i ja' mí' íng' júu' quiá'~ Fidié', núur' e júu' do la'eáang' cóo'~ júu' e lí' lafa' júu' cuento. ¹² Co' lajob' fé' fí ní' jì quiá'~ Fidié' cuaiñ' quiá'~ jaléng' i dsea' í:

Jo dsu' nañí' fa' jialgui la jóø'r', dsu' ja' ninír', jogui nañí' fa' jialgui la núur', dsu' ja' ningáiñ',

e laco' i dsea` la'í ja` niquí' jing` yaaiñ` fí
 quinií,
 jo o'gui jnea` ni'íin`n dsee` quiá'r` cajo.

*Mí` cajíng` Jesús e` guóng` e júu` quiá'- i dsea` bí
 mijú` do*

(Mt. 13:18-23; Lc. 8:11-15)

¹³ Jo cajíng`-gui Jesús casí'r` jaléng` i dsea` do:

—¿Su ja` ngáng` 'nú' e júu` já'- e lí' lafa' júu`
 cuento la? Jo ¿jial ningáng`na' e caguiee`-gui do
 song ja` ngáng`na' e la? ¹⁴ Jo lalab guóng` e júu`
 la: I dsea` i jni' e mijú` do líiñ' lafa' jaang` dsea`
 i jmóo` ta` guia' júu` quiá'- Fidié` cuaiñ` quiá'-
 Dsea` Jmáang`. ¹⁵ Jo i líing` dsea` líiñ' laco' lí' e
 mijú` e cajiá' fí' guia' fí' do, co' núur` e júu` jo, jo
 mí` ningí` jo, dsifí' lajob` guiee' Satanás, jo íb` jmóo`
 e íim`-tu dsíir' lajii' e júu` e nicanúur` do. ¹⁶ Jo i
 líing`-gui dsea` líiñ' laco' la lí' e mijú` e cajiá' fí' jee`
 cuu` lí' ja` 'ga' lí' guóo`-sea, co' i dsea` í' núur` e júu`
 quiá'- Fidié` do, jo ladsifí' íáam` dsíir' e íñ' e júu` jo.
¹⁷ Jo dsuco' ja` mí' ca'íng`-guir dseáng`- e ngocáng`
 dsíir' e júu` jo, joba' ja` huóo`-té'r` e já'- líiñ'; jo mí`
 dsingíiñ`-ee`go e huíng`-osi e 'ní' ní'- dsea` quiá'r`
 é uí' e cuíñ' Dsea` Jmáang`, joba' jgiéem`-dsíir`
 cóo` e júu` jo. ¹⁸⁻¹⁹ Jogui i líing`-gui dsea` líiñ' laco'
 lí' e mijú` e cajiá' fí' jee` 'matóo' do, co' lico' núur` e
 júu` quiá'- Fidié` do, jo dsu' eáang`-gui guing`-dsíir`
 jial nilí'r` jalé' e 'né'r`, jogui eáam`-jmigóo'iñ` yaaiñ`
 e dsináaiñ`-cuu` cóo`-gui jalé' e sea' fí' jmigüí' la. Jo
 lajaléb' e jo jmóo` e túb`-tur e júu` jo, jo ja` ee` ta` íing`
 quiá'r` e já'- calíiñ` e júu` jo co' ja` ee` dsicuáng`
 quiá'r`. ²⁰ Dsu' i líing`-gui dsea` núur` e júu` quiá'-
 Fidié` do, jo jáb'- líiñ' e júu` jo, jo guiáb`-uíng`

quiá'r-, jo i dsea` la'í'bing' líng' laco' lí' e mijú` e cajíu' fí lí' jlo` uó` do. Jogui i líng`gui i dsea` la'í' líiñ' laco' e mijú` e cacuø` treinta lacamí`^ do, jo i líng`gui líng' laco' e mijú` e cacuø` lí'gui sesenta lacamí`^, jogui i líng`gui líng' laco' e mijú` e cacuø` lajì cien lacamí`^ do.

Coo`gui júu` já`- lafa' júu` cuento quiá`- jial mĩ` jmijneá` dsea` jì`

(Lc. 8:16-18)

²¹ Jogui fí`biguí` 'nú` cajo: Ja` ee` uing` sea` e sí` dsea` coo` candí`^ mĩ` canu` fí` dsí` coo` caja osi fí` coo` lí` cøøng` é, dsuco' coo` lí` ñíib' 'né` sí` do e laco' cuøøng` jneá` guíu`- fí` latøøng`- sínú`^ . ²² Jogui lajòb lí', co' jí`~ coo` sea` e si' maang` fa' e ja` tóo` jmĩ` niliñí` dsea`, o'gui jí`~ coo` júu` e ja` mí` ñí` dsea` jéeng`gui fa' ja` tóo` jmĩ` e niliñir'. ²³ Joba' fí`-i 'nú', iì` 'nú` dsea` sea` loguá`^na', núu`-na' jalé` e júu` na.

²⁴ Jo mĩ` cangí` jo, lalab cajíng`-gui Jesús casí`r- i dsea` do jo cajíñ`-:

—Quié`na' cuante lajii`~ e nuu`na'; co' lafa' cóo`~ e guíu` 'nú' í', cóo`~ e job cajo e niguiá` Fidié` í` ee`go nicuø`r- 'nú' jo car` jí`~ lí`bi lajò nicuø`r- 'nú'. ²⁵ Dsuco' i dsea` i sea` quiá`-, jmíguiu`guib niñiñ` e nilísea`, joba' lalím` nilísea` quiá`r-; jo dsu`gui i dsea` i ja` sea` quiá`-, nigüéáb` lajii`~ capí`^jiu e sea` quiá`r- do.

Coo`gui júu` já`- lafa' júu` cuento quiá`- mijú` e cuaang`

²⁶ Jo cajím`-bigui Jesús cajo:

—Mĩ` quíe` Fidié` nifí` quiá`- dsea`, lí' la lí' quiá`- jaang` dsea` i ta' mijú` fí` nú`- uó`. ²⁷ Jo mĩ` ningí` e cajnír` e mijú` do, jo nidsém`-bre fí`

quiá'r-. Jo mi~ nití- tú- 'ní jmi~ lajo, nidsi'ee~tur
fí lí~ cató'r' e mijú' do, jo lacoo` jmi~ jneá` jogui
lacoo` jmi~ nuu` cuaam`ba' do, dsu' i dsea` i cajní
do ja` ñir' jial e cuaang`, ²⁸ co' 'ñiab' guóo'~ uó- e
jmóo` e cuaang` do: co' la'uii~ nijnéng` sú'^ quiá'-, jo
mi~ ningâ jo nijáa` lí^ quiá'-, jo mi~ cangâ joguiba'
nicuó- ofi~. ²⁹ Jo mi~ lí~ e nicaroo` e ofi~ do, joba'
nidsicu~bre, co' lí'r^ e nicatâ í' e nisitâim`ba' do.

*Coo`gui júu^ já'- lafa' júu^ cuento quiá'- coo` mijú`
e sií` mostáa`*

(Mt. 13:31-32; Lc. 13:18-19)

³⁰ Jo cajíng'~ gui Jesús:

—¿Jial líng~na' e lí' mi~ jaang` dsea` quie' Fidiée~
nifí quiá'r'? Jogui ¿e~ cóo'~ cuóøng` nicóøng`naa'?
³¹ Jo mi~ quie' Fidiée~ nifí quiá'- dsea`, lí' lafa' e
mijú' e sií` mostáa` e jní dsea`. Jo e mijú' jo dseáng'-
pí'gui lajee~ lajalé'~ mijú' e sea` fí jmi~güí, ³² dsu'
fíng cajní dsea`, dseáng'- féb'~ eáang' cuaang`, co'
fé'gui eáang' lajee~ lajalé'~ onuu, jogui cóob'~ guo'
quiá'- uíng~ cajo e cuóøng` guia' jaléng'~ tá' sií-re'
fí yú'^ jee~ i'^ quiá'-.

*E~ uiing~ e cajíng'~ Jesús e júu^ já'- do e lí' lafa' júu^
cuento*

(Mt. 13:34-35)

³³ Jo lajob ca'e' Jesús jaléng'~ dsea` júu^ quiá'-
Fidiée~ e quijgeáng` jalé'~ júu^ já'- e lí' lafa'
júu^ cuento lí' cartí califíng'- mogui~ dsea` e jo
ningáng'~guir guiá-. ³⁴ Jo dseáng'- ja` e'bre dsea`
júu^ quiá'- Fidiée~ e ja` quieéng` e júu^ lajo. Dsu'
lajaléb'~ e guóng'~ e júu^ do jma'bre júu^ condsée' i
dsea` guitúung` quiá'r- do mi~ neáiñ' colíng~ lí' ja`
seeng` dsea` jíéng'.

Mi~ cajméé` Jesús e ca'uáang~ e í' guí jogui e ca'uáang~ e róo~ jmii`

(Mt. 8:23-27; Lc. 8:22-25)

³⁵ Jo 'ñia' ie~ jmii~ jo, mi~ tí' lí' ca'í- núu^, casí'- Jesús jaléng^ ì dsea` guitúung` quiá'r~ do lala:

—Má~aa' fí' lí' lí' 'ngóo~ cataang` e guiéé' la.

³⁶ Joba' lajob cajméer': caseáam`bre ì fíng' dsea` jo cangó~bre cóo~ ì dsea` quiá'r~ do, jo cangotáaiñ~ fí' dsí' cóo` móo' e nisi' do, jogui cangotáam~bigui dsea` jiéng^ fí' dsí' tú~ 'ní' móo' e jié'gui, jo cangolíim^biñ' do cóo'r~ cajo. ³⁷ Jo lajee~ ningolíiñ~ ni~ jmii~b` mi~ canaang` í' guí e teá' eáang' jogui canaang` róo~ jmii` cajo, jo catí' dsí' móob' nicanaang` dsí'a~ jmii`. ³⁸ Jo lajee~ jo güim` Jesús ngóor' lí' to'mii~ e móo' do e sijnuuiñ~ dse' cóo` to'mi' dsíng' gui~. Joba' cangoñiñ` dsea` do ladsifí' lado jo casí'~reiñ' lala:

—¡Tifa'! ¿Su ja` dsí'gó` o' e nicanaang` dsí'am`baa'?

³⁹ Joba' caróo~ Jesús jo caquiur' ta~ e guí do jo cajíñ'-:

—¡Catii'!

Jogui caquiur' ta~ e jmii` do jo cajíñ'-:

—¡Jmi'uáang^ uø'!

Jo ladsifí' ladob ca'uáang~ e í' guí cóo~gui e róo~ jmii~, jo tiib~ ca'f' jóng.

⁴⁰ Jo mi~ cangí jo, lalab cajíng'- Jesús casí'r~ ì dsea` guitúung` quiá'r~ do:

—¿Jialí' eáang' 'gó'na'? ¿Su ja` já'- mí' calím~bi' lajii~ júu^ quié~e?

⁴¹ Jo mi~ canúu~ ì dsea` guitúung` do lajo cafóm`bre, co' ja` ñir' jialí' cajíng'- dsea` do lado, jo canaaiñ` jmingí'- rúíñ' lajee~ yaaiñ~ jo fé'r':

—¿I i dseañu^l la e la quie'gui tí guí cóo^l jmiñ^u núu^l júu[^] quiá'r⁻?

5

Jaang`dseañu^l i teáang^l i 'ling[^] dsí'
(Mt. 8:28-34; Lc. 8:26-39)

¹ Jo mi[~] cangí jo, caguié⁻ Jesús cóo^l i dseañ^u quiá'r⁻ do fí lí[^] lí[^] ngóo^l cataang[`] e guieé['] do e fí ni[~] guóo^l uó⁻ lí[~] se['] Gerasa. ² Jo mifíng[`] mi[~] tí lí[~] cajgáng⁻ Jesús e fí yá[^] e móo['] do, cangoquiéng['] fí lí[~] siñ['] jaang[`] dseañu^l i teáang^l i 'ling[^] dsí'. Jo i dseañu^l do lí[^] nijar['] fí codsiib[~], ³ co['] fí job fí lí[~] guiiñ[~]. Jo júi^l jaang[`] dseañ^u ja[^] i^l mí cali['] fa' e nicasang['] neiñ['] o'gui i^l mí cali['] fa' ni[^]ñúng['] neiñ['] cóo^l ñí[^] cadena cajo. ⁴ Jo jmiguiub['] ya['] ninicajmée[`] dseañ^u quijí^l e ni[^]ñá'r['] guotíiñ['] do cóo^l e ñí[^] jo, dsu['] dsifí lado fíiñ['] do jo dseáng['] júi^l jaang[`] ja[^] i^l mí catée['] quiá'r⁻. ⁵ Jo i dseañu^l do uó^ø jmí^u ngir['] fí lacaang[`] jee[~] mó['] jogui lacaang[`] fí lí[~] si'aang[~] jaléng['] lí[~] e óor['] jogui e jmihuíng['] ñia['] cóo^l cuu[~]. ⁶ Dsu['] mi[~] tí lí[~] cangáin⁻ Jesús e huim⁻ bi, dsifí lajob cacuí^r, jo cangoquiéeiñ['] fí lí[~] sing['] dseañ^u do jo casí^r uó⁻ jnir[~] e jmiféiñ['] dseañ^u do, ⁷ jo lalab casí^r reiñ['] e dsíng['] teá['] óor[~]:

—Jesús, Jóo['] Fidié[~] dseañ^u guing[~] ñifí⁻, ja jmiguín[^] jnea[^]; jo mí[^] i[^] 'nu[^] jmí[^] ee[~] fí quini[~] Fidié[~] e ja jmihuín[^] jnea[^]!

⁸ Jo cajíng['] i dseañu^l i iuung⁻ i 'ling[^] dsí' do lado, co['] Jesús nicanaaiñ['] quiá'r['] ta[~] i 'ling[^] do jo cajíñ['] lala:

—i^l 'ling[^], júu^l lí[~] iuun['] fí dsí['] i dseañu^l na!

⁹ Jo casí^r guí Jesús i 'ling[^] do:

—¿Jial sii'?

Jō cañí i 'ling' i teáang' dsí i dseañ' do:

—Legióm sii', co' fí'baa'.

¹⁰ Jō i 'ling' do, eám' mi'r' Jesús jmi'ee' e laco' ja nisíng' dseañ' do jaléng' í fí' lí' huí'. ¹¹ Jō co' quiá' do nisi' coo' mó', jō e fí' jō nitaang' i fíng' cú' e 'nó're' e gō're', ¹² jōba' i 'ling' do camí'r' Jesús fí' e nidsitáaiñ' fí' dsí i cú' do, jō casí'r' dseañ' do lala:

—Siing' jnea' fí' dsí i cú' do, jō cuø' jnea' fí' e nidsitóo' naa' fí' dsí're'.

¹³ Jō cacuøb' Jesús fí' jaléng' i 'ling' do e ni-jméiñ' do lajō, jōba' ca'uøøm'biñ' do fí' dsí i dseañ' do, jō fí' dsí i cú' i taang' dob can-gotáaiñ'. Jō dsifí' lajōb' canaang' i cú' do cui're' fí' lí' quiá', jō cajiúng'ne' jíáá' car' catísíng'ne' fí' é' coo' guiéé', jō fí' jōb' cajgó're' jmi' jō cajúm-bre' jaléng'ne'. Jō tíb' i cú' i taang' do la tú' mil.

¹⁴ Jō jaléng' i dseañ' i táang' jmóo' í' i cú' do cacuíbre' cajo, jō cangolíñ' fí' lí' neáaiñ' e ngoguiar' júu' quiá' lajúi' e calí' do, jōgui sí'bir' cajo jaléng' dseañ' i táang' jmóo' ta' lacaang' lí' cangíiñ'. Jō lajii'm' dseañ' cangolíñ' cangojóø' fí' lí' cangojé' jalé' e jō. ¹⁵ Jō mi' tí' lí' caguilíng' i dseañ' do fí' lí' sing' Jesús, dob niguiing' i dseañ' i lamí' teáang' jaléng' i 'ling' dsí' do e jō' e líiñ' jíi' coo', jō nilí'bre' co' nínica'uøøm' lajaléng' i 'ling' i lamí' teáang' dsí' do; jōba' eám' cafóng' jaléng' i dseañ' do. ¹⁶ Jō jaléng' i dseañ' i cangá' jalé' e calí' do quiá' e ca'uøøng' i 'ling' do dsí' i dseañ' do jō cangotáaiñ' dsí' i cú' do, lajib' e jō cajmea'r' júu' jaléng' dseañ' caguiaang' gui. ¹⁷ Jōba' jaléng' i dseañ' do canaaiñ' mi'r' jmi'ee' Jesús e nijmihuim' ñia'r' e fí' lí' táaiñ' do.

18 Jo mi~ tí li~ caquing¹- Jesús e ni'ítur fí dsíí móo' e nidséiñ⁻, i dseañu¹ i lamí~ teáng¹ i 'ling¹ dsíí do camí'r' Jesús fí e nidsér⁻ cóo¹~ dsea` do. 19 Jo dsu¹ Jesús ja` cacuø¹reiñ¹ do fí lajo, jo lí¹ casí¹-reiñ¹ do e nidséiñ⁻ fí quiá¹-bre jogui e nisí¹r` jaléng¹ dsea` sinúu¹ quiá¹r⁻ lajalé¹ e nicajmée Fíi`naa' cóo¹~ ír, jogui jial calí⁻ fí¹ líiñ⁻ dsea` do cajo.

20 Jo cangám⁻ i dseañu¹ do i lamí~ teáng¹ i 'ling¹ dsíí, jo canaaiñ` guiar' júu¹ jo s¹r` jaléng¹ dsea` seeng` fí li~ se¹ Decápolis jalé¹ e guiá⁻ e cajmée Jesús cóo¹r~. Joba' laj¹m` i dsea` i núu` jalé¹ e jo, eáam' dsigá` dsíir'.

*Mi~ cajmi'leáng⁻ Jesús jóo' Jairo
(Mt. 9:18-26; Lc. 8:40-56)*

21 Jo mi~ caquing¹-tu Jesús fí lí¹- 'ngóo¹~ cataang` e guiée' do e iuiñ⁻ dsíí móo', jo i 'leáam⁻ dsea` i caguiling⁻tu fí lí⁻ siñ¹', jo dob cajé' Jesús e fí 'ni¹' e guiée' do. 22 Jo lajee' job caguié¹ jaang` dseañu¹ i sii' Jairo i née' ni e guá¹- quiá¹- dsea` Israel. Jo mi~ tí lí⁻ cangáñ⁻ Jesús, catúuiñ¹ cartí¹ uii⁻ tñ⁻ dsea` do, 23 jo lalab casí¹r⁻ dsea` do e mi¹r' jmi¹ee¹:

—Jesús, dob ráang` Mí¹ quié⁻ e e jia~ jí¹'bre, jo fa' nijíeé` o¹ jnea~ niguó¹ e güiquidsi¹ guóo¹ fí moguir~ e laco¹ ni'leáaiñ⁻, jo lajoba' ja` nijúuiñ⁻.

24 Joba' cangób⁻ Jesús cóo¹~ dsea` do, dsu¹ eáam' fíng¹ dsea` i 'leáng¹ laco¹ ngóor' dseáng¹ e 'leng¹ rúm¹ dsea`. 25 Jo jee~ i dsea` i ningolíng⁻ do, niquiéeng` jaang` dseam¹ i nidsée¹~ ningóo' mí guitu¹ jii¹ e nilíiñ⁻ jmohuí¹ e tuuiñ⁻ jmi¹. 26 Jo eáam' nicaajmée¹ quijí⁻ cóo¹~ jaléng¹ timí¹ fa' e ni'leáaiñ⁻, jo eáam' nica'íiñ⁻ cuu⁻ lí¹ laji¹ jii¹~ e nisea` capí¹ quiá¹r⁻, dsu¹ ja' e ta~ íng¹ jii¹~ cóo¹, có¹

lí[^] lí[^] ngóó[^] fí[^]nguib e líiĩ[^] do. ²⁷ Jò mí[~] canúur⁻ jial tíí[^] 'gøng[^] Jesús, jòba[^] cangoquíeíĩ[^] fí[^] lí⁻ caluu[^] dsea[^] do lí[~] ngolíng⁻ dsea[^] ì[^] 'leáang⁻ do, jò catíiĩ⁻ capí[^] sí[^] dsea[^] do, ²⁸ cò[^] í[^] dsír[^] e fa[^] capíb[^] sí[^] dsea[^] do catíiĩ⁻, jòba[^] ni[^]leáam⁻bre lajii[~] e jmohuí[^] e líiĩ[^]. ²⁹ Jò dseáng[^] lajee[^] e guiang[^] e catíiĩ⁻ sí[^] dsea[^] do, jòba[^] caquium[^] e tuuiĩ[^] jmí[^] do, jò dsifí[^] lajòb calilí[^] e ca[^]láam⁻bre lajii[~] e jmohuí[^] e lamí[~] líiĩ[^] do. ³⁰ Jò dsifí[^] lajòb calilí[^] Jesús e cajmeáiĩ[^] ta[~] capí[^] e 'gøng[^] quiá[^]r⁻, cò[^] líim[~] ì[^] cajmi[^]leáaiĩ⁻; jòba[^] caji[^]r[^] nir[~] lí⁻ lacaang[^] lí[~] jalíng⁻ jaléng[^] dsea[^] do, jò lalab cajíĩ⁻ cajmingí[^]r⁻ jaléng[^] ì[^] dsea[^] do:

—¿Ì[~] ì[^] catíng⁻ capí[^] sí[^]?

³¹ Jò cañí[^] ì[^] dsea[^] guitúung[^] do quiá[^]r⁻ lala:

—¿Jialí[^] jmíngí[^] lajò, Tifa[^]? Ne[~]bí[^] e dseáng[^] sicúum[^]baa[^] ngóó[^]naa[^] la, jò jmíngí[^]bí[^]: “¿Ì[~] ì[^] catíng⁻ capí[^] sí[^]?”

³² Jò dsu[^] Jesús jí[^]r[^] nir[~] jíi⁻ ngó⁻ catòò[^] e jóòr⁻ ì[~] ì[^] cagüi[^] capí[^] sí[^]. ³³ Jò ì[^] dseamí[^] ì[^] catíng⁻ sí[^]r[^] do ñí[^]bre guíá⁻ jalé[^] e calí⁻ do, jòba[^] dseáng[^] e jléeiĩ[^] eáam[^] e 'gó[^]r[^], jò cangosí[^]r[^] uó⁻ jnir[~] fí[^] quini[^] dsea[^] do, jò jòb casí[^]-reiĩ[^] e[~] dseáng[^] e calí⁻ còò[^]r[^].

³⁴ Jòba[^] casí[^] Jesús ì[^] dseamí[^] do lala:

—Jóòò, uíi[~] e jáb⁻ calín⁻ júu[^] quié⁻e, jòba[^] nica[^]láam⁻ba[^] lajii[~] jmohuí[^] e lamí[~] líi[^]. Jò lana guøng[^] còò[^] e guíá⁻ fí[^] quíi[^], cò[^] jò líi[^] e jmohuí[^] e lamí[~] líi[^] do.

³⁵ Jò lajee[^] fé[^]bí[^] Jesús e jò mí[~] caguilíng⁻ còò[^] tú⁻ míng[^] dsea[^] ì[^] jalíng⁻ fí[^] quiá[^] ì[^] dsea[^] ì[^] néé[^] ní[~] guá[^] quiá[^] dsea[^] Israel do e ngojmée[^]r[^] júu[^] tiquíá[^] ì[^] símí[^] jiuung[~] ì[^] nidsée[^] do lala:

—Jmóo'~naa' júu^ 'nua' e nicajúm~ jóo', jo jo' 'né~ fa' fí^gui' i tifa' na e nidsé~ guir fí' qui'~.

³⁶ Jo dsu' Jesús ja' cajmi'gór' lajúi~ e cajíng'~ i dsea` do, jo lalab casí'r~ i fii~ i nées' ni~ e guá'~ do:

—Ja' fòøn'~, Jairo, lico' já'~ güilín' júu^ quié~e.

³⁷ Jo jo' cacuø'guir fí' i fíng' dsea` i jiéng' i cangolíng~ cóo'r~, jo júi'~ Tú^ Simón cóo'~gui Tiáa~ jogui Juan, rúng' i Tiáa~ do, júi'~ íbing' i cangolíng^ cóo'r~. ³⁸ Jo mi~ caguiliñ~ fí' quiá'~ i Jairo do, jo canúur^ e ninées' mii'~ e teáng'~ dsea` ta~ qui' óo` dsu' e nicajúng~ i jiuung~ simí' do. ³⁹ Joba' casí'~ Jesús i dsea` do lala:

—¿Jiali' eáang' ta'na' mii'~ jogui jiali' jmoo'na' ta~ qui'? Co' ja' sijúung^ i jiuung~ simí^ na, co' lico' güim`bre.

⁴⁰ Jo dsu' mi~ canúu~ dsea` e cajíng'~ Jesús lajo, lico' cangúim~bre dsea` do, co' ñi`bre guiá~ e nicajúm~biñ' do. Joba' Jesús lico' cajéeiñ' júi'~ tiquiab^ i jiuung~ simí^ do cóo'~gui niquiáiñ'^ cóo'~gui i dsea` quiá'r~ i cóo'r~ do, jo cangotáam'~bre e fí' dsí' lí~ ráang' i jiuung~ simí^ i 'lii~ do. ⁴¹ Jo catíng~ Jesús guoo' i simí^ jiuung~ i 'lii~ do jo casí'~ reiñ' lala:

—Talita cum —e guóng': Mí', jnea~ fii~i 'nua' e niráan'~.

⁴² Jo dsifí' mi~ cajíng'~ Jesús lado, caróob~ i jiuung~ simí^ do, jo canaañ' ngi`bre co' nicají'~bre. Jo jaléng' i dsea` i cangá~ jalé' e jo, dseáng' eáam' cango'gó' dsíir'. ⁴³ Jo Jesús caquiur' ta~ lahuíng' quiá'~ jaléng' i dsea` do e ja' iñ' nisíiñ' júi'~ jaang'. Jo mi~ cangí jo, caquiur' ta~ e cangíng' i jiuung~ simí^ do e cagó'r'. Jo i jiuung~ simí^ do niningóor' guitu' júi'.

6

Mi~ cangáng'-tu Jesús fí' Nazaret
(Mt. 13:53-58; Lc. 4:16-30)

¹ Jo mi~ cangî jo, cangám'-tu Jesús fí' góor` fí' lí~ cacuáiñ` fí' lí~ sii' Nazaret, jo cóo'~bre jaléng` dsea` guitúung` quiá'r-. ² Jo mi~ catî jmi~ e jmi'íng' dsea` góo` Jesús dsea` Israel, jo canaaíñ` e'r' jaléng` dsea` jalé` júu` quiá'- Fidié` e fí' dsí' guá'- e si' fí' jo. Jo dseáng'- i 'leáam`-bi dsea` i núu` júu` e guiar` do, jo eáam` dsigá` dsí' dsea`, joba' lalab naaiñ` sáiñ` lajee` yaaiñ`:

—¿Jie` fí' lí~ cajmitíng` i dseañu` na jalé` e tiiñ` na? ¿Jie` lí~ caguir` e tá'- tíng`lir cóo'~gui jalé` e lí~ e 'gøng' e jmóor` e dsigá` dsí' dsea`? ³ ¿Su o' i nabi i líng' tí'ma` do, jóo` Yá` jogui rúíñ` Tiáa` cóo'~gui Sé` jogui Judas cóo'~ Simón? Jogui ¿su o' labi neáang` jaléng` rúíñ` dseamî cajo jee` jneaa`aa' la?

Jo uíi` e joba' e ja` 'ga' lí' iing` dsea` fa' dseáng'- e cajmi'gór` dsea` do. ⁴ Joba' lalab casí'- Jesús jaléng` i dsea` do jo cajíñ`:

—Doñí' jiéb` jmi'gó` dsea` jaang` dsea` i fé` cuaiñ` quiá'- Fidié`, lifa' ja` jmi'gór` dsea` do fí' lí~ lí' góoiñ` fí' lí~ caliséiñ` fí' lí~ neáang` jaléng` rúíñ` o'si jaléng` dsea` sináú` quiá'r` é.

⁵ Joba' ja` 'ga' lí' cajmée` Jesús jíi` coo` e 'gøng' e dsigá` dsí' i dsea` góor` do, co' lico' caquidsir` guóor` fí' mogui` tú` 'ní' máng` dsea` dsée' jo lajíi` íbing` i cajmi'leáaiñ`. ⁶ Jo eáam` cangogá` dsí' Jesús quiá'- jaléng` i dsea` góor` do, co' dseáng'- ja` já'- lím`-biñ` do lajíi` júu` quiá'r-. Jo mi~ cangî jo, dséeb' Jesús lacaang` jalé` fí' pí' e née` có- quiá'- do e dsi'e'r' dsea` júu` quiá'- Fidié`.

*Mi~ casíng` Jesús dsea` guitúung` quiá'r- e nidsigu-
iaiñ~ do júu^ quiá'- Fidiée`*

(Mt. 10:5-15; Lc. 9:1-6)

⁷ Jō lajee` jōb cató'r- i dsea` guitúung` quiá'r- do jō canaaíñ` sáing` neiñ' do tá'- la gáíñ'- e nidsi'éeiñ' do dsea` júu^ quiá'- Fidiée`, jōguí cacuø' b'ireiñ' e quí' r~ jmí~ cajo e quiá'r' ta~ quiá'- jaléng' i 'ling' .
⁸ Jō caquiá' Jesús ta~ quiá'- i dsea` guitúung` quiá'r- do e ja` nicáiñ' do jíi' cō` fí lí nidsiliñ~; jíi' cō` 'ma'u'ba' 'né- só'r', jō ja' 'né- fa' nicár` nosúu' quiá'r- o'gui ir~ e nidó'r- o'gui cuu- cajo. ⁹ Jō jíi' lomí e ø'bre 'né- cár', cō' ja' 'né- fa' e nicá'guir e jié' o'gui sí'r e cō' quié'guir. ¹⁰ Jō lalab casí'r- i dsea` guitúung` quiá'r- do:

—Mi~ nigüitáng' na' fí quiá'- dsea` lí nigu-
ilíng- na', fí jōb nijá' na' carta~ nilí lajíi' ta~
güilíng- na'. ¹¹ Jō song caguilíng- na' cō` quiá'-
dsea` lí ja' íñ' 'ná' o'gui iñ~ ninúr- júu^ e quié' na',
jōba' uøøm'ba' ladsifí lado quiá'- i dsea` í, jō
bó' na' 'lee' tō~ tí~ na' e lacō' cuø' lí e Fidiée`
nicuø'r dsea` do ihu' uí' e jō.

¹² Jō lajōb cajmée` i dsea` guitúung` quiá'r- do,
cangoguia~bre júu^ jee~ jaléng' dsea` e quiá'- e
niquí- nijíng' yaaiñ~ fí quini' Fidiée`. ¹³ Jōguí
ca'uøøm'bir jaléng' i 'ling' i teáang' dsí' dsea`
lacaang` lí guilíñ~, jōguí cajmí' leáam- bir i fíng'
dsea` dsée' e licō' éer- capí' aceite fí moguiñ~ do.

Mi~ cajúng- Juan i seáang` dsea` jmí~

(Mt. 14:1-12; Lc. 9:7-9)

¹⁴ Jō eáam' caní'- júu^ quiá'- jalé' e eáang' 'gøng' e
dsigá' dsí' dsea` e jmóo` Jesús. Jō mi~ caliñí' dseata~

Herodes jalé' e guiá' e jmóo' dsea' do, joba' lalab cajíñ'⁻:

—Jangám⁻ i nab i Juan i lamí' seáang' dsea' jmíi' i nīnicají'tu jee' jaléng' 'líi', joba' eáang' tīiñ' e jmóor' jalé' e dsigá' dsí' dsea'.

¹⁵ Jō i líing' gui dsea' fé'r' lala:

—Líib' i na i café' cuaiñ' quiá'⁻ Fidiée' malí' gui eáang'.

Jō i líing' gui dsea' fé'r' lala:

—Jaang' gui dsea' i fé' cuaiñ' quiá'⁻ Fidiéeb' i na, lí' laco' gui i nicajalíng' lamí' jééng' gui.

¹⁶ Dsú' mí' canúu' dseata' Herodes e júu' la, joba' lalab cajíñ'⁻:

—Juan i lamí' seáang' dsea' jmíib' i na, dsea' i nīcaquiá'⁻ ta' e cahuí' moguir', jō lífa' lanagui e nīcají'tur jee' jaléng' 'líi'.

¹⁷ Cō' lamí' jééng' gui do i dseata' Herodes do caquiá'r' ta' e catáng' i Juan i seáang' dsea' jmíi' do jō ca'ñúng' neiñ' cōo'⁻ ní' cadena fí' dsí' 'nuñí' uí' jaang' dseam' i sií' Herodías; jō i dseam' la líiñ' dseam' quiá'⁻ Líi', i rúng' dsea' ngáang' cōo'⁻ dseata' Herodes do. Jō dseata' Herodes nīcajméer' lafa' dseam' quiá'⁻ bre i dseam' quiá'⁻ i Líi' do.

¹⁸ Joba' lamí' jééng' gui nīnicajíng' i Juan i seáang' dsea' jmíi' do e casí'r' i dseata' Herodes do lala:

—Ja' dseeng' e jmée' lafa' dseam' quií' i oo' dseañ' rún' dsea' ngáang' cōo'⁻.

¹⁹ Jō mí' canúu' i dseam' i sií' Herodías do lado, joba' 'níb' cangáñ' i Juan do jóng, jō dseáng' i iñ' nīngám' breiñ' do, dsú' huím' jiá e nilí'r' lajō,

²⁰ cō' níb' dseata' Herodes guiá' e jaang' dsea' güeang' líng' i Juan do jōgui dseáng' røø' ír' í'

quiá'- jaléng' dsea` cajo. Jo uí'~ joba' ja' fi' cuø' i dseata~ Herodes do fa' ee` nijmeáng' dsea` i Juan i seáng` dsea` jmí` do. Jo nañi' fa' ja' 'ga' lí ngáng' dseata~ Herodes lajii'~ júu^ quiáiñ'~ do, dsu' tib' dsíir' e núur` jalé' e júu^ jo e iáang` dsíir'. 21 Dsu' coob` mi~ tí lí~ calí'~ i dseamí i sií Herodías do mi~ tí lí~ catí coo` jmí~ e quiá'- cadsí'- dseata~ Herodes jii, jo cajméer` coo` jmí~ fé' jo cató'r- i fíing` dsea` laniing- i seeng` fi' lí se' Galilea colíing~ cóo'~ jaléng' fii' 'léé-. 22 Jo lajee' e teáiñ'~ e jmí~ do, ca'í- i simí^ quiá'- i Herodías do fi' dsíi' sinúu^ e lí teáng'~ jaléng' i dseañu' do e gø'r' jo cadséeiñ, jo dseáng'~ eám' catí dsíi i dseata~ Herodes do colíing~ cóo'~ jaléng' dseañu' i caguaang`gui do e cadséeng` i simí^ do. Joba' cajíng'~ dseata~ Herodes casí'r- i simí^ do lala:

—Mí'~ jnea` lí^ doñi' ee` iin'~, jo nicuø`baa.

23 Jo dseáng'~ cacuø'bre júu^ quiá'r- i simí^ do e nicuø'breiñ' do lí^ doñi' ee` iin'~ do nañi' fa' condseá'- uø' lí quiu'r' ta'. 24 Joba' mi~ canúu- i simí^ do lado, jo cagü'í'bre jo cangám'-bre fi' lí guíing~ niquiá'r^ jo lalab cajmingí'r- dsea` do:

—¿E~ nimí'~ i i dseata~ do, Neaa'?

Joba' cañi' i niquiá'r^ do jo lalab casí'-reiñ':

—Mí'r~ mogui~ Juan i seáng` dsea` jmí` do.

25 Jo i simí^ do dsifi' ladob ngó-tur gü'í' fi' lí guíing~ dseata~ Herodes, jo mi~ caguiér' fi' jo lalab casí'-reiñ':

—Lana iin~ n e nicuø'^ jnea~ mogui~ Juan i seáng` dsea` jmí` fi' coo` dsíi' huí'.

26 Jo mi~ canúu- dseata~ Herodes lado, eám' fi'í' calíñ~, jo dsuco' jéem' nicacuø'guir júu^ quiá'r- fi' quini' jaléng' i dsea` niing- i cagó' colíing~

cóo'r~ do e nicuó'bre i simí^ do lí^ doñí ee` iin~, joba' lajob 'né- jmér-. ²⁷ Joba' dsifí ladob casíin` jaang` 'lée- fí lí iuung- i Juan do fí dsíí 'nũñí^, jo caquiur' ta~ i 'lée- do e niquiáin` mogui~ i Juan do. ²⁸ Joba' cangób- i 'lée- do fí dsíí 'nũñí^, jo cangoquiur'bre mogui~ i Juan do, jo cacór- e iu~ fí cōo` dsíí huíí, jo cajá^bre i simí^ do, jo i simí^ dogui cajá'r` niquiá'r`. ²⁹ Jo mi~ caliñí jaléng' i dsea` i ngí cóo~ Juan i seáng` dsea` jmí do e nicalf- lado, joba' dsifí lajob camir' fí e nitóøbre i 'lí~ do e quiá'- e ni'áang-neiñ'.

Mi~ cahéng' Jesús 'ñiá` mil dseañu`

(Mt. 14:13-21; Lc. 9:10-17; Jn. 6:1-14)

³⁰ Jo mi~ cangí jalé^ e jo, caquim'-tu jaléng' i dsea` guitúung` do fí lí cangolíin` e cangoguiar~ e júu^ do, jo caseám'tur cóo~ Jesús jo cajar' júu^ fí quini~ dsea` do cuaiñ~ quiá'- jalé^ e nicajméer` cóo`gui jalé^ e nica'er' do. ³¹ Jo cō` dseáng'- eám' seeng` dsea` fí jo e jíi~ ja` jøøng- Jesús cóo~ i dsea` quiá'r- do e cō` dór- ir~, joba' lalab casí'- Jesús i dsea` quiá'r- do:

—Ñilíng-na', má-aa' yee~naa' e nijmi'íng'naa' cateá fí cōo` lí ja` ii` 'ga' lí dsea` ngí.

³² Joba' ca'ib- Jesús colíng~ cóo~ i dsea` guitúung` quiá'r- do fí cōo` dsíí móo' jo cangolíin` fí cōo` lí ja` 'ga' lí dsea` ngí. ³³ Jo dsu' fíim' dsea` cangáng- ír' e cangolíin~, jo calicuim`bre dsea` do, joba' lajim` dsea` i seeng` có- quiá'- do cangolíin` fí jo, jo jéeng'guib i dsea` í caguilíin` lacō'gui Jesús. ³⁴ Jo mi~ tí lí cagüi'íí Jesús e fí dsíí e móo' do, jo cangáin` dseáng'- i 'leáam- dsea` i caseáng' fí jo, joba' calí- fí- líim`breiñ' do dsucō' teáiñ'- do

la teáng- jo'se' i ja` seeng` i to' fíng` îre'. Joba' canaam`bre e'r` i dsea` do jalé' júu^ quiá'r-. ³⁵ Jo mi~ tí' lí' ca'lóo- e jmí~ jo cangoquiéng' i dsea` guitúung` do fí' lí' sing' Jesús jo casí'r- dsea` do lala:

—Fí'naa', nica'lóob- la, jo e fí' lí' taang`naa' la ja` i dsea` seeng`. ³⁶ I' júu^ jaléng' i dsea` na, jo güidsilíin- lacaang` fí'ji e néé' có- quiá'- na e laco' nidsileáa'ji e nidó'r-.

³⁷ Jo lalab cañí' Jesús quiá'- i dsea` quiá'r- do:

—Cuóó'~ 'nú' jaléng' i dsea` na e nidó'r-.

Joba' cañí' i dsea` quiá'r- do lala:

—¿ling` 'nú' e nidsileá'naa' iñí'^ cóo'~ doscientos cuu- denario jo nicuóó'~naa' jaléng' i dsea` na e nidó'r-?

³⁸ Jo cañí'tu Jesús quiá'- i dsea` guitúung` quiá'r- do jo casí'-reíñ' lala:

—¿Jó' iñí'^ si'má'^ 'nú'? Güijóó- na' jóo'~ tí'.

Jo mi~ caguijóó' i dsea` guitúung` do jóo'~ iñí'^ tí', joba' caguo'- júu^ e lajii'~ 'ñiáb` iñí'^ tí' cóo'~ gui jii'~ gáng- 'ñu`.

³⁹ Jo mi~ canúu- Jesús e jo, caquiur' ta~ i dsea` guitúung` quiá'r- do e niguiéin'- jaléng' i dsea` do tá'- có' nibóó' fí' ni~ ñii'. ⁴⁰ Jo lajob cajméin' do, caguá'bre tá'- cien cóo'~gui tá'- cincuenta. ⁴¹ Jo mi~ nineáng' i dsea` do røø' tá'- có' nibóó', joba' Jesús catíin- laji' 'ñiá' e iñí'^ do cóo'~gui laji' gáng- i 'ñu` do jo cajóó- fí' yú'^ jmigüi', jo lajoba' cacuo'r' gui'máang'~ Fidié' quiá'- jalé' e jo. Jo mi~ calí- jo, caffim`bre e iñí'^ do jo cacuo'r' i dsea` guitúung` do quiá'r- e laco' îgui nijmé- guié^ jee~ jaléng' i dsea` do. Jogui lajobi i 'ñu` do cajo, cacuo'bre e laco' nijméin'- do guié^ cajo. ⁴² Jo lajim` i dsea`

do cagó'r' ie~ jo car` calitaaĩñ~ guiá~. ⁴³ Jo mi~ calí-gó'r', lajhiĩñ` do caseám~bi guitú`gui 'matá^ e røøng` téé~ 'ná^ iní^' còo~gui 'náng^' i` ñũ` do. ⁴⁴ Jo lajee~ lajĩng` i` dsea` i` cagó' do ie~ jo, tí'bre la` ñiá` mil dseañũ^.

*Mi~ cangi' Jesús fi' ni~ jmii`
(Mt. 14:22-27; Jn. 6:16-21)*

⁴⁵ Jo mi~ cangĩ lajo, caquiũ' Jesús ta~ jaléng` i` dsea` guitúung` quiá'r~ do e nidsitáang`~tuiñ' do fi' dsii' móo' e quiá'- nicuóiñ~ do e guiée' do jéeng`guijĩar laco' ír` jo niguilíĩñ~ fi' còo` fi` lí~ sii` Betsaida lajee~ e hí` Jesús júu^ jaléng` i` dsea` caguaiang~gui do. ⁴⁶ Jo mi~ nica'ĩr~ júu^ jaléng` i` dsea` do, cajgóo~bre fi' còo` yá^ mó' ñia'r' e quiá'- nidsiféiñ' Fidiée~. ⁴⁷ Jo mi~ tí' lí~ canũ e jmii~ jo, catí' guiá^ jóob' e guiée' do ñingóo' e móo' lí~ teáang` i` dsea` guitúung` quiá'r~ do. Jo fi' ni~ guóo'~ uó~ quiũ'bi sing' Jesús ñia'r'. ⁴⁸ Jo job mi~ cangár~ e jo` nidsijeng' fi' røø e móo' do, dsũco' lí^ lí cøøm` 'lea' guí. Jo mi~ tí' lí~ ñingóo' nijneá` cangoquiéem` Jesús fi' lí~ ngóo' e móo' do lí~ teáang` i` dsea` guitúung` quiá'r~ do, jo cangíĩñ` e ngi'bre fi' ni~ jmii`. Jo mi~ tí' lí~ catáaiñ~ e móo' do, cajméer` lafa' e cangĩm`bre. ⁴⁹ Jo mi~ tí' lí~ cangá~ i` dsea` guitúung` do quiá'- e ngóor` ngir' fi' ni~ jmii, joba' ca'f` dsiiñ' do e jaang` dsea` guib` do, joba' ca'óor` teá, ⁵⁰ co' lajĩm`bre cangáiñ~ dsea` do, joba' eám` cafóĩñ'. Dsũ' ladsifib' cañi' Jesús jo casí'r~ i` dsea` guitúung` do lala:

—i`Teá` teáang` óo'na!; jneab~ la, ja` føøng`~na!

⁵¹ Joba' ladsifí lajob cajgóor~ dsii' e móo' do, jo ladsifí ladob ca'uáang~ e í' guí cajo. Jo dseáng`~

eáam' cangogá` dsíí` i` dsea` guitúung` do, ⁵² co' ja` mí` cangám`biiñ` do e` guóng` e` lí` e` quíi`~ jmi` e` cajmée` dsea` do cóo`~ e` iñí`^ do, dsuco' dseáng`- sijñib' moguiñ`~ do, jo uíi`~ joba' e` ja` ngáiñ`.

*Mi` cajmi`leáang` Jesús jaléng` dsea` dsée`~ fí` Genesaret
(Mt. 14:34-36)*

⁵³ Jo cacuo`bre cóo`~ dsea` guitúung` quiá'r` calé` catú` e` guiée' do, jo caguiliñ` fí` guóo`~ uó` lí` se' Genesaret, jo fí' jo lí` ca'ñá'r` e` móo' do fí' 'ni` e` guiée' do. ⁵⁴ Jo ladsifí' mi` tí' lí` cajgáiñ` e` móo' do, dsifí' calicúing` jaléng` i` dsea` i` seeng` do Jesús. ⁵⁵ Joba' cangí' jaléng` i` dsea` do fí' la'úng` fí' lí` se' Genesaret, jo canaiñ` jéeiñ` jaléng` dsea` dsée`~ quiá'r` i` dsiing`~ ni` 'ma` fí' lí` ñir` e` táang` Jesús. ⁵⁶ Jo doñí' jíe' lí` dsée' Jesús, si lacaang` fíi` pí`^ osi lacaang` fíi` cóo`~ osi lacaang` jenuu` é, jo dsijéeng` dsea` jaléng` dsea` dsée`~ quiá'r` fí' jee` 'núu', jo mí' dsea` do jmi`ee` Jesús e` fa' capíb`^ sí`^bre nigüi`- i` dsea` dsée`~ do. Jo lajñing` i` dsea` dsée`~ i` güi' capí`^ 'ni' sí`^ dsea` do, ladsifí' ladob` 'láaiñ`^.

7

*Jial lí' mi` jmiróng` dsea` dsee`~ yaaiñ`
(Mt. 15:1-20)*

¹ Jo mí` cangí` jo, coo` tú` m'ing`~ dsea` Israel i` líng` dsea` fariseo cóo`~ gui tú` 'ni' m'ing`~ tifa' quiá'- júu` quiu` ta` quiá'- dsea` Israel, jo jaléiñ` do jalíiñ` fí' Jerusalén jo cangoquiéiñ` fí' lí` sing` Jesús. ² Jo mí` cangá` jaléng` i` dsea` do e` i` líng`~ lajee` dsea` guitúung` quiá'- Jesús gø'r` e` ja` mí` cajmitir` e` ru'r` guóor` lí`^ laco' qui'` t'ing` dsea`

góor` dsea` Israel, jo uí~ joba' canaang` i dsea` do fé'r` ga` uii~ quiá'- i dsea` i ngí` cóo~` Jesús do. ³ Co' jaléng` i dsea` fariseo do cóo~` gui jaléng` dsea` Israel i caguiaang` gui mí' 'noo`bi jmitir~ laco' quí'- t́ing` 'lii~ dsea` áang' quiá'r- e ja` mí' dǝr- ir~ fíng song ja` mí' cajmitir~ e ru'r' guóor` dseáng'- laco' sí'í'. ⁴ Jogui cajo mí~ niqúiiñ'- e dsileáar' jalé' e gǝr' fí' 'móo~, ja` cuóøng` dǝr- fíng song ja` mí' cajmitir~ e ru'r' guóor` laco' quí'- t́iiñ. Jo jmigui`bi jalé' e quí'- t́iiñ e jié'gui e 'né- nijmitir~ dseáng'- laco' sí'í', fa' la e 'né- ru'r' jalé' vas cóo~` gui jalé' dsuu- cóo~` gui jalé' e jmáiiñ' ta~ e líí' ní' jogui lajobi ni lí' güiiñ' cajo. ⁵ Jo uí~ joba' jaléng` dsea` Israel i líng` dsea` fariseo cóo~` gui jaléng` i tifa' do cajmingí'r- Jesús jo casí'r- dsea` do lala:

—¿Jialí' jaléng` dsea` quí'- ja` náu'r~ fa' e jmitir~ lajúi~ e quí'- t́ing` 'lii~ dsea` áang' qui'naa', dsea` Israel, co' ja` ru'r' guóor` laco' sí'í' nú'-gui e nidǝr- ir~?

⁶ Joba' cañi' Jesús quiá'- i dsea` do lala:

—E jáb'- laco' café' jaang` dsea` i café' cuaiñ~ quiá'- Fidié~ malii~gui eáang' i calisî Saíi^ mí' café'r` uii~ quí'- 'nú' e líng'na' dsea` i jmicaang` cóo~` jalé' e fól'na', co' lalab cajme' dsea` do ie~ jo: Jaléng` i dsea` na lico' fé'bre e jmi'gór` jnea~ júi~ cóo~` layaang~ júu^ quiá'-bre, dsu' huíim- seeng` jalé' e í' dsíir' do e jmi'gór` jnea~. ⁷ Dsu' ja` ee' ta' íng^ quiá'r- júi~ cóo' jialco' jmiféiñ' jnea~,

co' lico' jmitir~ lajúi~ ta~ quiu' dsea` jmigüíb`.

⁸ Co' 'nú' tiúum'ba' lajúi~ júu^ quiu' ta~ quiá'- Fidié~ jo lí'^ jmití'na' dseáng'- lajúi~ e quí'- t́ing` la'ó' dsea` jmigüí'.

9 Jøgui casí'~biguir ì dsea` do lala:

—'Nú', lico' jmití^na' laco' quí'~ tǎng` 'lii~ yáú~ quií~ba' jø dsu' ja` jmi'goo`na' laco' catǎng~ júu^ quiu' ta~ quiá'~ Fidiée~. 10 Co' lalab cajíng'~ Moi~ malii~gui eáang': "Jmi'goo` tiquíi'^ cõo'~ niquíi'^", jøgui cajíng'~guir: "Ì dsea` ì cuø' júu^ 'li'^ tiquiá'^ òsi niquiá'^ é, jøba' ñi Fidiée~ í' e 'né~ nijúung~ ì dsea` la'í." 11 Jø dsu' 'nú' fó'na' e jaang` dsea` cuøøm` nisí'r tiquiá'r^ òsi niquiá'r^ é: "Ja` cuøøng` lí jmicõo'~o 'nu' lana, co' lajaléb' e sea` quié~ e e lí' Corbán" (jø e la guóng' e nicacuøøø Fidiée~); 12 jøgui fó'bi' 'nú' cajo e ì dsea` ì fé' lajõ jø` 'né~ fa' e nijmicõo'~guir tiquiá'r^ òsi niquiá'r^ é. 13 Jø mi~ jmoo` 'nú' e jø e jmití^na' jalé' e júu^ e casée` dsea` mí áang` quií~na', jøba' íim~ba' lajii~ e júu^ quiu' ta~ quiá'~ Fidiée~. Jø jmiguii'bi jalé' e jié' e ja` dseeng` e cøøng'jiu røø` laco' e la e jmoo'gui 'nú'.

14 Jø mi~ cangí'gui lajõ, cató'~tu Jesús lajiiing` ì dsea` do jø casí'r~ lala:

—Núu~na' júu^ quié~ e lajiiing`na', jø jmee~na' úung` e ningáng`na': 15 Jii'~ cõo` e í' gø' dsea` cuøøng` lí jmé~ e nili'liiñ'^ fí' quini~ Fidiée~. Co' lí'^ lí' lajii'~ e ga' e í' dsíib' dsea`, e jøb e jmóo' e lí'liiñ'^ fí' quini~ Fidiée~ jóng. 16 Jøba' fii~i 'nú', jaléng' 'nú' ì dsi~ loguá^, núu~na' jalé' e júu^ quié~ e la.

17 Jø mi~ cangí' jø, ca'íi~ Jesús júu^ jaléng' ì dsea` do, jø ca'ír~ fí' dsíi' sinúu^ cõo'~ lajii'~ dsea` guitúung` quiá'r~, jø fí' jø ì dsea` quiá'r~ do cajming'í~reiñ' cuaiñ~ quiá'~ e júu^ na. 18 Jø lalab cañi' dsea` do quiá'~ ì dsea` quiá'r~ do:

—¿Su o'gui 'nú' mí ngám'bi' lajii'~ e júu^ la cajo? ¿Su ja` mí ñí'na' e jii'~ cõo` e jáá' fí' caluu~ cuøøng`

sea` lí jmé` e nisó` dsea` fí ga` jò e nijmi`ling` yaaiñ` fí quini` Fidié`? ¹⁹ Dsũco` jalé` e jò ja` dsitoo` fí dsí` dsea`, co` lajũ` fí dsí` tub` dsea` lí` ngíng` e jò, jò mi` ningí jò, jòguiba` e uøø` fí caluu`.

Jò cajiñ`- lajò e laco` jmóor` júu` e guiáb` lajaléb` e gø` dsea`, jò ja` e si`li` fí quini` Fidié`. ²⁰ Jògui cajiñ`-biguir cajo lala:

-Jalé` e í dsí` dsea`, jalé` e joba` úing` e jmi`ling` yaaiñ` fí quini` Fidié` dsũco` fí gab` cár`. ²¹ Dsũco` fí dsí` dsea` lí` úing` e í dsí` jalé` e ga` fa` jalé` e la: e `léé` dsea` e güiñ` cóo` dseañu` osi dseamí` i o` catiñ`, jògui jmóor` ta` jngang` dsea` rúng`, jògui jmóor` ñ` quiá`- jaléng` dsea` rúñ` cajo, ²² jògui suuiñ` jalé` e sea` quiá`- dsea` rúñ`, jògui jmóor` jalé` e `li` e ja` dseeng`, jògui jmóor` ta` jmigoo`, jògui jmóor` jalé` ta` ja` dseeng` e sea` fí jmigüí, jògui eáang` dsihuñ` quiá`- dsea` rúñ`, jògui eáang` tí dsí` fé`r` jalé` júu` ta` júu`, jògui eáang` jmi`lɔng` yaaiñ`, jògui ja` mí` ca`í` dsí` røø` cóo` jalé` e jmóor`. ²³ Jò jalé` e ja` dseeng` laba` e uøø` fí dsí` dsea`, jò e joba` e jmóo` e cár` fí ga` e laco` jmi`ling` yaaiñ` fí quini` Fidié`. Jò e job` júu` quié`-e.

Mí` já`- calng`- jaang` dseamí` i ja` lúng` dsea` Israel` júu` quiá`- Jesús
(Mt. 15:21-28)

²⁴ Jò mi` cangí jò, jò cagüí`b` Jesús fí jò, jò cangór` fí lí` se` Tiro cóo` lí` se` Sidón. Jò mi` caguiér` fí jò, ca`ír` fí cóo` dsí` sinúu` co` ja` iñ` e caliñ` jũ` jaang` dsea` jie` fí táaiñ`; dsu` ja` calí`r`- fa` ca`méiñ`, ²⁵ co` ladsifí ladob caliñ` niquiá` jaang` simí` i ni`iuung` i `ling` dsí` jie` fí lí` táang`

Jesús. Jòbá' ladsifí' ladob cangór- fí' quini~ dsea` do jò casí'r' uó- jnir~ fí' uii~ tñiñ'- do. ²⁶ Jò ì niquíá'^ ì simí^ do seeiñ' fí' lí~ huíí^, fí' coo` fíi' jíé^ laco' góo` Jesús, fí' coo` lí~ sii` Sirofenicia. Jò mi~ cangoquíeíñ' fí' lí~ sing' Jesús, jò camí'r' dsea` do fa' niguíñ- ì 'ling'^ ì iuung- dsíí' ì simí^ quiá'r- do.

²⁷ Jò cañí' Jesús quiá'- ì dseamí' do lala:

—Cuø~ fí' e cuøøng` jaléng^n jóo`bì dsea` nidó!- la'uii~, dsuço' ja` dseeng` e niguí- dsea` e iñí'^ e gø' jiuung~ quiá'r- jò nicuø'r- jaléng^n dsii`.

²⁸ Jòbá' cañí' ì dseamí' do quiá'- Jesús lala:

—Jáb'-, Fíi'i, lajòb líí, dsu' e jáb'- cajo e jaléng^n dsii' ì teáng~ uii~ mes~ sitím'bre' jalé` cuí'~ iñí'^ e sojiá' quiá'- jóo' dsea`.

²⁹ Jòbá' cañí' tu Jesús quiá'- ì dseamí' do:

—Jáb'- quií'-, dseamí', nicuøøm` guøñ'^ fí' quií'- lana, co' lana nicagüi'ñb' ì 'ling'^ ì lami~ iuung- dsíí' ì simí^ quií'- do.

³⁰ Jò cangám'- ì dseamí' do fí' quiá'r-, jò mi~ caguiéiñ'- fí' jò, cadséiñ' ì simí^ quiá'r- do fí' ni~ co'ma` e niguiúm~biñ' do, co' nicagüi'ñb' ì 'ling'^ ì lami~ iuung- fí' dsíir' do.

Mi~ cajmi'leáng- Jesús jaang` dsea` güñng~ jogui ì ja' lí fé'

³¹ Jò mi~ cangí'gui lajò, cagüi'ñb' Jesús e fí' guóo~ uó- lí~ se' Tiro, jò cangüiñ' fí' lí~ se' Sidón cóo~gui jalé' fíi' e néé' fí' lí~ se' Decápolis, jò caguié-tur e fí' lí~ néé' e guiéé' Galilea do. ³² Jò fí' jòb caguilíng- dsea` ì jéeng` jaang` dseañu' ì güñng~ jogui ì ja' lí fé'. Jò camí' jaléng'^ ì dsea` do e fa' Jesús niquidsir' guóor` fí' mogui~ ì dsea` dsée' do. ³³ Jòbá' cajéng` Jesús ì dseañu' do fí' lí'- lacaang` lí~ siñ' fí' lí~ ja`

teáang⁻ dsea⁻ jiéng[^], jə catá[^]r⁻ niguóor⁻ fí⁻ dsí⁻ tó logua[~] i dseañu[^] do, jəgu⁻ ca[^]ñíir⁻ capí[^] jə cóo[^]- capí[^] jme[^]e[^]r⁻ cagü[^]r⁻ nisí[^] i dseañu[^] do. ³⁴ Jə mí[~] cangí[^] jə, caséer⁻ nir[~] fí⁻ yá[^] jmigü[^] jə caseáang⁻ dsír⁻ casí[^]r⁻ i dseañu[^] do:

—¡Efata! —e guóng[^]: ¡Güineab[~] loguá[^]!

³⁵ Jə dsifí⁻ mí[~] café[^]r⁻ lajə, ladsifí⁻ lanab cana[^] logua[~] i dseañu[^] do jəgu⁻ canaang⁻ fé[^]bir guiú⁻ cajə. ³⁶ Jə caqui[^] Jesús ta[~] jaléng[^] i dsea⁻ do e ja[^] ii[^] nisíñ[^] jí[^] jaang⁻. Dsu[^] fa[^] jmigui[^]gui[^] ya[^] e qui[^] Jesús ta[~] e ja[^] niguiá⁻ jaléng[^] i dsea⁻ do júu[^], eáang⁻ guib⁻ guiá⁻ i dsea⁻ do. ³⁷ Jə eáam⁻ dsigá⁻ dsí⁻ jaléng[^] i dsea⁻ i cangá⁻ jalé[^] e jə, jə lalab fé[^]r⁻:

—Lajaléb[^] e jmóo⁻ i dsea⁻ na eáam⁻ guiú⁻, cə[^] lí[^]bre jmér⁻ e ninú⁻ tu jaléng[^] dsea⁻ güing[~] jəgu⁻ jmér⁻ cajə e nifé[^]tu jaléng[^] dsea⁻ i ja[^] lí fé[^].

8

Mí[~] cahéng[^] Jesús qui[^] mil dsea⁻ (Mt. 15:32-39)

¹ Jə mí[~] cangí[^] jə, jə cóo⁻ jmí[~] caseáng[^]tu dsea⁻ calé[^] catú⁻ fí⁻ lí[~] táang⁻ Jesús, jə cə[^] ja[^] sea⁻ e nidó[^]-guiñ[^] do, jəba[^] cató[^]- Jesús i dsea⁻ guitúung⁻ quiá[^]r⁻ do jə casí[^]-reiñ[^] lala:

² —Eáam⁻ fí[~] lín⁻ n jaléng[^] i dsea⁻ na, cə[^] lana catí⁻ ní[^] jmí[~]b[~] e taaiñ[~] la cóo[^]- jneaa[~]aa[^] jə jí[^] cóo⁻ ja[^] e sea⁻ dór⁻; ³ jəgu⁻ song jnea[~] niguiéen[^] nre fí⁻ quiá[^]r⁻ e nidsihé[^] ir[~], dseáam[^] ní[^]uó[^]r⁻ guiá[^] fí⁻, cə[^] seem[^]biñ[^] na e jalíñ⁻ lí[~] huí⁻.

⁴ Jə cañí⁻ i dsea⁻ guitúung⁻ quiá[^]r⁻ do lala:

—¿Jial í⁻ óo[^] 'nu[^], Fí[^]naa[^], e cuóong⁻ nihéng[^]naa[^] i dsea⁻ na? cə[^] fí⁻ la ja[^] seeng⁻ dsea⁻ i ní[^] e gø[^] dsea⁻.

⁵ Jo cajmíngí' Jesús ì dsea` guitúung` quiá'r- do lala:

—¿Jó' íní' si'mang' 'nú'?

Jo cañí' ì dsea` quiá'r- do:

—E guié'-ba' sea`.

⁶ Joba' caquiá' Jesús ta~ e nigüea` jaléng' ì dsea` do tá'- có` nibøø' fí' ni~ uó^, jogui mifíng` casá'-bre lajì guié- e íní' do jo cajøør- fí' yá' e cuø'r' gui'máang' Fidiéé'. Jo ngí jo, cañíñ' e íní' do jo mifíng` cacuø'r' ì dsea` guitúung` quiá'r- do, jo íguib cajméé` guiéé^ e do jee~ jaléng' ì dsea` do, ⁷ jogui nisi'mam' bir jaang` gáng- 'ñu` cajo. Joba' lajob cajméé` Jesús cóoíñ~ do cajo, jang' cacuø'r' gui'máang' Fidiéé', joguiba' caquiá'r' ta~ dsea` quiá'r- e nijméíñ'- do guiéé^ jee~ jaléng' dsea`. ⁸ Joba' lajim bre cagó'r' ie~ jo car` calitaain~ guiá-, jo casé-bi guié-gui 'matá^ e téé' jalé' 'ná^ e casé-gui do. ⁹ Jo jaléng' ì dsea` ì cagó' ie~ jo tíbre jiu~ ja` quiú` mil. Jo mi~ cangí e cagóíñ' do, ca'íb- Jesús júu^ e dsilíñ' do. ¹⁰ Jo ngí jo, cajgóob- Jesús calé' catú- fí' ni~ móo' colíng~ cóo' jaléng' dsea` guitúung` quiá'r- jo cangolíñ' fí' lí se' Dalmanuta.

Mí camí dsea` fariseo cóo` e lí e quí' jmí

(Mt. 16:1-4; Lc. 12:54-56)

¹¹ Jo lajee~ e nitáang` Jesús fí' ni~ guóo' uó- jo, job mi~ caguilíng- dsea` góor` ì líng` dsea` fariseo e canaain~ dsihuíng` júu^ quiá'r- cóo' dsea` do. Jo laco' niguié'r' jial ni'níñ- dsea` do fí' quini` dseata~, joba' camí'r' dsea` do e fa' nijméíñ'- do cóo` e lí e quí'r~ jmí~, jo lajoba' nicuó- lí e Fidiéeb~ dsea` casí' quiá'r-. ¹² Joba' caseáang` dsí' Jesús e lajang'-, jo ngí jo cajín'-:

—¿Jialí' mǎi~na' jnea~ e nijmee~e coo` li~ e quíi~i jmií~, co' jnea~ dseáng'- fá'baa condsee' e jíi' coo`gui lajõ nijmee~e fí' quini^na'?

13 Jo dob caseáaiñ' i dsea` do jo ca'lb-tur fí' dsí' móo' jo cangór- lí' lí' 'ngóo'~ cataang` e guiéé' do.

Jial lǎng' dsea` fariseo

(Mt. 16:5-12)

14 Jo ie~ jo nica'ím- dsí' dsea` quiá'r- fa' e nicár` e nidó'r-, jo la nitíng' coo` iñí'^ba' niquie'guir fí' dsí' e móo' do. 15 Jo cajíng'- Jesús casí'r- i dsea` guitúung` quiá'r- do:

—Ñiing~ óo'na' cóo'~ jalé' e e' dsea` Israel i lǎng' dsea` fariseo cóo'~gui jalé' e e' dseata~ Herodes, co' jalé' e e' jaléng' i dsea` í' lí' lafa' quie'^ iñí'^.

16 Jo i dsea` guitúung` do lí'^ cajer' síiñ` lajee` la'ó' yaam~bre cuaiñ` quiá'- e ja` quier' iñí'^, 17 dsu' calilí'^ Jesús lajíi' e síng' i dsea` do, joba' casí'-reiñ' do lala:

—¿Jialí' fó' 'nú' e ja` iñí'^ quie^na'? ¿Su ja` mí' cangám'bi' o'gui mí' calilí'^bi'? ¿Su dseáng'- eáam' sijní' moguí'na'? 18 Co' téeb'~ jminí'^ 'nú', dsu' ja` jné'na'; jogui dsi~bi' loguá^na' cajo, dsu' ja` nuu'na'. ¿Su ja` tóo'~ óo'na'? 19 ¿jóo'~ 'matá' e røong` téel' 'ná' e caseáng'-gui jo casitíng' 'nú' ie~ mí~ cafiing- jnea` 'ñiá' iñí'^ e cagó' 'ñiá' mil dseañu'?

Jo cañí' i dsea` guitúung` do:

—Tíib' guitu' do.

20 —Jogui mí~ cafiing- jnea~ e guié- iñí'^ do e cagó' lajì' quie' mil dsea`, ¿jóo'~gui 'matá' e røong` téel' 'ná'^ casití'na'?

Jo cañí'tu i dsea` do:

—Tíib' guié-.

21 J̄oba' casí'~ t̄ureiñ' lala:
—¿Su ja` mí ngám'~ bi' latí lana jóng?

*Mi~ cajmi'leáng~ Jesús jaang` dsea` tiuung~ fi`
Betsaida*

22 Jo mi~ cangîgui lajo, caguiling~ Jesús cóo'~ dsea` quiá'r~ fi` Betsaida. Jo lajee` e nitaaiñ~ fi` jo, caguiling~ dsea` jéeiñ` jaang` dsea` tiuung~ fi` quini` Jesús, jo mi'r' dsea` do fa' e nigüfiñ'~ capí'^ ì dsea` tiuung~ do. 23 J̄oba' catíng~ Jesús guoo` ì dsea` tiuung~ do jo cangojéeiñ` fi` lí'~ 'ni' fiñ. Jo cajmijmí'r^ jmini` dsea` do cóo'~ jme'e'r', jo ngî jo caquidsir' guoor` fi` moguiñ'~; jo mi~ calí~ jo, cajmingí'~ reiñ' su nilí jòør~ capí'^. 24 J̄oba' cajíng'~ ì dsea` tiuung~ do e nicuóøm`jiñ lí jòør~ jo cajíñ'~:

—Nimáam'baa jaléng' dsea`. Jòøø e jnéeng~ lafa' 'ma' e ngí'.

25 J̄oba' caléb'~ catú~ caquidsí Jesús guoor` fi` ni` jmini` ì dsea` do, jo ladsifi` lanab calijné' ì dsea` do jo ca'láam~bre, jo dseáng'~ røøb` nijòør~ jóng. 26 Jo caquiñ' Jesús ta~ e cangám'~ biñ' do fi` quiá'r~ jo casí'~ reiñ' do lala:

—Ja` güiguiá'^ júu^, melé^, cóo'~ jalé' e cajmé~e cóo'~ 'nñ'.

*Mi~ cajíng'~ Tú^ e Jesús líiñ' Dsea` Jmáang~
(Mt. 16:13-20; Lc. 9:18-21)*

27 Jo mi~ cangîgui lajo, Jesús colíng~ cóo'~ jaléng'^ dsea` guitúung` quiá'r~ cangolíñ` lacaang` jalé' fiñ`jiñ e née' lí se' Cesarea quiá'~ Filipino. Jo lajee` ngolíñ~ e teáaiñ'~ fi', cajmingí'~ Jesús ì dsea` guitúung` quiá'r~ do lala:

—¿I` í dsí' dsea` e líng' jnea~?

28 J̄oba' cañí' ì dsea` guitúung` do lala:

—I lüing~ dsea` fé'r` e lin' Juan i lamí~ seáng` dsea` jmíi, jogui i lüing~gui fé' e lin' Líi^, jogui i lüing~gui fé' e lin' jaang~gui dsea` i café` cuaiñ~ quiá'- Fidiéé` malí~gui.

²⁹ —Jogui 'nú', ¿i~ fó'na' e lüing` jnea~?

Jö cañíi` Tú^ Simón quiá'- Jesús lala:

—'Nub` dsea` i lüing` Dsea` Jmáang~ i casíing` Fidiéé` cuaiñ~ quiá'r~ e laco' nilaan'- dsea` jmigüi'.

³⁰ Jö caquiü' Jesús ta~ i dsea` quiá'r~ do e ja` nifé' dsea` do júu^ uii~ quiá'r~ fa' nisí'r` dsea` jiéng'.

*Mi~ cajmée` Jesús júu^ e tí' nijngáng'- dsea` ír`
(Mt. 16:21-28; Lc. 9:22-27)*

³¹ Jö coob` mi~ canaang` Jesús e'r` jaléng` dsea` guitúung` quiá'r~ e dseáng'- nisí'ím^bre e ní'íñ` iihuí` dseáng'- e eáng', íb` dsea` i cajar` fí` ñífi~ e líiñ` jaang` dsea` jmigüi', jogui e jaléng` yáü' dsea` cøong~ i teáng~ nifí` quiá'- dsea` góor` dsea` Israel cøo'~gui jaléng` fii~ jmidsea` quiá'r~ cøo'~gui jaléng` tífa' quiá'- júu^ quiü' ta~ quiá'r~ nilí` 'ní' níim~bre dsea` do. Jogui casí'-guir i dsea` quiá'r~ do e nijngám'- dsea` ír'; jö dsü' mi~ nití~ 'ní` jmíi~ lajõ, nijíb'tur calé' catú'. ³² Jö dseáng'- júu^ røøb` cajmea'r` i dsea` guitúung` quiá'r~ do. Jö mi~ canúu~ Tú^ Simón lajõ, cajéeiñ` Jesús fí` coo' lí` ja` iü` núu, jö canaañ` jíim~bre dsea` do. ³³ Dsü' caji'tu` Jesús nir~ fí` lí` caseáañ` dsea` quiá'r~ i caguaang` gui do jö cajøong~neiñ', jogui cajíiñ` Tú^ Simón jö casí'r~ lala:

—jJéeng'~ cáan`n, Satanás! Ja` jnün~ jnea~ fí', co' 'nú` ja` ngáng` laco' jíi' e í` dsíi' Fidiéé`, co' lajüi' e líi' quiá'- dsea` jmigüi'ba' ñí' 'nú'.

34 Jo mi~ cangî jo, cató'~ Jesús dsea` guitúung` quiá'r~ cóo'~gui jaléng` dsea` caguaang~gui jo casí'~reiñ' do lala:

—Song ii` dsea` iing~ ni'uíng~ dsea` quié~e, güitár` jalé' e lî dsír' 'ñia'r' jo güiseaiñ' lafa' crúu` quiá'r~ e laco' cuø li~ e guia' dsír' e nidsingüiñ~ jalé' e huíng' uíi'~ e lüiñ' dsea` quié~e, jo lajoguiba' ningír~ cóo'~ jnea~ jóng. 35 Co' lî^ doñí' ii` dsea` i' dsí' e lî'bre nileáng~ 'ñia'r' jee~ jalé' dsee~ quiá'r~, jo dsu' i` dsea` î conguiab' nibüiñ` fí lî' lî^; jogui doñí' ii` dsea` nijúuiñ~ uíi'~ e lüiñ' dsea` quié~e jogui uíi'~ e ni'r' júu` quiá'~ jial laang` dsea` jee~ jalé' dsee~ quiá'r~, joba' i` dsea` î nitüim'~bre fí~ quini` Fidiéé` jóng. 36 Co' ¿e~ ta~ íng` quiá'~ jaléng` dsea` jmigüi` e seeiñ` e silí'r' jmiguiú' fí jmigüi` la song si'naam`bre lata~ cóo'~ jnea~ mi~ nijúuiñ'? 37 Osi ¿jial tí' cuøøng` sea` lí' qui~ jaang` dsea` e laco' nilí'r' nitüiñ'~ fí quini` Fidiéé` é? 38 Co' song jaang` dsea` jmóor` i' lüiñ~ uii~ quié~e jogui uíi'~ quiá'~ jalé' júu` quié~e e guiaa~ fí quini` jaléng` dsea` dsee~ dsea` qui` i` ja` já'~ lüng` e júu` jo, joba' lajob jnea~ cajo, dsea` lüñ`n jaang` dsea` jmigüi` i` jáa' fí ñíffí, nijmee~baa i' lüñ`n quiá'~ i` dsea` î mi~ tí' lî~ nití' í' e nigáa'túu calé' catú~ fí jmigüi` la e gáa'a jee~ e niing~ jî' niguo'` quiá'~ Fidiéé` colüing` cóo'~ jaléng` ángeles quiá'r~.

9

1 Jogui casí'~bigui Jesús cajo jaléng` i` dsea` quiá'r~ do:

—E laba' jmitaa~ óo'na' e i` lüing~ 'nú' la'ó' teáng~na' la jmüi~ na ja` mí' nijúung~na' cartí' mi~

cangî cangîng`na' jial nicá^ Fidiéẽ nifí' quíá'-
dsea` la'eáang' cóo~ e laniing- 'gõñ' do.

Mi~ calisîng- jial jnéeng- Jesús
(Mt. 17:1-13; Lc. 9:28-36)

² Jo mi~ cangîgui jñúũ- jmî~ lajo, cangó- Jesús fí' cóo` yá^ mó^ e ñíí, jo lajîí~ Tú^ Simómbing' jéeiñ` cóo~gui Tiáa~ jogui Juan. Jo lajee~ e niteáaiñ- e fí' yá^ mó^ do, canaang` calisîng- jial jnéeng- Jesús.

³ Jo calisîng- jial líí sî'r^ jo dseáng'- cajnéng- e ji^ jogui e tee` eáang' e jîí~ jaang` dsea` ja` lí'r` sér- tee` lado mi~ ru'r'. ⁴ Jogui cangáañ- Líí^ cóo~gui Moí~ e teáaiñ- sîiñ` cóo~ Jesús. ⁵ Jogui lalab cajíng'- Tú^ Simón casí'r- Jesús:

—Tífa', jeáam` íaang` dsii- e taang~naa' colîing~ fí' la! Jo majmóo~naa' 'ní' 'núũ`jiũ lí~ nitaang~na': cóo` quíí'-, cóo~gui quíá'- Moí~ jogui cóo~gui quíá'- Líí^.

⁶ Jo cajíng'- Tú^ Simón lajo co' ja` ñí'guir e~ nijíñ'-, cóo` dseáng'- eáam` cafóañ^ lajî gaaiñ` do, Tú^ Simón jogui Tiáa~ cóo~ Juan. ⁷ Jo lajee~ job mi~ cajgó- cabøø~ jníí' fí' yá^ jmîgüî, jo jee~ job caquíñ^ lajaléiñ^ do. Jo fí' jee~ e jníí' do guicaná^ e guicafé^ dsea` lala:

—Í lab Jóo`o` í 'neáan`n eáang', jo núũ-na' lajîí'- júu^ quíá'r-.

⁸ Jo mi~ tí' lí' cajóø- í dsea` gaang` do lacúng' lajîing` e lí' teáaiñ'- do, jîí~ jaang` í dsea` gáng^ do jo` íi` cangáng- guir cáang` Jesús, jo jîí' 'ñiab' dsea` do cajé'guir.

⁹ Jo lajee~ cajgáañ- e fí' yá^ mó^ do, caquíũ' Jesús ta~ quíá'- í dsea` gaang` do quíá'r- e ja` niguíáañ'- do júu^ lajîí~ e nicangár- do, co' cartí' mi~ ningî e nijí'tu` í dsea` í jáa' fí' ñifí- í líng' dsea` jmîgüî,

joba' n̄icuóøng` e nijméeiñ¹- do júu^ quiá¹- jalé¹ e jo.
 10 Joba¹ lajob cajmée¹ ì dsea` gaang` do, ja` caguiar¹ e
 júu^ jo nañi¹ fa¹ jmingí¹- bre rúñ¹ lajee¹ la'ó¹ yaaiñ¹
 e¹ guóøng¹ e jing¹- dsea` do e nijí¹¹t̄ur calé¹ catú¹.
 11 Jo lalab cajmingí¹- ì dsea` gaang` do Jesús:

—¿Jiali¹ fé¹ jaléng¹ tifa¹ quiá¹- júu^ quiu¹ ta¹
 qui¹-ii¹, dsea` Israel, e Líí¹bing¹ 'né¹ nijáa¹t̄ur nifi¹ fi¹
 jmigü¹ la?

12 Joba¹ cañi¹ Jesús quiá¹- ì dsea` quiá¹r¹ do, jo
 lalab casí¹-reiñ¹ do:

—E jáb¹- e nifi¹ nijáa¹tu Líí¹, jo íb¹ dsea` ì niguiá¹-
 guiá¹- lajalé¹. Jo ¿jiali¹ fé¹ fi¹ ni¹ jì¹ quiá¹- Fidiée¹
 e jnea¹, dsea` lín¹n¹ jaang¹ dsea` jmigü¹ ì jáa¹ fi¹
 ñifi¹, guím¹ba¹ 'né¹ e nicaa¹ iihuí¹ e eáang¹ cartí¹
 nijngáng¹- dsea` jnea¹? 13 Dsu¹ jnea¹ fá¹a e fi¹-ì
 'nú¹ e nicajáb¹ Líí¹, jo cajméeb¹ dsea` la tí¹ e já¹
 dsíir¹ cóo¹~ dsea` do lí¹¹ laco¹gui la fé¹ fi¹ ni¹ jì¹ quiá¹-
 Fidiée¹ e nisi¹í¹ e nidsingíng¹ dsea` do.

*Mi¹ cajmi¹leáang¹ Jesús jaang¹ siming¹ ì uuung¹ ì
 'ling¹¹ dsí¹*

(Mt. 17:14-21; Lc. 9:37-43)

14 Jo mi¹ cangí¹ jo, caquing¹- Jesús cóo¹~ Tú¹ Simón
 jogui Tiáa¹ cóo¹~gui Juan fi¹ lí¹ táang¹ jaléng¹ dsea`
 guitúung¹ quiá¹r¹ ì caguiang¹-gui do, jo cadseíñ¹
 dsea` do jee¹ cabøø¹ jaléng¹ dsea` jiéng¹, jogui ì
 liing¹ tifa¹ quiá¹- júu^ quiu¹ ta¹ quiá¹- dsea` Israel
 teáaiñ¹ siiiñ¹ cóo¹~ jaléng¹ ì dsea` do. 15 Jo mi¹ tí¹
 lí¹ cangáng¹ jaléng¹ ì dsea` do Jesús, ladsifi¹ ladob
 cangojmijíñ¹ dsea` do e féng¹-neiñ¹ jogui dseáng¹-
 eáam¹ dsigá¹ dsíir¹ cajo. 16 Joba¹ lalab cajmingí¹-
 Jesús ì dsea` quiá¹r¹ do:

—¿Ē teáang̃ 'nú' j̄moo`na' cuee`júu^ cóo~ jaléng̃
i dsea` do?

¹⁷ Joba' cañíi` jaang̃ lajee` i dsea` f̄iing̃ do lala:

—Tifa', lab n̄ijeent̄ jaang̃ jóo`o, jo i 'lim'^ iuung̃
dsír', jo nicajm̄eeiñ' do e ja` lí fé' jóo`o, ¹⁸ jo doñí
jié' sim' jóo`o, jmóo` i 'ling'^ i iuung̃ dsír' do e
quiñ' fí n̄i~ uó^; j̄ogui uøø` ja' fí mo'oor̄, j̄ogui tar'
majar̄, jo dseáng̃' i' teá guot̄iir̄. Joba' nicam̄í' i
i dsea` quíi' na fa' e niguiñ̄ i 'ling'^ na, dsu' ja` mí
cali'r'.

¹⁹ Joba' cañíi` Jesús quiáiñ' do lala:

—i Dseáng̃' ja` já' lím̄ 'nú' júu^ quié`e! ¿Li~ jm̄i~
e nilin̄u' na' dseáng̃' lajang̃' júu^ quié`e? J̄ogui
¿li~ tí jm̄i~ nijmee` e té'e cóo~ 'nú'? N̄ijéeng̃ na' fí
la i siming̃' na.

²⁰ Joba' cangojéeng̃ i dsea` do i siming̃' i dséel̄
do fí quini` Jesús. Dsu' mí tí lí cangáng̃' i 'ling'^
i iuung̃ dsíi' i siming̃' do Jesús, dsifí ladob ca-
jm̄eeiñ' do e cadseá` tu joñíng̃ i siming̃' do, jo
caquím' biñ' do fí n̄i~ uó^ e beár, j̄ogui e uøø` ja' fí
mo'oor̄. ²¹ Joba' cajming̃í' Jesús tiquiá'^ i siming̃'
do:

—¿Li~ laj̄i' líng̃ i siming̃' quíi' e la?

Joba' cañíi' i tiquiáiñ'^ do quíi' Jesús:

—Latí j̄i' mí j̄iuum̄ biñ' líiñ' lana; ²² jo
jm̄iguiab' ya' nicajm̄eeiñ' e nicabíng̃ neiñ' fí n̄i~ j̄i
j̄ogui fí dsíi' jm̄i' e laco' nilí'r' nijngáng̃' neiñ'. Joba'
m̄í' naa' nu' jm̄i' ee' fa' nu' bi nilí' nijmi' leáan'^ re,
f̄i' güilín' j̄nea'^ jo jm̄icóo~ j̄nea'^.

²³ Joba' cañíi` Jesús quíi' i dsea` do lala:

—¿Ē lí song lí^ baa fó' nu'? ¿Co' lajib' cuøøng̃ sea`
lí jm̄ee` j̄nea` quíi' i dsea` i já' líng̃ júu^ quié`e!

²⁴ Joba' cañíi' tiquiá'^ i siming̃' i dséel̄ do e teá:

—¡Jáb!- líng` jnea~ júu^ quí!-, Fí!naa!, jogui jmicóo~ jnea~ e laco' já!-gui nilíin` e jo!

²⁵ Jo mi~ cangá- Jesús e eáam' ngóo' seáng' dsea` fí jo, joba' cajíin~ i 'líng!^ i iuung- dsíi' i siming!^ do jo casí!r- lala:

—Dsea` 'líng!^ i jmóo` e ja` lí fé! jogui ja` lí ná- i siming!^ na, jnea~ quiá!~ 'na ta~ e nijúu!~ lí iuun!- dsíi' i siming!^ na, jogui e jo` quí!- jmíi~ fa' e ni'ú!tu! calé! catú-.

²⁶ Jo dsifí lajob ca'óo` teá! i 'líng!^ do, jo cajméeiñ! do e cadseáb-tu joñíng` i siming!^ do. Jo mi~ cangá joguiba' cagü!~ñ! do fí lí iuuiñ-, dsu! i 'líng!^ do caseáaiñ~ i siming!^ do dseáng!- lafa! 'líim~biñ! e lí! laco' lajñng` dsea` do nífé!r` e cajúm~biñ! do.

²⁷ Dsu! Jesús ladsifí ladob catíin~ guoo` i siming!^ do, jo caseang!neiñ!; jo caráam- i siming!^ do jo casím!-bre.

²⁸ Jo mi~ cangá jo, ca!í- Jesús fí dsíi' sinúu^ cóo!~ dsea` guitúung` quiá!r-, jo fí jo i dsea` quiá!r- do cajmingí!r- dsea` do lajee` la'ó!~ yaaiñ~:

—¿Jiali! jnea!^ ja` calí!-naa! fa' caguíng- naa! i 'líng!^ i iuung- dsíi' i siming!^ do?

²⁹ Joba' cañí! Jesús quiáiñ!- do jo cajíin!-:

—I 'líng!^ i lado líb` ni'uóin!- dsu! la'eáang' cóo!~ e féng! dsea` Fidié~ jogui jmóor` ayuno.

*Mi~ cajméetu Jesús júu^ e nijnga!- dsea` quiá!r-
(Mt. 17:22-23; Lc. 9:43-45)*

³⁰ Jo mi~ ca'uøøin` e fí jo, cangám!tur fí lí se! Galilea. Jo dsu! Jesús dseáng!- ja` iim~bre fa' e caliñí jíi!~ jaang` dsea` jie~ fí lí táaiñ, ³¹ co! iin~ e e!r' lajíi!~ i dsea` guitúung` quiá!-bre. Jo lajee` táaiñ` fí jo, lalab sí!r` jaléng!^ i dsea` quiá!r- do:

—E laba' fíi-í 'nú' e jnea~ i cagüéng- fí' jmigüû la i jáá' fí' ñifí- e lín'n jaang`dsea` jmigüû, jo 'né-ba' e nijám' dsea` jnea~ fí' quini` dsea` i 'ní' ní- quié- e cartí' nijngáiñ'- jnea~; jo dsu' mi~ ningî 'ní' jmî~ lajo, nijíb'túu calé' catú-.

³² Dsu' ja` cangáng' i dsea` guitúung` do e~ ui-ing~ e cajíng'- Jesús lado, jogui 'gó'bir cajo fa' e nijmingí'r- dsea` do.

¿I' i laniing-gui fí' quini` Fidié'?

(Mt. 18:1-5; Lc. 9:46-48)

³³ Jo mi~ cangî jo, jo mi~ tí li~ caguilíng-tur fí' Capernaum, jo cangúiiñ' fí' dsí' sinúu^. Jo mi~ niteáaiñ'~ fí' jo, lalab cajmingí'- Jesús i dsea` guitúung` quiá'r- do:

—¿E~ e ñilíng- 'nú' jîng~na' lacuee` guiá'^ fí'?

³⁴ Jo mi~ canúu- i dsea` guitúung` quiá'r- do lado, lí^ cajer' tiib-, dsuco' lajee` teáaiñ'~ do fí' e jalíiñ- sáiñ' e i~ i laniing-gui lajee` la'ó' yaaiñ~. ³⁵ Joba' caguáb' Jesús jo cató'r- i dsea` guitúung` do quiá'r- jo casí'- reiñ' do lala:

—Song i~ dsea` iíñ~ e líiñ- dsea` laniing-gui, joba' güi'í^ dsíir' e íb' i dsea` i catí' li~ dséng-gui, jogui íb' dsea` cajo i nijmé- jalé' ta~ quiu' jaléng' dsea` jíéng' e 'né- jmér-.

³⁶ Jo mi~ cangî jo, casíng' Jesús jaang` jiuung~ pí^ fí' guiá'^ jóo' li~ teáaiñ'- do, jo casaiñ'- i jiuung~ do jo cataiñ'- cuéer', jo casí'r- i dsea` quiá'r- do lala:

³⁷ —I dsea` i íng' i jiuung~ la la'eáang' cóo' jnea~, lajob cajo íñ' jnea~; jogui i dsea` i íng' jnea~, güilíiñ'bre guiú- e o' jíi'~ jnea~ íñ', co' lajob cajo íñ' Tiquié'e dsea` guíng~ ñifí-, dsea` casíiñ' jnea~ fí' jmigüû la.

I dsea` i ja` 'ní` níng` jneaa`aa' sitáam`bre cóo` jneaa`aa'

(Lc. 9:49-50; Mt. 10:42)

³⁸Jo mi` cangf` jo, e lab cajíng` Juan casí`r` Jesús:

—Tifa', jnea` nicaneem`baa' jaang` dseañu` i jmóo` ta` uøøng` jaléng` i` ling` la'eáang` cóo` 'nu, jo co' ja` ngí`guir colíing` cóo` jneaa`aa', joba' nicajníim`baa' quiá'r` e nijmér` lajo.

³⁹Joba' lalab cañí` Jesús quiá'` i dsea` quiá'r` do:

—Ja` jniing`na' quiá'` i dsea` do, co' ja` seeng` jíi` jaang` dsea` i nijmé` cóo` e li` e dsigá` dsíi` dsea` la'eáang` cóo` jnea~, jo mi` nilicøøng`gui lajo nífé'r` ga` uii` quié`e. ⁴⁰Co' i dsea` i ja` fé` ga` uii` qui`ii', joba' cóo` jneaa`aa' sitáaiñ`. ⁴¹Jogui i` dsea` i cuø' 'nú' fa' lab cóo` vas jmi` uí' e 'nú' líing`na' dsea` quié`e, joba' jnea` jmitaa` óo`na' e seab` guiéé` quiá'r` mi` nití` fí` jmigüi` cóo`.

Jial dseáang` e nijiúng` dsea` fí` ni` dsee`

(Mt. 18:6-9; Lc. 17:1-2)

⁴²'Jogui song i` dsea` jmóor` jial e niténg` fí` ni` dsee` doñí` i` i` jiuung` lala i` nijá` líng` júu` quié`e, joba' guiá`guib ni`uíng` quiá'` i dsea` í` e nidsibíing` 'ñia'r` fí` é` jmi` e guinee` cóo` cuu` 'loo` fí` moluur`. ⁴³Jo song guóo` nijmé` e nitén` fí` ni` dsee`, joba' quiúu` jóng; co' guiá`gui quií'` e nitáang` fí` jmigüi` la cóo` cóob` guóo', jo ja` guien' fí` lí` lí` fí` lí` coo` jì` cóo` lajì` tú` guóo` mi` nití` oor` quií'`. ⁴⁴Co' e fí` jo jo` tóo` jmi` fa' e nijiúng`gui jaléng` jóo` o'gui fa' e niyu'gui jì. ⁴⁵Jogui song tíi` nijmé` e nitén` fí` ni` dsee`, joba' quiúu` jóng; co' guiá`gui quií'` e nitáang` fí` jmigüi` e jlúun` e laco'gui e niguøn` cóo` lajì` tú` tíi` fí`

li~ 'li'^ 46 fi' li~ teáng'~ jóo'~ i ja` tóo` jmi~ nijúung`
 jogui fi' li~ coo` jì e jo` tóo` jmi~ ya'. 47 Jogui song
 jminí'^ jmóo` e nitén' fi' ni~ dsee~, joba' gui~ jóng;
 co' guiá-gui quíi' e Fidié~ quier' nifi' quíi' e ja`
 sea` coo` jminí'^ e laco'gui téeb'~ lajì tú~ jminí'^
 niguøn'^ fi' li~ 'li'^ 48 fi' li~ teáng'~ jóo'~ i ja` 'mó` sea`
 quía'- jogui fi' li~ coo` jì e ja` tóo` jmi~ ya'.

49 Jo ligüeang'^ jaléng' dsea` quíe- e la'eáang' cóo'~
 jalé' e huñg' e dsingüiñ- lí'^ laco'gui ligüeang'^
 jalé' feá'- la'eáang' cóo'~ ñi~ jogui jì. 50 Jo eámá'
 íng^ ta~ jalé' ñi~, jo dsu' song ca'íng- lajii' e ñii~
 do, joba' çjal nilí' 'nú' nijmee-na' e niliñii~ tu calé'
 catú'-? Joba' fi'i 'nú' e güi'uíng-na' laco' lí' ñi~ e
 guiá- do, jo güiliseeng-na' juguiá- júu` røø` lajee`
 la'ó' rúng-na'.

10

Mi' ca'e' Jesús quía'- mi~ tiúung- dsea` rúñ'
 (Mt. 19:1-12; Lc. 16:18)

1 Jo mi~ cangî jo, cagüi'ñb' Jesús fi' Capernaum
 jo cangó-tur fi' guóo'~ uó- li~ se' Judea jogui e fi'
 guóo'~ uó- e née' lí' lí' guiée'~ laco' iu~ gua` Jordán.
 Jo fi' job caseáng' tu jaléng' dsea`, jo canaañ' e'r'
 jaléng' i dsea` do júu^ quía'- Fidié~ lí'^ laco' litñiñ`
 do. 2 Jo lajee` jo cangoquiéeng' jaang' gáng- dsea`
 Israel i líng' dsea` fariseo fi' lí' sing' Jesús e lí'^ laco'
 niguié'r' jial ni'nñiñ- dsea` do fi' quini~ dseata~.
 Joba' cajmingi'r- dsea` do e su seab` fi' e nitiúung-
 dseañu' dseamî quía'r-. 3 Joba' lalab cañii' Jesús
 quía'- i dsea` do:

-¿E~ ta~ caquiua' Moï e nijmee-na' quía'- e jo?

4 Jo jaléng' i dsea` do cañiir` lala:

—Moi~ cacuø'bre e líb' jaang` dseañu` nitiúuiñ` dseamî quiá'r- lifa' 'né- seáiñ- cõo` majî li~ fé' lajõ.

⁵ Jõba' cañi` Jesús quiá'- i dsea` do lala:

—Moi~ cacuø' e júu` jõ, cõ' ñir' e dseáng' eáang' ue' óo' 'nú'. ⁶ Jõ dsu' lajii'~ ie~ mi~ catiroo` jmigüi', "Fidiée` cajmeáaiñ` dseañu` cõo'~ gui dseamî". ⁷ "Jõ uii' e jõba' e cúng' dseañu` guóor' jõ 'naaiñ` quiá'- sejmiir` e lacõ' niliseeiñ` coling~ cõo'~ dseamî quiá'r-. ⁸ Jõ lajî huáaiñ- do lafa' jaam`bre nica'uuiñ- jóng." Jõba' jõ tí'guir gáng- dsea`, cõ' lafa' jaam` dsea` ca'uuiñ-. ⁹ Cõ' Fidiée` bing' caguia` uing~ e nicúng' dsea` guóor-, jõba' jõ cuøøng` fa' e nitiúung- gui dsea` rúñ' mi~ nicangî e cacúng' guóor`.

¹⁰ Jõ mi~ cangî jõ, jõ ca'íb- tu Jesús fi' dsí' sinúu` coling~ cõo'~ dsea` guitúung` quiá'r-, jõ lajee` jõ calé' catú- cajmingíi` i dsea` quiá'r- do cuaiñ` quiá'- e júu` e ngóo' do. ¹¹ Jõba' Jesús cañiir` quiá'- i dsea` do lala:

—Ii` dseañu` i tiúung- dseamî quiá'- jõ cúñ' guóor` cõo'~ dseamî i jiéng', jõba' ée`bre dsee- fi' quini` Fidiée` uii` quiá'- i dseamî la'uii` do; ¹² jõgui song jaang` dseamî catiúuiñ- dseañu` quiá'r- jõ cacúñ' guóor` cõo'~ jaang`gui dseañu`, jõba' ée`bre dsee- cajõ fi' quini` Fidiée`.

*Mi~ cajmigüeang` Jesús jaléng` jiuung`
(Mt. 19:13-15; Lc. 18:15-17)*

¹³ Jõ lajee` jõ fñm' dsea` cangojéeiñ` jiuung~ quiá'r- fi' li~ táang` Jesús e lacõ' niquidsí dsea` do guóor` fi' moguiñ` e lacõ' niligüeaiñ' do, dsu` i dsea` guitúung` quiá'- Jesús do canaiñ` jíim`bre jaléng'

ἰ dsea` ἰ dsijéeng` jiuung` quiá'r` fí do. ¹⁴ Jo mi` cangá` Jesús e jo, eám` caliguiñ` jo lalab casí'r` ἰ dsea` quiá'r` do:

—Cuøø'na' fí e jalíng` jaléng` ἰ jiuung` na fí quini` jo ja` jnáng`na' quiá'r`, dsucø' Fidié`bing' ἰ quie' nifí quiá'` jaléng` ἰ dsea` ἰ líng' laco' ἰ jiuung` la. ¹⁵ Jo dseáng'` fá'baa e ἰ ja` iing` ni'íng' e Fidié` nicá` nifí quiá'r` laco'gui` íng' jaang` jiuung`, joba' ja` toø` jmí` e Fidié` nicá` nifí quiá'r` cajo.

¹⁶ Jo mi` cangá` jo, casáng' Jesús lajaang` lajaang` ἰ jiuung` do, jo cataiñ`` güea'^ lajaléiñ` do e lico' caquidsir` guóor` fí moguiñ`.

Mi` casíng` jaang` dseañu` ἰ sea` cuu` cóo` Jesús (Mt. 19:16-30; Lc. 18:18-30)

¹⁷ Jo mi` cangá` jo, lajee` e ná'`gui` ni'í Jesús fí e nidsér` fí iuiñ`, ladsifí ladob caguié` jaang` dseañu` ἰ cui', jo casí'r` uø` jnir` fí quini` dsea` do jo cajmingí'r` dsea` do lala:

—Tifa' ἰ guiá` dsíí, ¿e` 'né` nijmee` jnea` e laco' nilí'i e niliseen` cøøng` cóo`` Fidié` car` ngongá` jmí`?

¹⁸ Jo cañí` Jesús quiá'` ἰ dseañu` do lala:

—¿Jialí' fí' jnea` e guiá` dsii`? E jáb'` dseáng'` jaam` dsea` guiúng` ἰ seeng`, jo íb` Fidié`. ¹⁹ Jo niñí'^ lajii` júu` quiu' ta` quiá'` Fidié`: “Ja` jngan' dsea` rún'”; ja` 'lee' e nigün' cóo'` dseañu` osi dseamí` ἰ o' quií'`; ja` jmée'^` í; ja` cá'^` júu` e o' já' e en' jaléng' dsea` rún'”; ja` jmigøø'n' dsea` rún'”; jogui` jmí'goo` tiquíí'^ cóo'` niquíí'^.”

²⁰ Jo cajíng'` ἰ dseañu` do lala:

—Tifa', lajaléb' e jo nicajmiti~baa latí jii' mi~ simím'baa.

²¹ Joba' cajóøng- Jesús i dseañu' do e iáang` dsíir', jo cañíir` quiáañ'- do lala:

—Coo'gui sea` e 'né- fíi- i 'nu` e 'né- quií'-: guóng' jo güi'ni~ lajalé' e sea` quií'-, jo e nilí' do nijméé' guiéé` jee~ jaléng' dsea` tiñíng-. Jo lajoba' nilisea` juguiá- quií'- fí ñifí- mi~ nití- fí jmigüi' coo'. Jo mi~ ningí e nijme'^ e nicafíi- i 'nu` na, joba' nea~ jo ningí'^ cóo'~ jnea~.

²² Jo dsu' mi~ canúu- i dseañu' do lado, eáam' fi'í calíñ-; jo jo` iáang` dsíir' cangáañ'- fí quiá'r-, co' líññ' jaang` dsea` i eáam' sea` cuu-.

²³ Jo mi~ cangí jo, cajóø- Jesús lacúng' lí siñ', jo casí'r- i dsea` guitúung` quiá'r- do lala:

—¡Eáam' huíng' lí quiá'- jaléng' dsea` sea` cuu- e nijáng' yaaiñ~ fí quini` Fidiéé` e laco' dsea` do nicá` nifí quiá'r-!

²⁴ Jo mi~ canúu- i dsea` guitúung` do lala, eáam' cangogá` dsíir'. Jo dsu' caléb'tu casí' Jesús i dsea` quiá'r- do lala:

—Joo'o, jeáam' huíng' e ni'íng' dsea` e Fidiéé` nicá` nifí quiá'r-! ²⁵ Co' ja`gui huíng' quiá'- jaang` jó' camello e ningíng'-ne' fí dsíí' tó` jmini` quiá'- mocuu- 'mí' 'mi' e laco'gui jaang` dsea` sea` cuu- nilí'r' e ni'íñ' e Fidiéé` nicá` nifí quiá'r-.

²⁶ Jo mi~ canúu- dsea` guitúung` quiá'r- e jo, eáang`guib cangogá` dsíir', jo canaaiñ` jmingí'- rúññ' lajee` la'ó' yaaiñ~ lala:

—Jo ¿i~ i nilí' e nileáañ` jee~ jalé' dsee- quiá'r-?

²⁷ Joba' cajóøng- Jesús i dsea` do, jo cañíir` quiáañ'- lala:

—Huim' lí' quiá'- jaléng' dsea`jmigüi, dsu' ja' lí' lajo quiá'- Fidié', co' lajib` quí' dsea` do jmí' lí' jmér'.

28 Jo mi~ cangî jo, Tú^ Simóngui canaaín` sí'r` dsea` do lala:

—Fí'naa', jnea'^ nicatú^baa' lajaléb' e sea` qui'naa', jo joguiba' cangî^naa' cóo'~ 'nu'.

29 Jöba' cañí' Jesús quiáin' do:

—Dseáng'- e já'- e fí' i 'nú' e doñí' i i catú' jalé' e sea` quiá'- osi góor` osi ca'naaiñ` quiá'- jaléng' rúin' osi quiá'- tiquiá'r^ niquiá'r^ osi quiá'- jaléng' jóor' osi catúr` jalé' uó' quiá'r- dsu' uí' e ca'ín' jnea` jogui uí' e ni'r' júu^ quiá'- jial laang` dsea` jee` jalé' dsee` quiá'r-, 30 jöba' i dsea` í' ni'im'bre fí' jmigüi la cien née'gui e jmiguiá' quiá'- jalé' e catúr` do, nañí' fa' gab` jmáng' dsea` ír; jogui mi~ nití' fí' jmigüi cóo', ni'im'bre e seein' cøong` cóo' Fidié' lata~ cajo. 31 Jo i liing~ dsea` i liing- e niin` eáang' fí' jmigüi la, jo dsu' í'bing' jii'~ capí' ja` ee` niing- mi~ nití' e í' jo. Jo dsu' i liing~ dsea` i liing- e ja` ee` niin` jii'~ capí' fí' jmigüi la, jo í'bing' i eáang'gui niliniing- mi~ nití' e í' jo.

Mi' catí' 'ni' ya' e cajíng'- Jesús e nijnga'- dsea` quiá'r-

(Mt. 20:17-19; Lc. 18:31-34)

32 Jo mi~ cangî jo, iuung- Jesús fí' e ngóor' fí' Jerusalén colíng~ cóo' dsea` quiá'r-, jo 'niab' Jesús ngóor' nifi' ie~ jo, jo caluu'gui lajo ngolíng- dsea` guitúung` quiá'r-, jo i dsea` la eám' dsigá` dsír'. Jo caluu' i dsea` guitúung` do ngolíng- dsea` quiá'r- caguiaang-gui, jo i dsea` la dseáng'- 'gó'bre. Jo Jesús ca'naam'bre calé' catú- cóo'~ i

dsea`guitúung` quiá'r- do jo casí'r- reiñ' do lajii~ e nidsijéé` cóo'r- jo lalab cajín'-:

33 —Jo lí^ laco' jii~ e la móo- 'nú^ jmi~ na, lana ningóo'naa' fí' Jerusalén, jo fí' fi~ job lí~ nijáng^ dsea`jnea~, dsea`cagá^-a fí' ñifí^- e lín'n jaang` dsea` jmigüi~, jo fí' jaguó` jaléng^ fi~ jmidsea` quiá'- dsea` góo`baa' cóo~gui fí' jaguó` jaléng^ tifa' quiá'- júu^ quiu' ta` qui~baa' lí~ nijáin^ jnea~ jo nicuó'r- jnea~ dsee- e dseáng'- 'né- nijúum~baa; jo nijáin^ jnea~ fí' jaguó` dsea` i ja lángr` dsea` góo'naa' dsea` Israel, 34 jo nilóøm~bre jnea~, jogui ni'ñiñ- jnea~, jogui nijmihuñiñ` jnea~ cartí' nijngám^-bre jnea~; dsu' mi~ nisúung- 'ni' jmi~ lajo, nijib'túu calé^ catú-.

Mi' camí' Tiáa~ cóo~ Juan cóo` jmi'ee^

(Mt. 20:20-28)

35 Jo mi~ cangí' jo, cangoquiéeng` Tiáa~ cóo~gui Juan fí' lí~ sing' Jesús, jo laji` huáaiñ'- do líiñ' jóo` jaang` dseañu^ i siñ' Zebedeo, jo lalab cajíng^- i dsea` do casí'r- Jesús:

—Tifa', iñ'naa' e nijmití'^ cóo` jmi'ee^ lajii~ e nimí'~naa' 'nu^.

36 Joba' cañii` dsea` do:

—¿E~ iing~na' e nijmicóo~'o 'nú'?

37 Joba' cañii` i dsea` gáng- do quiá'- Jesús:

—Cuóø~ jnea^ e nití~naa' fí' ñifí^- quií' mi~ niguiing~tu' fí' jo e ni'lié^naa' jaang` lí^ lí' dsée` jogui jaang` lí^ lí' tuung~.

38 Joba' cañii` Jesús quiáin'- do lala:

—'Nú^ jii~ ja` ñí'na' lajii~ e mi'na' na. ¿Su lángr~na' e nité'na' lajii~ e iihuí' e nijaquiéeng` quié^- e jogui e nité'na' e nijmeáng^ dsea` 'nú' ga' lí^ laco'gui nidsingñng- jnea~?

39 J_oba' cañíi` i dsea` gáng- do quiá'- Jesús lala:

—Lí'baa'.

J_oba' cajíng'-t_u Jesús casí'-reiñ':

—E jáb'- e 'nú' nimó^na' iihuí' cajo lí^ laco'gui nimoo~ jnea~, j_ogui e gab` nijmeáng' dsea` 'nú' lí^ laco'gui nijmeáng' dsea` jnea~; 40 j_o dsu' e nigüea` dsea` lí^ lí dsée' o_si lí^ lí tuung` é laco' guiin~n, ja` jnea~ catín~n fa' e nicuøø- e j_o, co' nigüea` fí' j_o jaléng' i dsea` i nisi'íing^ i niñíng` e j_o.

41 J_o mí~ tí' lí~ canúu- i dsea` quiá'- Jesús i guíng-gui do e cajmée` Tiáa~ cóo'~gui Juan laj_o, j_oba' eám' caliguiñ- quiáñ'- do. 42 J_o dsu' Jesús cató'-bre jaléng' i dsea` guitúung` do quiá'r- j_o casí'-reiñ' lala:

—Niñíb^ 'nú' guiá- e jee~ jaléng' dsea` i ja` cúing` Fidiée` seeng` jaléng' dseata~ i quiu' ta~ quiá'- jaléng' dsea`, j_o jaléng' i dsea` i quiu' ta~ do eám' sili'r' cóo'~ e ta~ líiñ' do. J_o laj_ob lí' cajo cóo'~ jaléng' dseata~ dsea` féng' i quie' nifí' quiá'- jaléng' dsea`, co' laguidseaam^ quiu'r' ta~ quiáñ'- do. 43 J_o dsu' ja` cuøøng` e nidsijée' laj_o jee~ 'nú', co' ii` i iing~ i nicá' nifí' jee~ 'nú', í'bing' i 'né- nijmé- ta~ jmícóo'~ quiá'- i caguaang-gui; 44 j_ogui ii` i iing~ i nijmé- e niing-guir jee~ 'nú', í'bing' i 'né- jmé- jalé' ta~ huí' jee~ jaléng' i caguaang-gui e ja` jmiféng' 'ñia'r'. 45 J_o laj_ob 'né- jmér-, co' laj_ob ta~ cagá- jnea~ cajo, jnea~ dsea` cagá- a fí' ñifí- e lín'n jaang` dsea` jmigüi'; co' jnea~ ja` cagá- a fa' e jmóo` dsea` ta~ fí' quini-, co' jnea~ cagá- a e laco' nijmicóo'~ o` jaléng' dsea` jmigüi` j_ogui e laco' nijáang' 'ñiá'a e nijúun~n e laco' nileáng` fíng` dsea` jmigüi` jee~ jalé' dsee- quiá'r-.

*Mi~ cajmi'leáang~ Jesús jaang` dsea` tiuung~ i sii`
Bartimeo*

(Mt. 20:29-34; Lc. 18:35-43)

⁴⁶ Jo mi~ cangî jo, caguié~ Jesús cóo~ dsea` quiá'r~ fi' Jericó. Jo lajee~ e uøøiñ` e fi' jee~ fiñ jo coliiing~ cóo~ dsea` quiá'r~ cóo~ gui i fíing'gui dsea` i jiéng` cajó, jo jaang` dsea` tiuung~ i sii` Bartimeo, jóo' jaang` dseañu` i sii` Timeo, guiiñ` 'ni' fi' e jmóor` ta~ mí cuu-. ⁴⁷ Jôba' mi~ tí li~ calilí^ i dsea` tiuung~ do e quiá'- ningóo' Jesús dsea` seeng` fi' Nazaret, jôba' canaaiñ` óo`bre jo fé'r` lala:

—¡Jesús, dsea` siju~ dseata~ Daví^, fiñ güilín^ jnea~!

⁴⁸ Jo i fíim' dsea` cajíiñ~ i dsea` tiuung~ do e laco' jo` nifé'guiiñ' do lado, jo dsu i dsea` tiuung~ do lí^ lí` teá'gui canaaiñ` ám^bre dsea` do jo café'tur lala:

—¡Jesús, dsea` siju~ dseata~ Daví^, fiñ güilín^ jnea~!

⁴⁹ Jôba' Jesús caquium'bre fi' iuuiñ~ jo cajíiñ'-:

—Jéeng`na're fi' la.

Jôba' catób'- jaléng` i dsea` i ngolíng~ cóo~ Jesús i dsea` tiuung~ do jo casí'-reiñ' do lala:

—Cuøø~ bí` uø' jo ráan^-, co' dob tó' Jesús 'nu`.

⁵⁰ Jôba' cab' caquiéer` e 'mi' jlíiñ` do, jo lico' ca'fím~bre jo caguié~ catí' quini~ Jesús. ⁵¹ Jôba' cajmingí'- Jesús i dsea` tiuung~ do lala:

—¿E~ iing~ 'nu` e nijmee~ e quí'-?

Jôba' cañí' i dsea` tiuung~ do quiá'- Jesús lala:

—Tífa', iin~n e nijmée^ e nilijné'^baa.

⁵² Jôba' cañí' Jesús quiá'- i dsea` tiuung~ do lala:

—Nicuøøm` guøn^` náng, co' nica'láam~ba' uí' e jáb'- calín^- júu^ quié~e.

Jò ladsifí lado calijné' i dsea` do, jò cango'leám`bre laco' ngóó' Jesús lajii' fí iuung` dsea` do.

11

Mi` ca'í` Jesús fí` jee` fi` Jerusalén

(Mt. 21:1-11; Lc. 19:28-40; Jn. 12 :12-19)

¹ Jò mi` cangf` jò, mi` tí li` niteáaiñ` quiá'` jee` fi` Jerusalén jò e fí` li` née' e fi` e sii` Betfagé cóo'`gui e fi` e sii` Betania, quiá'` fí` mó'` e sii` Olivos, jò fí` jò casíng` Jesús gáng` lajee` dsea` guitúung` quiá'r` ,
² jò lalab casí'r` i dsea` do:

—Güilíng`na' e fí` fi` pí`^ e née' quini` na, jò mi` nigütáang`na' fí` jee` fi`, nimáang`na' jaang` bú`^ iee` i sing'` 'ñúung` e jii'` jaang` dsea` ja` ii` mí` caguá' fí` mocóo`re'. Jò síng`na're' jò tee`na're' fí` la. ³ Jò song`ii` dsea` jín'` sí'r` 'nú'` jiali'` jmoo`na' lana, joba' sí'na're e ta` quiá'` Fí'baa', có'` 'neám`bre i jó'` la cateá`, jò mi` ningf` jò, nija-jeaam`ture' calé'` catú` fí` éé`^ quiáa`re'.

⁴ Joba' lajob` cajmée` i dsea` gáng` quiá'` Jesús do; cangolím`bre, jò mi` cangotáaiñ` fí` jee` fi`, cangáaiñ` jaang` bú`^ i sing'` 'ñúung` fí` jee` 'núú` cáang` o'nú` quiá'` cóo` 'núú', joba' casim`bre i bú`^ do lí`^ laco' ta` sinú`r`^ quiá'` Jesús.

⁵ Jò i líng` dsea` i cangá` mi` casing'` i dsea` do i bú`^ do cajíñ`-:

—¿E`gui` jmoo` 'nú', dsea`? ¿Jiali'` síng`na' i bú`^ na?

⁶ Joba' cañíi` i dsea` gáng` do jò casí`-reiñ' lajii'` júu` e nicasí'` Jesús ír` lami` jéeng`gui; joba' calí`-bre catór` i bú`^ do. ⁷ Jò cató`-bre i bú`^ do fí` lí` sing'` Jesús jò caguiar` sí'r`^ fí` mocóo` i bú`^ do,

jō mifñing` caguáb` Jesús. ⁸ Jō fñim` dsea` cani'r` si'r` lacuee` guiá'` fí, jōgui seem`bi dsea` caquiur` guo` 'ma` e jiu` jō caguiar` guiá'` fí cajo. ⁹ Jō jaléng` dsea` i` ngolíng` nifí` cóo``gui i` jaling` cøøng` canaiñ` óor` teá` jō fé'r` lala:

—iMajmifém`'baa' i` dsea` güeang`^ na i` jáa' fí` ñiff` cuaiñ` quiá'` Tiquí`ii' dsea` guing` fí` jō! ¹⁰ Co' nicatí`í` e nijáa` i` dsea` siju` quiá'` dsea` áang` qui`-ii' i` calisí` Daví`^ do i` si'íng` e niquiá'`- ta` quiá'` dsea` jmigüî. iMajmiféng`'naa' jōgui majmi`goo`-naa' Fidiée` dsea` guing` ñiff`!

¹¹ Jō mi` caguié` Jesús fí` jee` fñ` Jerusalén, cangór` fí` dsí` sináa` guá'` fé` quiá'` dsea` góor` dsea` Israel e si' fí` jō; jō cajóør` fí` la fí` na e fí` jō, jō mi` cangí` jō, cangó`-tur fí` Betania colíng` cóo`` i` dsea` guitúung` quiá'r` do, co' nica`lóob`- ie` jō.

Coo`'ma` güñí`^ e ja` dsi` güñí`^ quiá'`

(Mt. 21:18-19)

¹² Jō mi` cajneá` e jmiñ` jō, mi` tí` lí` ca'uøøiñ` fí` Betania, cadseá` jmi`laang` Jesús. ¹³ Jō lajee` e teáaiñ` fí`, huíim`-bi cangá` Jesús e gui` cóo` 'ma` güñí`^ e dsi` má`^; jōba' cangojóør`^ catí` quiá'`- su dsi` güñí`^ quiá'` e 'ma` do, dsu' ja` ee` cadsér` jii`~ cóo` mi` tí` lí` caguiér`, dseáng`- lajii`~ má`^ba' dsi~, co' o' jii` e dsi` güñí`^ ie` jō. ¹⁴ Jōba' café` Jesús quiá'` e 'ma` güñí`^ do lala:

—Jii`~ jaang` dsea` jō` nidó`-guir güñí`^ quií`-.

Jō canúub` dsea` guitúung` quiá'` Jesús e café'r` lajō.

Mi` ca'uøøng` Jesús jaléng` dsea` i` jmóo` ta` 'nñ` fí` dsí` guá'`

(Mt. 21:12-17; Lc. 19:45-48; Jn. 2:13-22)

15 Jo mi~ cangí e caguiling-tur fí Jerusalén, job mi~ ca'í-tu Jesús fí dsí' sinúu^ guá'- fé' quiá'- dsea góor` dsea` Israel, jo canaaín` uóøm`bre jaléng' dsea` i niteáng' ta~ 'nhi` jogui ta~ láa' e fí dsí' sinúu^ guá'- do, jogui canaaín` jím`bre jalé' mes~ quiá'- jaléng' i dsea` i neáng' ta~ jmifing~ cuu- quiá'- jaléng' dsea` jogui mes~ quiá'- jaléng' dsea` i neáng' ta~ 'núng` mee~ cajo. 16 Jo dseáng'- jo cacuø'r fí jii~ jaang` dsea` fa' e nidsica~gui dsea' fí dsí' sinúu^ guá'- jii~ coo` e 'nhr`. 17 Jo lalab canaaín` e'r jaléng' i dsea` do ie~ jo:

—Lalab fé' Fidiée' fí ni~ jì quiá'r-: “Fí dsí' sinúu^ quié` e la íng` ta~ e jmiféng' dsea` jnea` lí' lajaléng' dsea` i seeng` fí la'úng` fí jmigüi”;

dsu' 'nú'gui nicajmee`na' e 'núu' la lafa' too` lí` neáng' jaléng' iib`.

18 Jo jaléng' fii~ jmidsea` quiá'- jaléng' dsea` Israel cóo'~gui jaléng' tifa' quiá'- júu^ quiá' ta~ quiá'- dsea` Israel canúu`bre júu^ quiá'- Jesús, jogui canaaín` 'nó'r' jial nijngáin' dsea` do, co' 'góm`bre dsea` do, co' dseáng'- eám' dsi'gó' dsí' jaléng' dsea` quiá'- lajii~ e e' dsea` do. 19 Jo mi~ tí lí` ca'í- núu^, cagüi'ib' Jesús colíng~ cóo'~ dsea` quiá'r- e fí jee~ fii` jo.

Mi~ caliquiú` e 'ma` güiñí'^ do
(Mt. 21:20-22)

20 Jo mi~ cajneá- e jmii~ coo'gui do e la'ee', cangíng-tu Jesús cóo'~ dsea` quiá'r- fí lí' gui e 'ma` güiñí'^ do, joba' cangár- e nicaliquiú'ba' do catí' jmó^ quiá'- . 21 Jo job mi~ tí lí~ cadseng'- dsí' Tú' Simón, joba' casí'r- Jesús lala:

—Tifa', f̄ing na j̄oθ̄ e 'ma`güiñí'^ e café'e~ ga`uui~
 quiá'- lado guiée~: Nicaliquiúb` lana.

22 J̄oba' cañí' Jesús quiá'- Tá^ Simón:

—Já'- güilíng`na' laj̄í'~ júu^ quiá'- Fidiée~.

23 Dseáng'- e já'-ba' f̄í-í 'na' e doñí' ī i nijíng'-
 e nisí' e mó' la: “¡Jéeng'~ 'na' fí' na j̄o güiteáng' uø' fí' 'ni' jmiñí'^!” , j̄o song c̄oø'ba' í' dsír' jogui já'- líiñ`
 e laj̄í'~ e nicafé'r` do dseáng'- nilitib~, j̄oba' laj̄ob
 nilí jóng. 24 J̄oba' fá`guí e f̄í-í 'ná' e lajalé' e mi`
 'ná' lajee~ e f̄ong'na' Fidiée~, j̄o song já'- líng`na' e
 nica'ím'ba' e j̄o, j̄oba' laj̄ob nilí jóng. 25 Jogui mi`
 f̄ong'na' Fidiée~ cajo, song ja`guiá- seeng`na' c̄oø'~
 i líng~ dsea`rúng`na', íng`na' dsee- uui~ quiá'-
 i dsea` í, j̄o laj̄oba' Tiquí'na' dsea` guing~ ñifí-
 ni'ím-bre dsee- quí'na' cajo. 26 Jogui song 'ná'
 ja` íng`na' dsee- quiá'- dsea`rúng`na', j̄oba' laj̄ob
 nijmé- Tiquí'na' dsea` guing~ ñifí- c̄oø'~ 'ná' cajo,
 ja` ni'íiñ- dsee- quí'na'.

*¿ quiá' ta` Jesús e jmóor` jalé' e jmóor`
 (Mt. 21:23-27; Lc. 20:1-8)*

27 J̄o mi~ cangí'gui laj̄o, caquim'- tur fí' Jerusalén.
 J̄o lajee~ e ngí' Jesús fí' sinúu^ guá'- fé', j̄o can-
 goquiéeng' fí' lí~ siñ' jaléng' fii~ jmidsea` quiá'-
 dsea` góor` dsea` Israel c̄oø'~gui jaléng' tifa' quiá'-
 júu^ quiá' ta~ quiá'r- c̄oø'~gui jaléng' dsea` c̄oøng'
 quiá'r- cajo, 28 j̄o lalab cajmingí'r- dsea` do:

—¿ ī quiá' ta` quí' e jmoo' jalé' e na? ¿ ī i
 cacuø' 'na' fí' e cuøøng` jme'^ jalé' e na?

29 J̄o lalab cañí' Jesús quiá'- i dsea` do:

—J̄o jnea~ iim~baa jmee~ e camí'^ júu^ c̄oø'~ 'ná'
 cajo, j̄o e laba' iin~n jmingí'~i 'ná': 30 ¿ ī caquiá'
 ta` quiá'- Juan i caseáng` dsea` jmí' do? ¿ Su Fidiée~

osi dsea` jmigüíb` é? Jo song nilí`na' ninghi`na' quié`e lana, joba' jnea` nifí`i 'nú` i` i` quiá' ta` quié`e e jmóo`o jalé` e na.

³¹ Jo lí` canaang` i` dsea` do síiñ` lajee` la'ó` yaam`bre jo sí` rúñ` lala:

—Song nifé`^naa' e Fidiéeb` casí` quiá'r-, joba' lalab niñír- qui`naa': “¿Jialí' ja` já'- calng`na' lajii` júu` quiá'- i` dsea` í?” ³² ¿Osi nisíi`~bí're é e dsea` jmigüí`bing' caquiá' ta` quiá'r- e jmóor` lajo?

Jo co' 'góm`bre jaléng` dsea`, dsaco' lajalém` dsea` já'- líiñ` e i` Juan do dseáng`- já'-ba' e fé'r cuaiñ` quiá'- Fidiéé`, ³³ joba' lalab cañí` i` dsea` do quiá'- Jesús:

—Ja` ne`naa' jii` coo`.

Joba' cañí` Jesús quiáíñ'- do:

—O'gui jnea` cuóøng` lí` fí`i 'nú` i` i` quiá' ta` quié`e e jmóo`o jalé` e la.

12

Coo` júu` já'- lafa' júu` cuento quiá'- dsea` 'léeng` i` soo` dsí`

(Mt. 21:33-46; Lc. 20:9-19)

¹ Jo lajee` e táam`bi Jesús fí' Jerusalén, jo canaiñ` féiñ` jaléng` dsea` cóo`- jalé` júu` já'- e lí' lafa' júu` cuento jo lalab casí`-reiñ' do:

—Coo` née` caliséng` jaang` dseañu` malii`gui i` cajni` jmang`- huñg` jó`^ fí` ni` guóo`- uó`- quiá'r-; jo cajme'r' coo` iá, jogui cajme'r' coo` fí` lí` niniúung- e nicuó`- jmí`^ e mí`^ huñg` jó`^ do, jogui cajme'bír coo` lí` nigüear` e quiá'- nijmér- í`. Jo mi` cangí jo, cacuø'r' dsea` i` cajmée` ta` e uó`- quiá'r- do, jo cagüi`h`bre 'ñia'r' cangór- fí` lí` huí`.

2-3 Jo mi~ tí lí catí í' e nisítíng', cō' nicaroor' lajii' e cajnr' do, joba' casíng' i dsea' fi~ uó- do jaang' dsea' 'léeng' quiá'r- e nidsimíiñ' lajii' e catíng' i dsea' do quiá'- jalé' e caroo' e ni~ guóo' uó- quiá'r- do. Jo mi~ tí lí caguié- i dsea' 'léeng' do quiá'r-, i dsea' i jmáng' ta~ uó- do cajmihu#m bre i dsea' 'léeng' do, jo caguiém'tureiñ' e ja' quieeiñ' do jii' cōo'. 4 Jo mi~ casíng' i dsea' fi~ uó- do jaang'gui dsea' 'léeng' quiá'r- e quiá'- nidsimíiñ' do lajii' e catíiñ-, dsu' cuub~ catéé- i dsea' jmóo' ta~ uó- do mogui' í cajo, jo júu^ 'léb' casí'-reiñ' do. 5 Jo mi~ cangí í, i dsea' fi~ uó- do casíiñ' jiéng'gui jaang' dsea' 'léeng' quiá'r-. Jo mi~ tí lí caguié- í, cajúm-bre, cō' cajngab' i dsea' jmáng' ta~ uó- do quiá'r-. Jo mi~ cangígui lajo, i dsea' fi~ uó- do i fíim'bi dsea' 'léeng' quiá'r- casíiñ'; jo i líng' lí' calihu#m bre, jogui i líng' dseáng'- cajngab' i dsea' do quiá'r-.

6 Jo cōob' mi~ jaang' jób' i dsea' fi~ uó- do seáng-gui, jo íb' i dseáng'- i 'neáaiñ' eáng'. Jo ca'í dsíir' e i jóor' dob nisíiñ-, cō' líiñ- e i jóor' doguibing' i nijmi'gó' jaléng' i dsea' do. 7 Dsu' i dsea' jmáng' ta~ uó- do casíiñ- lajee' yaaiñ~: "Í jóor' nab i nine'^ ni~ latøøng- e guóo' uó- na; joba' guiá-gui e nijngáam'baa're, jo lajoba' jneaa' aab' dsea' nilí'naa' e guóo' uó- la." 8 Joba' casam'-bre i jóo' i dsea' fi~ uó- do, jo cajngam'breiñ' do, jo cangojéeng'neiñ' do fí' lí' caluub' e guóo' uó- quiáiñ'- do.

9 Jo mi~ cangí e fé' Jesús e júu^ jo, jo cajmingí'r- jaléng' i dsea' do lala:

—¿E~ líng- 'nú' e nijmé- i dsea' fi~ guóo' uó- do?

E jáb' nidsé-bre jo nidsijngáam' bre jaléng' i dsea` jmóo` ta~ uó- quiá'r- do, jo i jiém' nitáin' i nijmé- ta~ e fí ni~ guóo' uó- quiá'r- do.

Joba' cajíng'-gui Jesús lala:

¹⁰ —¿Su ja` mí ca'í 'nú' lajii' e toq~ fí ni~ jì quiá'- Fidiéé` lí fé' lala?:

E cuu~ e ja` calijii' jaléng' dsea` jmo' 'núu', lanaguí dseáng'- cuu~ laniim- nica'uíng- quiá'- 'núu'.

¹¹ Jo `ñiab' Fí'naa' dsea` cajmée` e la, joba' dseáng'- eáam' dsigá' dsí'naa'. Jo lanab toq~ fí ni~ jì quiá'- Fidiéé`.

¹² Jo job mi~ cajmée` quijí- jaléng' fii~ jmid-sea` quiá'- dsea` Israel jogui jaléng' tifa' quiá'r- cóo' gui jaléng' dsea` cóong' quiá'r- jial e nisáin' dsea` do, co' calilí' bre e caféin' do e éein' jaléng' íb'. Jo dsuco' 'góm' bir jaléng' dsea` i núu` júu` quiá'- dsea` do, joba' catiúum- bre dsea` do jo can-golím bre jóng.

Mi~ cajming'- dsea` Jesús cuaiñ~ quiá'- e catíng- dseata`

(Mt. 22:15-22; Lc. 20:20-26)

¹³ Jo mi~ cangígui lajo, i dsea` i quie' nifí quiá'- dsea` Israel casiñ' fí lí táang` Jesús coo` tú- máng' dsea` fariseo cóo' gui coo` tú- máng' dsea` quiá'- Herodes e laco' ni'nóin' do jial nisí'r` Jesús e laco' niguié'r` jial ni'núin' dsea` do fí quini` dseata`. ¹⁴ Jo mi~ caguilíin' fí lí sing' dsea` do lalab casí'- rein':

—Tifa', ne`naa' e jmang'- júu` já'-ba' fón' 'nú, jogui e ja` 'gón' cóo' jalé' e í dsí' dsea` jogui jalé' e fé'r` uí' quií', jogui dseáng'- e já'-ba' e røøb' í 'nú í' quiá'- jaléng' dsea`, co' ja` jøø- 'nú jí' jialco' líng' dsea` lí' caluu', jogui e' jial e niliseeng' dsea`

dseáng'⁻ laco' iing~ Fidiée˘. Joba' jmingí'⁻naa' 'na' e júu^ la: ¿Su 'né⁻ quí^naa' cuu⁻ e catíng⁻ dseata~ i guing~ fí' Roma osi ja 'né⁻ quí^naa' é?

15 Jo co' calilí^ Jesús lajii~ e iing~ i dsea` do jmicaaiñ~, joba' casí'r⁻ dsea` do lala:

—¿Jialí' 'nó'na' e iing~na' niguié'na' jial e ni'níng~na' jnea~ fí' quini˘ dseata~? Fing na cuóø'⁻na' jnea~ coo` cuu⁻ jo nijóø^ø.

16 Joba' ca'e'bi i dsea` do coo` cuu⁻, jo cajóøb⁻ Jesús, jo mi~ cangí' jo cajmingí'r⁻ jaléng' i dsea` do lala:

—¿I~ moni~ tóo` e ni~ cuu⁻ la?, jogui ¿e~ júu^ e silí' fí' ni~ la?

Joba' cañí' i dsea` do lala quiá'⁻ Jesús:

—Ni~ dseata~ dsea` guing~ fí' Romab tóo`.

17 Joba' cañí'tu Jesús quiá'⁻ jaléng' i dsea` do:

—Cuóø'⁻na' dseata~ dsea` guing~ fí' Roma lajii~ e catíng⁻ í, jogui cuóø'⁻na' Fidiée˘ cajo lajii~ e catíng⁻ Fidiée˘.

Jo eám' cangogá` dsí' jaléng' i dsea` do mi~ canúur⁻ lajii~ e júu^ e cañí' Jesús do.

Mi~ cajmingí' dsea` jial lí' mi~ nijí'tu dsea` calé' catú⁻

(Mt. 22:23-33; Lc. 20:27-40)

18 Jo mi~ cangí'gui lajo, cangolíng^ coo` tú⁻ míng' dsea` Israel i líng' dsea` saduceo fí' lí' táang' Jesús. Jo i dsea` do fé'r' e jo jí'tu jaléng' 'lí'~, joba' e job e iin~ nijmingí'r⁻ Jesús jo casí'r⁻ dsea` do lala:

19 —Tifa', Moi~ caséer' e too~ fí' ni~ jì quiá'r⁻ e song cajúng⁻ jaang` dseañu', jo caseáaiñ' dseamí quiá'r⁻ e ja` mí seeng` jóor', joba' rúng' i dseañu' do 'né⁻ nicúng'⁻ guór` cóo' i dseamí 'nñ⁻ i caseáng⁻

do; jo mi~ caliseeng` jór' cóo~ í, joba' lafa' jóob' i dseañu' quiá'r- mi~ uii~ do nilíng- i jiuung~ do. 20 Jo lafa' e já'-, coo` ya' caliséng` guiáng- dseañu' i la'ó` rúng', jo i dseañu' la'uii~ do cacúm' guóor, dsu' jo` huøø- ngó- cajúm-bre la ja` mí seem`bi jór'. 21 Joba' i dseañu' i catí tú- do cacúm' guóor cóo~ i dseamí 'nái- do, jo lajob cajo cajúm-bre jo jíi~ camíng'~ jór' ja` mí lí sém`bi; jo lajob calí- cóo~ i dseañu' i catí 'ní do cajo. 22 Jo lajob laji` guiám- i dseañu' do cacúng'- guóor cóo~ i dseamí do, dsu' jíi~ jaaiñ' do fa' caliséng` jiuung~ quiá'r-. Jo mi~ lí cóng`guijiu lajo, cajúm- i dseamí do 'ña'r cajo. 23 Joba' mi~ tí lí~ nijí'tu jaléng' i dseá do calé' catú- fí fi` coo, ¿i~ lajee` laji` guiáng- i dseañu' do ni'uíng- dseáng'- dseañu' quiá'- i dseamí do?

24 Joba' cañí` Jesús quiáin'- do lala:

—Sijgiém` áa' 'nú', dsuco' ja` ní`na' jial laco' fé' fí ni` jì quiá'- Fidiéé, o'gui ní`na' jial tí' 'gøng' dseá do cajo. 25 Dsuco' mi~ nijí'tu jaléng' 'lii~ fí jmigüi coo, jo` nicúng' gui guoo` dseañu' o'gui dseamí-, lí' laco' dsingíng- jaléng' ángeles quiá'- Fidiéé i seeng` fí nífi-. 26 Jogui e cuaiñ~ quiá'- e fíng jí'tu jaléng' 'lii~ do, ¿su ja` mí ca'í 'nú' jalé' e too~ fí ni~ jì quiá'- Moi jial mi~ caféng' Fidiéé` ír` catí lí` sí' coo` 'matóo` e ia` jì? Jo lalab casí'-reiñ' do ie~ jo: “Jneab~ lín`n Fidiéé` i jmiféng' Abraham cóo' gui Isáa' jogui Jacóo` cajo.” 27 Jo Fidiéé` ja` líiñ Fidiéé` quiá'- jaléng' 'lii~, co' Fidiéé` quiá'- dseá jíb' líiñ; joba' sijgiém` jalé' e í óo' 'nú'.

*E lab e júu` laniing-gui quiá'- Fidiéé`
(Mt. 22:34-40)*

28 Jo lajee˘ jo caguié˘gui jaang˘ lajee˘ la'ó˘ tifa' quiá˘- júu˘ quiú˘ ta˘ quiá˘- dsea˘ Israel, jo mi˘ calilí˘r˘ e cañiíb˘ Jesús røø˘ lajúi˘ e júu˘ do, joba' i˘ dsea˘ í˘ cangoquiéeiñ˘ cáang˘ Jesús jo cajmingí˘r˘ dsea˘ do lala:

—¿E˘ e júu˘ laniing˘gui lajee˘ lajalé˘ e júu˘ quiá˘- Fidiéé˘?

29 Joba' cañií˘ Jesús quiáiñ˘- do:

—E lab e júu˘ e laniing˘gui do quiá˘- lajee˘ lajalé˘ e júu˘ jo, jo lalab fé˘: “Núu˘-na' dsea˘ Israel e Fii˘naa' Fidiéé˘ júi˘ íb˘ dseáng˘- i˘ líng˘ Fii˘naa'.

30 Jmi'neáng˘ Fíi˘ Fidiéé˘ car˘ ngocáng˘ o˘ jogui cóo˘˘ laji˘ jmi'guí˘ quií˘- jogui cóo˘˘ laji˘ e í˘ a˘ jogui cóo˘˘ laji˘ bí˘ seen˘.” Jogui e nab e júu˘ laniing˘ do. 31 Jogui e lab e júu˘ laniing˘ e catí˘ tú˘ do: “Jmi'neáng˘ jaléng˘ dsea˘ rún˘ lı˘ lacogui jmi'neáan˘ uø˘.” Jo e nab e júu˘ quiá˘- Fidiéé˘ e laniing˘gui eáng˘ do lajee˘ lajalé˘.

32 Joba' lalab cañií˘ i˘ tifa˘ do jo cajíñ˘-:

—Eáam˘ guiú˘- lajo, Tifa˘, dseáng˘- jáb˘- júu˘ quií˘- e já˘ba˘ e jaam˘ Fidiéé˘ seeng˘, jo ja˘ seeng˘ i˘ jíéng˘gui. 33 Jogui e jáb˘- e 'né˘- e nijmi'neáng˘naa' Fidiéé˘ dseáng˘- e ngocáng˘ dsi˘naa' jogui cóo˘˘ laji˘ e í˘ dsi˘naa' jogui cóo˘˘ laji˘ bí˘ see˘naa˘, jogui e jmi'neáng˘naa' jaléng˘ dsea˘ rú˘naa' lacogui ií˘naa˘ e nijmi'neáng˘ dsea˘ jneaa˘aa˘, jo lajalé˘ e la eáng˘gui quíing˘ lacogui lajalé˘ feá˘- e cuøø˘naa˘ Fidiéé˘, fa˘ la mi˘ jngang˘naa˘ jó˘ fı˘ quinir˘ òsi mi˘ ee˘go e ju˘naa˘ fı˘ nife˘ é.

34 Jo mi˘ calilí˘- Jesús e guiúb˘ cañií˘ i˘ dsea˘ do, joba' casí˘-reiñ˘ do lala:

—Na jaquíéem˘ e tí˘ lí˘ nicá˘ Fidiéé˘ nifi˘ quií˘-.

Jō mi~ cangġ jō, jġi~ jaang`gui ĩ dsea` do fa` catea`gui dsġr' ee` nijmingġ' guġr Jesšs.

Ī dsea` sġu~ lġng` Dsea` Jmġang`

(Mt. 22:41-46; Lc. 20:41-44)

³⁵ Jō lajee~ e iuung~ Jesšs fi' guġa'~ fġ' quiġa'~ dsea` gōor` e si' fi' Jerusalġn e e'r' dsea` jšu^ quiġa'~ Fidiġe~, jō lalab cajmingġ'r~ jalġng' ĩ dsea` ĩ teġang'~ do:

—Ķjal lġ' quiġa'~ ĩ tifa' quiġa'~ jšu^ quiġa' ta~ qui~ii', dsea` Israel, e fġ'r` e Dsea` Jmġang~ lġiġ' sġu~ dseata~ Davġ'? ³⁶ Cō' 'ñiab' dseata~ Davġ'^ cajġġ'~ la'eġang' cōo'~ Jmġguġ quiġa'~ Fidiġe~ lala:

Lalab cajġng'~ Fidiġe~ casġ'r~ Fġi':

“Nġ lġ' lġ' dsġe' laco' guġin~n

cartġ nijmee~ e e jalġng' dsea` ĩ 'nġ' nġng~ 'nš
nisġ'r` uō~ jnir~ fi' quġni'^ e laco' nijmġ'gōr`
'nš.”

³⁷ Jō cajġng'~ guġ Jesšs e jšu^ la:

—Jō song 'ñia'bi dseata~ Davġ'^ sġ'r` Dsea` Jmġang~ Fġi', jōba' Ķjal cuōng' e Dsea` Jmġang~ lġiġ' dsea` sġu~ dseata~ Davġ'^ jōng?

Jō lajalġng' ĩ dsea` fġng' ĩ teġang~ nšu` do eġam' iġang' dsġr' e nšur` jalġ' jšu^ e fġ' Jesšs.

Jalġ' e ga` e jmōo` jalġng' tifa' quiġa'~ jšu^ quiġa' ta~ quiġa'~ dsea` Israel

(Mt. 23:1-36; Lc. 11:37-54; 20:45-47)

³⁸ Jō mi~ cangġ jō, lalab cafġ' Jesšs jeeng~ jšu^ quiġa'r~ e er' do:

—Nġng~ oō'na' cōo'~ jalġng' tifa' quiġa'~ jšu^ quiġa' ta~ qui~ii', dsea` Israel, cō' lġ'^ tġ dsġr' e ngġr' e jlo'^ silġm~bre, joguġ eġang' iġġ~ ġġ~ nijmġ'gō' ġr' lacaang' jee~ 'nšu' lġ' ngġr', ³⁹ joguġ iġġ~ gšeġr` nġ' 'masġġ' e jlo'^guġ fi' lacaang' dsġġ' guġa'~ quiġa'r~, joguġ iġġ~

e nigüear` cajo dseáng'⁻ la jmang'⁻ li` jlo'⁻gui fing catí e nidó'r⁻, ⁴⁰ jogui gui'bre 'n#̄ jaléng'⁻ dseamí i 'n#̄, jogui jmicaaiñ` e fé'r` fa' e cuee` fí quini` dsea`. Ds#̄ jaléng'⁻ i dsea` la'ib` ni'íng'⁻ iihuí' e eáang'gui mi` nití` í' lajɔ.

Jaang`dseamí`n#̄ i catá'⁻ cuu` fí dsí' guóo' quía'⁻ guá'⁻

(Lc. 21:1-4)

⁴¹ Jo mi` cangí jo, coo` ya' guing` Jesús fí ca' guóo' li` ta' dsea` cuu` quía'⁻ guá'⁻ e si' fí Jerusalén, jo jóør` jial dsitea'⁻ dsea` cuu` fí jo. Jo lajee` jo jaléng'⁻ dsea` sea` cuu` eáam' dsitea'r` cuu` fí jo. ⁴² Jo coo` caguiéb` jaang` dseamí i 'n#̄ i tiñíng` eáang', jo catá'r⁻ e fí dsí' guóo' do tú` cuu` e ja` ee` 'ga' lí quíng'. ⁴³ Joba' cató'⁻ Jesús i dsea` guitúung` quía'r⁻ do jo casí'⁻ reiñ' do lala:

—Dseáng'⁻ e já' e fí`i 'nú' e i dseamí 'n#̄ la nicató'r` jmigui#̄gui cuu` e fí dsí' guóo' quía'⁻ guá'⁻ la laco'gui dsea` caguaang`gui; ⁴⁴ co' jaléng'⁻ dsea` sea` cuu` cuør` lajii'⁻ e seáang` quía'⁻ bre; ds#̄ i dseamí 'n#̄ la lajib` lajii'⁻ e sea` quía'r⁻ e 'nér` nicatá'r⁻ e fí dsí' guóo' la.

13

Mi` cajíng'⁻ Jesús e ni'íng` guá'⁻ fé' e si' fí Jerusalén

(Mt. 24:1-2; Lc. 21:5-6)

¹ Jo lajee` ni'iuung` Jesús fí e güi'ír' fí dsí' guá'⁻ fé' quía'⁻ dsea` góor` dsea` Israel e si' fí Jerusalén, jo jaang` lajee` dsea` guitúung` quía'r⁻ casí'r⁻ dsea` do lala:

—i Tifa', fíng na jóø̄ jalé' cuū cóo' e niguoa' e silí' e guá' la!

² Jo cañí' Jesús quiá' i dsea' quiá'r do:

—Jóø̄ jial jlo' cóo' e silí' e guá' na. Dsu' latøønḡ e guá' na jí' cōo' cuū jo' e nijé' gui sífíng' quiá' rúng', cō' dseáng' lajib' ni' ínḡ mĩ' nití' í' lajo.

Jial nilí' mĩ' nijaquíéng' e tí' lí' ni' ínḡ jmigüí'
(Mt. 24:3-28; Lc. 21:7-24; 17:22-24)

³ Jo mĩ' cangf̄ jo, cangób' Jesús cóo' dsea' guitúung' quiá'r' fí' yú' mó' e sii' Olivos e si' fí' lí' quini' laco' si' e guá' do. Jo lajee' e taang' Jesús e fí' yú' mó' do, jo job mĩ' cangoquíéng' Tú' Simón cóo' gui Tiáa' jogui Juan cóo' Df' fí' lí' guíng' dsea' do, jo casí' reñ' lala cōo' yaaiñ':

⁴ —Ii' naa' e jmée' jnea' júu', Tifa', lí' e nidsijée' jalé' e fó' 'na' na. Jo ¿e' e nicuø' lí' quiá' e jo huøø̄ rōo' jmigüí' jogui e nijaquíéng' e tí' lí' nidsijée' jalé' e jo?

⁵ Joba' cañí' Jesús quiá'ñ' do lala:

—Ñiing' áa'na' e jí' jaang' ja' i' nijmigóøng' 'ná'.

⁶ Dsaco' fíim'bing' i nijalíng' i jmigóo' e jí' e íbre líiñ' Dsea' Jmaang' jo nífé'r: “Jneab' i dsea' í”; jo fíim' dsea' niligøøiñ' jo jáb' niliñ' e júu' e o' já' do mĩ' niguiée' e jmĩ' jo.

⁷ Jo mĩ' ninúu' 'ná' júu' quiá' e ninée' 'nii' fí' la fí' na, ja' føøng' na' jóng, cō' lajob nisi' í' quiá' Fidiée' e nidsijée'; dsu' lí' uim' bi' jóng ja' mĩ' tí' lí' íim' bi'. ⁸ Dsaco' mĩ' nú' gui e ni' ínḡ jmigüí', eáam' nitínḡ dsea' lajee' la'ó' rúíñ'; cō' nitínḡ cōo' fí' cóo' jíé' gui cōo' fí', jogui lajobi cōo' gōo' dsea' cóo' jíé' gui cōo' gōo' dsea'; jogui jmiguiab' lí' nijó' uø' e

eáang', jogui jmiguiab' lí~ nijáa' jii' oo~ cajo. Jo dsu' lí' uim~ bi jóng mi~ tí lí~ nidsijée' jalé' e iihuí' na.

⁹ 'Dsu' eáang' 'né~ ñiing~ áa' 'nú' mi~ nití' í' lajo, co' nijáng' dsea' 'nú' fí' quini' dseata~, jogui nijmihuúíñ' 'nú' fí' lacaang' dsí' sinúú' guá'. Jo uii' e já' líng'na' júú' quíe~e, joba' nidsi-jeáaiñ' 'nú' fí' lacaang' quini' dseata~ dsea' còøng' còo' guí' fí' quini' jaléng' dsea' féng'. Jo mi~ nijmér~ lajo, joba' cuòøng' e niguiá' 'nú' júú' quíe~e fí' quini' jaléng' i dseata~ do. ¹⁰ Dsüco' ná' guí' e tí lí~ ni' líng' jmiüü', dseáng' 'néb' e nini' júú' quíe~e jee~ jaléng' dsea' fí' la'úng' fí' jmiüü' e quíá' jial nileáng' dsea' jee~ jalé' dsee~ quíá'r'. ¹¹ Jo mi~ tí lí~ nitóør' 'nú' fí' quini' dseata~ e nijáiñ' 'nú', jo ja' jmee~na' fí' í' fa' ja' ñí'na' ee' ningü~na' quíá'r', co' dseáng' ja' 'né' í' áa'na' lajo, dsüco' Fidiéeb' dsea' nijmicóo' quí'na' e ningü~na' quíá'r' mi~ nití' í' lajo; dsüco' o' dseáng' 'nú' i nifé' mi~ nití' í' lajo, co' 'ñiab' Jmiguí' quíá' Fidié' nifé', jo eám' nijmicóo' 'nú' jóng. ¹² Dsüco' mi~ nití' í' lajo, jaléng' dsea' ni' lé~bre quíá' rúíñ' e nijáng' neiñ' quíá' e nijúuiñ~, jogui lajo cajo jaléng' tiquíá' dsea' nijám'bre jaléng' jóor' e nijúuiñ~; jogui jaléng' jóo' dsea' nitíng' nijíñ' còo' jaléng' sejmiir' jo cartí' nijngám'breiñ'. ¹³ Jogui jaléng' dsea' jmiüü' nilí' 'ní' nííñ' 'nú' uí' e já' líng'na' júú' quíe~e; jo dsu' ii' i teáang' teá' còo' júú' quíe~e carta~ seeiñ' fí' jmiüü' la, joba' nileám'bre jee~ jalé' dsee~ quíá'r'.

¹⁴ Jo 'nú', mi~ nimó'na' coo' e ga' eáang' e nijmé' dsea' fí' dsí' guá' fé' e si' fí' Jerusalén fí' lí' lí' e guá' güeang' quíá' Fidié' lí' laco' cajme' jaang'

i café' cuaiñ~ quía'~ Fidiéé' malii~ gui eáang' i calisí' Daniel —güingáng'na' e júu^ la, 'nú', dsea` ìna' e la—, jò mi~ nití~ e í~ jò, jaléng' dsea` i neáang' fí lí~ se' Judea güicuúí^bre fí jee~ mó'. 15 Jogui song ií dsea` dsíiñ~ fí yá'^ 'núu' mi~ nití~ e í~ jò, ja` güijgiáaiñ` fa' e nidsi'uóø'r~ jalé' e sea` quía'r~, co' 'né~ cuí~bre; 16 jogui song ií dsea` taang~ jmoo` ta~ fí jee~ mó', jòba' ja` güí'í^ dsír' fa' e niqing'~ guir fí quía'r~ e fa' e nidsiquiéer` jalé' si'r^ . 17 iLí^ e ngí~ fíi^ jaléng' dseamí i jòbi quiéeng` yuu` mi~ tí lí~ jò osi dseamí i jòbi cuø' yuu` tá' é! 18 Jò nab tí'gui e mii~na' Fidiéé' e ja` dsijéé' jalé' e la dseáng'~ lajee' jii` güí~, 19 dsuco' ie~ jò dseáng'~ eáam' iihuí' ni'ing' jaléng' dsea` e ja` mí' cangongíiñ~ jii'~ coo` ya' latí mi~ catiroo` jmi'güí, o'gui nidsingíiñ~ mi~ ningí jò. 20 Jò faco' Fí'naa' nijmi'íiñ~ eáang' e nidsijéé' jalé' e jò, jòba' jii'~ jaang' jò ií nileáng' jóng faco' lajò; dsu' nicajmitiíiñ~ jalé' e jò uí'~ e 'neáaiñ` jaléng' dsea` quía'~bre i nicaguíñ' lami~ jéeng'gui.

21 'Jò ie~ jò, song ií dsea` nijmi'gøøng` 'nú' jò nisí'r` 'nú' lala: “I lab i dsea` i sijeeng`na' do”, osi “Dob siñ'” é, dsu' ja` já'~ güilíng`na' jii'~ coo`, co' o' já'~ e lajò. 22 Co' fíim'bing' nijalíng~ i nijmi'góo` e nijmicaiiñ~ e líiñ` Dsea` Jmáang~, osi nijmi'góor` e líiñ` dsea` i fé' cuaiñ~ quía'~ Fidiéé' é; jò ni-jmé~bre jalé' lí~ e quí'r~ jmi~ e dsigá' dsí' dsea` e lí^ laco' iíñ~ e niligøøng` dsea`, jò dseáam'~ e niligøøng` la quie'gui i dsea` i nicaguíng' Fidiéé' i nilíng' dsea` quía'r~. 23 Jò lana fíi~i 'nú', 'né~ e eáam' siñiing` óó'na', co' nicaliúum'~baa 'nú' e júu^ la lami~ jéeng'gui.

Jial mi~ nijáa'tu i dsea` i jáa' fí ñifi~ i lãng' dsea`

jmigüü

(Mt. 24:29-35,42-44; Lc. 21:25-36)

24 'Jo mi~ nití~ e jmi~ jo, mi~ nisóong~ jalé~ e iihuá~ e nijáá do, jo jo` nicuó~gui iee~ jir~, o'gui si~ nicuó~guir jir~ cajo. 25 Jogu~ nijíúm~ jaléng~ núú~ i sitóng~ fí yá~^ jmigüü, jogui niguiá~ fí yá~^ jmigüü. 26 Jo joguib mi~ nití~ í~ e nigáá~tú jnea~ fí jmigüü la, dsea` lín~n jaang` dsea` jmigüü i jáá fí ñifí~, jo nigáá~a fí jee~ cabøø~ jní~ cóo~^gui jalé~ e 'gøng~' jogui e ji~ laniing~ güea~^ ji~ niguo~^ quiá~ Fidiée~. 27 Jo job mi~ nití~ í~ e nisíng~ Fidiée~ jaléng~ ángeles quiá~r~; jo i ángeles do niseáiñ~ jaléng~ dsea` i nicaguíng~ Fidiée~ lamí~ jéeng~gui fí lajì quiúung~^ jmigüü, catí~ lí~ huí~gui quiá~ guóo~^ uó~ jogui catí~ lí~ huí~gui quiá~ yá~^ jmigüü cajo.

28 'Jo téé~ óóna~ la'eáang~ cóo~^ e júu~ quiá~^ 'ma~ güíñí~: Mi~ nidsi~ guo~^ e sí~ quiá~^, jogui ni'íá~ má~^ e sí~ quiá~^ cajo, joba~ niñí~^ 'nú~^ e quiáb~^ nijaquíéeng~ jii~ jmi~ jóng. 29 Jo lajob lí~ cóo~^ e júu~ la; co~ mi~ nimóo~^ 'nú~^ e nidsijéé~ jalé~ e jo, joba~ nicuó~ lí~ jóng e quiáb~^ nigáá~a, jnea~ dsea` lín~n dsea` jmigüü i jáá fí ñifí~. 30 Co~ dseáng~^ já~ba~ fá~a e dseáng~^ 'né~ e nidsijéeb~ jalé~ e jo nú~gui e nijúung~ jaléng~^ dsea` i seeng~ lajee~ lana. 31 Co~ ni'ím~ fí la'úng~ jmigüü jogui lajobi la'úng~ fí yá~^ jmigüü cajo, dsu~ ja` tóo~ jmi~ fa~ e ja` niliti~ jalé~ júu~ quié~e.

32 'Jo dsu~ jii~^ jaang` dsea` ja` ii~ ñí~ e júu~ jo jéeng~gui cuaiñ~ quiá~^ e~ jmi~ jogui e~ í~ e nidsijéé~ jalé~ e jo, jo ji~gui latí~ jaléng~^ ángeles quiá~^ Fidiée~ ja` ñir~ e jo, o'gui jnea~ cajo, dsea` lín~n i Joo~ Fidiée~ camíng~^ do, ja` ñii~, co~ dseáng~^ lajii~^ Tiquí~ii~

Fidiéé` dsea` guing~ ñiff`bing' ñí' e jo.

³³ 'Joba' fñi`i 'nú' e dseáng`- 'né` e ñiing` óó'na' contøøm` e sijeeng`na' jalé' e jo, jogui féeng`na' Fidiéé`, co'ja' ñí'na' røø`li` dseáng`- e nidsijéé' jalé' e jo. ³⁴ Co' e la lí' lafa' jaang` dsea` i ni'í' fí' dsé` fí' lí' huíi`, jo lajee` e nú`-gui nigüi'fñi' fí' quiá'r~, jo caseáaiñ` dsea` 'léeng` quiá'r~, jo cacuø'r` ta` lajaang` lajaañ` do, jogui caseáaiñ` jaang` dsea` i jmóo` í` jaléng` i dsea` jmóo` ta` do. ³⁵ Joba' lalab cajíng`- i dsea` i néé' ni` dsea` 'léeng` do casí'r` jaléng` i dsea` jmóo` ta` do: Jmiñiing` óó' 'nú', melé, co'ja' ñí'na' lí' e nigüeáng`tu` i dsea` fii` 'nú' la, su milí` na osi uøø` guié`- núub` é, osi téé` ogóo` mi` niquí'` tú` é, osi dsa'ee`gui`b` é; ³⁶ co' jial fing lajee` teng` 'nú' güim`ba' nigüeáiñ`. ³⁷ Jo lajji`~ e fñi`i 'nú' la, lajob` lí' júu` quié`- e cóo`~ dsea` jiéng`gui` cajo: jLí'` 'né`-ba' e jmiñiing` óó'na'!

14

Mi` casíng` dsea` e nisáiñ` Jesús

(Mt. 26:1-5; Lc. 22:1-2; Jn. 11 :45-53)

¹ Jo tú` jmi`ba' jmóo`gui e nití` coo` jmi` quiá'` dsea` Israel e sii` Pascua e gø'r` iñí'` e ja` quie`^ quieéng`. Jo jaléng` fii` jmidsea` cóo`~gui jaléng` tifa' quiá'` júu` quiá'` ta` quiá'` dsea` Israel canaaiñ` 'nó'r` jial niguié'r` e nisáiñ` Jesús e nijmigøøiñ` dsea` do e laco' nilí'r` nijngáng`-neiñ'. ² Jo lalab síng` i líng`~:

—Ja` nijmóo`oo' e jo lajee` jmi` Pascua e laco' ja` dseáng`~ qui`-ii' e nitá'` dsea` mí'~.

*Mi~ ca'ée~ jaang` dseamî jmî` jmeafî fî mogui`
Jesús*

(Mt. 26:6-13; Jn. 12 :1-8)

³Jø mi~ cangf jø, Jesús cangór~ cóo!~ dsea` quiá'r~ fî Betania fî quiá'~ jaang` dseañu` ì sii` Simón, jaang` dsea` ì lamî` líng` jmohuí` 'lí' fî ngúú` táang`. Jø mi~ caguié~ Jesús fî jø, lajee` e guiiñ` fî 'ni` mes` e gø'r` ir~, caguié~ jaang` dseamî ì quié` cóo` síí e lí' cóo!~ cóo` cuu~ niguó'^ e sii` alabastro e a~ jmî` jmeafî e lí' cóo!~ layaang~ nardo e 'mo'^ eáang'. Jø ì dseamî do caffim`bre e síí do jø ca'ée'r~ e jmî` jmeafî do fî mogui` Jesús. ⁴Jø ì líng~ dsea` ì cangá~ e cajmée` ì dseamî do lajø caligúim`bre eáang', jø canaaiñ` síiñ` lajee` la'ó'` yaaíñ`:

—¿Jialí' nicango'í' e jmî` jmeafî na? ⁵ Cø' jmáang`gui fa' mi~ ì ca'ní', jø jmigui`gui laco' trescientos cuu` denario nilí'r` jóng e laco' sea`jiu e nilicóo!~ jaléng` dsea` tiñíng`.

Jøba` ì dsea` ì teáang~ do ie~ jø gab` fé'r` uii~ quiá'~ ì dseamî do.

⁶Jø dsu' lalab cañí` Jesús quiá'~ ì dsea` do:

—¿Jialí' jmiguíng`na' ì dseamî na? ¡Ja` e fí'na'r` jíí!~ cóo! Cø' lajíí!~ e nicajmée'r` quié~e na eám`guiá`. ⁷Jø jaléng` dsea` tiñíng~ nab ní' 'nú' ee` cajmee`na' cóo'r~, cø' cuøøm` lí` jmée`na' e guiá` cóo'r` lí' iing`na', dsu' jnea`gui ja` contøøng~ seen` jee` 'nú'. ⁸Cø' ì dseamî na nicajmée`bre lajíí!~ e tñiñ`: jø nicasúu~bre jmî` jmeafî ngúú` táan`nú'~gui e niláang~ dsea` jnea`. ⁹Cø' jnea` jmitaa` óó'na' e doñí` jíé' fî lí' niguiá~ dsea` júu` quiá'~ jial nileáng` dsea` jee~ jalé'` dsee~ quiá'r~, niliseab`

júu^ cajo lajii~ e cajmee` i dseam^ na, jo lajoba' niguiéng' dsí' dsea` i dseam^ na.

Mi~ ca'náing` Judas Iscariote Jesús fi' quini` jaléng` jmidsea`

(Mt. 26:14-16; Lc. 22:3-6)

¹⁰ Jo mi~ cangí jo, Judas Iscariote, jaang` dsea` i quíng~ jee~ dsea` guitúung` quiá~ Dsea` Jmáang~, cangór~ cangosiiñ~ cóo~ jaléng~ fi~ jmidsea` quiá~ dsea` Israel e laco' nisíñ~ røø` jial nijáíñ~ Jesús fi' jaguó` dsea` do. ¹¹ Joba' mi~ tí' lí~ canúu~ i dsea` í, eáam' cali'iaáng` dsíir', jo casí'r~ Judas e nicuó~ reiñ' cuu~. Job mi~ canaang` Judas 'nó'r' jialco' cuøøng` nijáíñ~ Jesús fi' jaguó` i dsea` do.

Mi~ cagó~ Jesús í' canuu` cóo~ dsea` guitúung` quiá'r~

(Mt. 26:17-29; Lc. 22:7-23; Jn. 13 :21-30; 1 Co. 11 :23-26)

¹² Jo mi~ cangí jo, canaang` la'uii~ jmii~ e quiá~ gø' dsea` Israel iñí~ e ja` quie~ quiéng~, jogui e jngang' dsea` Israel jaléng~ jo'se~ jiuung~ quiá~ e jmii~ jo. Joba' lalab cajmingí i dsea` guitúung` quiá~ Jesús cajmingí'r~ dsea` do jo cajíñ~:

—Fí'naa', ¿jie~ fí' fó~ 'n~ e nidsé~naa' nidsiguiá~naa' guiá~ quiá~ e niquiee~naa' í' canuu` quiá~ jmii~ Pascua?

¹³ Joba' casíng` Jesús gáng~ i dsea` guitúung` quiá'r~ do jo casí~ reiñ' do lala:

—Güilíng~na' fí' fi~ Jerusalén, jo fí' job niguiéng~na' jaang` dseañ~ i quiee` cóo` dsuu~ e a~ jmii~; jo nigüilíng~na' laco' ngang' i dsea` do.

¹⁴ Jo mi~ nigüilíng~na' fí' lí~ ní'r', sí~na' i fi~ 'núu' jo: “Lalab jíng~ Tífa' quí~naa': ¿jie~ fí' lí' sí' 'núu'

li~ nidóø'~ø í' canuu` quiá'- jmi~ Pascua coliiing~ cóo'~ dsea` quié-e?" ¹⁵ Jo joguib ni'é- i dsea` do cóo' 'núu' yá'^ e nisiliing~ guiá~, jo fí' job niguiá'na' guiá~ e niquiee~naa' do.

¹⁶ Jo mi~ cangî jo, ca'uøøm` i dsea` gáng- do cangolíñ^ fí' fii` jo, jo cadsém'bre i dseañu' do dseáng'- lí'^ laco' nicajíng'- Jesús e nicasí'- reiñ' do; joba' fí' job cagua' i dsea` gáng- do guiá- quiá'- e nidó'r- lajaléiñ' do í' canuu` coliiing~ cóo' Jesús ie~ jmi~ Pascua do.

¹⁷ Joba' mi~ canuu` e jmi~ jo, caguiéb- Jesús coliiing~ cóo' dsea` guitúung` quiá'r- fí' jo. ¹⁸ Jo lajee~ mi~ nineáaiñ' fí' 'ni' mes~ e ninaaiñ' gø'r, lalab cajíng'- Jesús casí'- reiñ' do:

—Dseáng'- e já'- e fii` i 'nú' e jaang` lajee~ la'ó' 'nú' i neáng' gø' cóo' jnea~ lana, íb` i nijáng' jnea~ fí' jaguó' dsea` i 'ní' ní- quié-e.

¹⁹ Jo mi~ canúu- i dsea` guitúung` do lado, eám' fí'í' calíñ-, jo canaaiñ` jmingí'r- dsea` do lajaang` lajaañ`:

—¿Su jneab~, faa~aa'?

Jo jíéng'gui jaang` cañí':

—¿Si jneab~ é?

²⁰ Joba' cañí' Jesús:

—Lí'^ jaang` 'nú' la'ó' guitúung`na' na, jaang` i gø' cóo' jnea~ fí' cóo' cuéel~ huí, íb` i ni'lé- do.

²¹ Co' jáb'- e jnea~, dsea` lín'n jaang` dsea` jmigüi` i cajá- fí' ñifí-, dseáng'- 'né- e nidsingúm-baa lí'^ laco'guila fé' fí' ni~ jì quiá'- Fidiée~; dsu' jnea~ fá'a, je ngi~ fiib^ i dsea` i ni'lé- do! Co' guiá- guib quiá'- i dseañu' í' fa' mí' ja` caliséiñ`.

22 Jo lajee˘ e neáaiñ' gø'bre, catúing˘ Jesús coo` iní'˘ jo cacuø'r' gui'máang'˘ Fidiée˘, jo mi˘ cangf˘ e jo, cafiim`bre jo cajméer` guiée˘ quiá'˘ i dsea` quiá'r˘ do, jo casí'˘ reiñ' do lala:

—Quié'na' e iní'˘ la, co' ngúú' táam`baa la.

23 Jo mi˘ cangf˘ jo, catúinñ˘ coo` cóo˘ e a˘ jmí'˘ mí'˘ huüing` jø'˘, jo cacuø'r' gui'máang'˘ Fidiée˘ cajo mifüing` cajméer` guiée˘, joba' lajüim`bre ca'í'r˘ e a˘ dsí' e cóo˘ do. 24 Jo casí'r˘ i dsea` quiá'r˘ do lala:

—E lab e jmi'øøñ˘ e laco' niçuø' lí' quiá'˘ júu` tigua˘ e 'mí'˘, jo füm' dsea` nijmicóo'˘ quiá'r˘ lajüi'˘ e jmi'øøñ˘ e nitü'. 25 Co' dseáng'˘ já'˘ba' e fí' i 'nú'˘ e jo` nidúu'˘ guü e jmi'˘ mí'˘ huüing` jø'˘ la cartí' mi˘ nití'˘ jmí'˘ e nidúu'˘ u jmi'˘ mí'˘ huüing` jø'˘ e 'mí'˘ mi˘ nití'˘ í' e niquiú'˘ Fidiée˘ ta˘ fí' la'úng˘ fí' jmigü'˘.

Mi˘ cajméé' Jesús júu˘ e nijng'˘ Tú˘ Simón e ja` cuiñ' dsea` do

(Mt. 26:30-35; Lc. 22:31-34; Jn. 13:36-38)

26 Jo mi˘ cangf˘ e ca'ø'r' e jmiféiñ' Fidiée˘, jo cangolíim`tur fí' mó' Olivos. 27 Jo fí' job casí'˘ Jesús i dsea` quiá'r˘ do lala:

—Lajüim` 'nú'˘ nitiúung˘na' jnea˘ e uøø' na lí'˘ laco'gui' la fé'˘ fí' ni˘ jì' quiá'˘ Fidiée˘: “Nijngám'˘ dsea` i fi˘ i jmóo` í' jo'se'˘, jogui jaléng'˘ jo'se'˘ quiá'r˘ lí'˘ nisojøm`bre'.” 28 Dsu' mi˘ ningf˘ e nijí'túu, fí' lí' se'˘ Galileab ninii' i calé'˘ catú'˘ jéeng'gui laco' 'nú'˘.

29 Joba' cañí' Tú˘ Simón quiá'˘ dsea` do lala:

—Nañí' fa' lajüim` nitiúung˘ 'nu', Fí'ì, dsu' jnea˘ ja` nijmee˘ e lajo.

30 Joba' cañí' Jesús quiá'˘ Tú˘ Simón:

—Dseáng' e já' e fñi' i 'nua, Tú^ Simón, e ñña' e uóø' na e nú' gui e niquí' tuidsée^ tú' ya', 'nua nifo'^ 'ní' ya' e ja' cuín' jnea~.

³¹ Jø cuø' bi Tú^ Simón 'goo' dsea` do jø sí' reiñ' lala:

—Nañí' fa' nijúum~ baa coling~ cóo' 'nua, dsu' ja' nifá'^ a e ja' cuín' n' 'nua.

Jø lajòb cajíng' lajing` i dsea` quiá'r- caguaang~ gui do cajo.

*Mi~ caféng' Jesús Fidiée' fí' cóo' lí' sii' Getsemani
(Mt. 26:36-46; Lc. 22:39-46)*

³² Jø mi~ cangí jø, jø cangó- Jesús coling~ cóo' dsea` quiá'r- fí' cóo' lí' sii' Getsemani e née' fí' mó' Olivos, jø fí' jø casí'r- i dsea` quiá'r- do lala:

—Ní' na' e la lajee' nii~ jnea~ nisiin' n cóo' Tiquié^ e Fidiée'.

³³ Jø jíí' Tú^ Simón cóo' gui Tiáa~ jogui Juan, jíí' í'bing' cajéiñ', jø Jesús mifíng` e ninaang` e líiñ' fí' í' e eáang' jogui e jiuung~ dsíir' cajo. ³⁴ Jø lalab cajíñ'-:

—Dsíng' lí' i e fí' í' lín' n dseáng'- lafa' jø jmígüí' la seem~ baa lín' n. Jø lab nijá^ 'nú' lajee' jø, jø ja' jmígüing` yaang~ na'.

³⁵ Jø ba' Jesús cangó- catí' doguijia, jø catúuiñ' cartí' cajnúu~ dsequíir' fí' ní' uó^, jø camí'r' Fidiée' fa' ja' ní' ññ' iihuí' lajíí' e nisijée' quiá'r- mi~ nití' í' lajò. ³⁶ Jø lalab caféñ' Fidiée' ie~ jø:

—Teaa~, lajib` cuøøng` sea` lí' jmée^ 'nua, jø ba' mñ' i 'nua e jmñ' lana e nilaang~ jnea~ jee~ e iihuí' e eáang' e nijaquíéng' quié' e, dsu' ja' güilí' laco' iing~ jnea~, có' iin' n e nilí' dseáng'- laco' iing~ 'nua.

³⁷ Jo mi~ caquing'-tu Jesús fi' li~ caseáaiñ' i dsea` gaang` do, jo cadséng`neiñ' do e teiñ' güim`bre, joba' casí'r- Tú^ Simón lala:

—Simón, ¿su güim`ba'? ¿Su dseáng'- ja` té`ba' fa' e sijnéè` o' jíi'~ coo` oor~? ³⁸ Jmijnée` óó'na', jogui m#i'~na' Fidiée` e laco' ja` nijiúng`na' fi' ni~ dsee-. Dseáng'- e jáb'- iáam` óó'na' e jmée`na' jalé' e guiá-, dsu' ngúú` táang`na' ja` cuø` fi' e nijmée`na' lajo.

³⁹ Jogui cangób- tu Jesús calé' catú- cangoféeiñ' Fidiée` laco'gui nicangoféeiñ' lamí~ jéeng`gui do. ⁴⁰ Jo mi~ tí' li~ caquing'-tur fi' li~ neáang` i dsea` gaang` quiá'r- do, jo caléb` catú- cadséng`tureiñ' do e güim`biñ', co' dseáng'- eáam' jo` téiñ' do e jaligüiñ'. Joba' ja` ñir' e~ niñir- quiá'- dsea` do. ⁴¹ Jo caquim`tu Jesús e catí' 'ní' ya' jo lalab casí'-reiñ' do:

—¿Su mí' 'noo` güim`bi' 'nú' jogui jmi'ing`na'? Dsu' nitéb` jíi'~ lana, co' dseáng'- lanab catí' í' e fi' jaguó` dsea` dsee- dsea` quib' nijáng` dsea` jnea~, i dsea` i cagüéng- fi' jmigüi' la e lín'n jaang` dsea` jmigüi'. ⁴² Jminá- ráang`na' na, jo má'aa', co' nab nijáa' i dsea` i nijáng` jnea~ fi' jaguó` jaléng` dsea` i 'ní' ní- quie`e.

Mí' casang'- dsea` Jesús

(Mt. 26:47-56; Lc. 22:47-53; Jn. 18 :2-11)

⁴³ Jo lajee` e fé`bi Jesús, mi~ tí' li~ caguié- Judas Iscariote i quíng` jee~ dsea` guitúung` quiá'r-, jo i f#im` dsea` cóo'r- i quie` ñis#i' cóo'~gui jalé' 'ma, co' ta~ qui#i' jaléng` fi'~ jmidsea`ba' e ngolíng- i dsea` do cóo'~gui jaléng` tifa' quiá'- júu^ qui#i' ta~ quiá'- dsea` Israel cóo'~gui jaléng` dsea` cóøng` quiá'r- cajo. ⁴⁴ Jo Judas Iscariote lamí~ jéeng`gui, lalab

casí'r- jaléng' i dsea` i jéeiñ` do e nijmér- coo` li~, jo nijíñ'- jnang` i sii` Jesús, co' cajíñ'- ie~ jo:

—Íi` i nimó` 'ná' i nichú`^u ni~, íb` Jesús, joba' séng' na're jóng, jo tee` na're e 'ñúuñ' guíá`.

⁴⁵ Jo mi~ tí li~ cangáñ- Jesús, jo cangoquíeíñ' fí' quini` dsea` do jo casí'r- lala:

—jTífa'!

Jo mífing` cachu'r ni~ dsea` do. ⁴⁶ Jo casam'- jaléng' i dsea` do Jesús ladsifí' lado jo e 'ñúung' biñ' do cató'r-.

⁴⁷ Dsu' jaang` lajee` la'ó' dsea` quiá'- Jesús caguir' ñisu' quiá'r-, jo caqui'r' dseáng'- logua~ jaang` dsea` i jmóo` ta~ quiá'- i jmidsea` i laniing-.

⁴⁸ Jo Jesús cajmingí'r- jaléng' i dsea` do lala:

—¿Jialí' nicañilíng` na' e quié` na' jalé' ñisu' cóo'` guí jalé' 'ma' e laco' nitø` na' jnea~ e 'ñúun` n laco' guí la cáng' dsea` jaang` íi? ⁴⁹ Co' laco` jmíib~ nicangí' jnea~ jee~ 'ná' e ée- e 'ná' júu^ quiá'- Fidiéé` fí' dsí' sinúu^ guá'- fé' quí-ii', dsu' ja` ca'í' óo' na' fa' lajii' ie~ jo caséng' na' jnea~. Dsu' lanagui nilitib~ náng laco' guí la fé' fí' ni~ jì quiá'- Fidiéé`.

⁵⁰ Joba' lajím` i dsea` quiá'- Jesús do catiúum- bre dsea` do jo cacuí` bre. ⁵¹ Jo dsu' jaang` siming' cangó- bre tí' leaáíñ' laco' cangáng'- Jesús, jo lico' íaíñ' coo` jmóo'~ 'mi' lajob. Jo casam'- bre i siming' do cajó; ⁵² dsu' i siming' do catú- bre e jmóo'~ 'mi' do jo cacuí` bre la ringúuñ' lado.

Mi~ caguiéng'- Jesús fí' quini` jaléng' dsea` cøøng` (Mt. 26:57-68; Lc. 22:54-55, 63-71; Jn. 18 :12-14, 19-24)

⁵³ Jo cató- bre Jesús fí' quini` fii~ laniing- quiá'- jaléng' jmidsea` quiá'- dsea` góor` dsea` Israel; jo fí'

job caseáng' jaléng' fii~ jmidsea` quiá'r- cóo'~gui jaléng' dsea` cóong'~ quiá'r- jogui jaléng' tifa' quiá'- júu^ quiá' ta~ quiá'- dsea` Israel cajo. ⁵⁴ Jo dsu' cangób- Tú^ Simón jiub~ cøøiñ` laco' cangó- Jesús cartí caguiliñ- e fi' sigui' fi' li~ guing~ i jmidsea` laniing- do, dsu' fi' caluub` caje' Tú^ Simón coling~ cóo'~ i dsea` i néé ni~ e guá'- fé' quiá'- dsea` Israel i neáng' jmiguiáng' fi' ca' li~ coo` ji.

⁵⁵ Jo jaléng' fii~ jmidsea` quiá'- dsea` Israel cóo'~gui lajaléng' dsea` cóong'~ i quiá' ta~ quiá'r- canaañ` 'nó'r' e~ jalé' dsee- sea` quiá'- Jesús e laco' nilí'r' e nijngáñ'- dsea` do, jo dsu' ja` cadsé' i dsea` do jíi'~ cóo'. ⁵⁶ Jo fíim' dsea` 'nñiñ` Jesús cóo'~ júu^ e o' já'-, dsu' jmaquíim' júu^ fé'r' lajaang` lajaañ` jo jíi'~ jaañ` ja` cuó'~ júu^ rúñ'. ⁵⁷ Jo caróo- bi jaang` gáng- dsea` e 'nñiñ` Jesús cóo'~ júu^ e o' já'- jo cajñ'- lala:

⁵⁸ —Jnea'^ caná^naa' e cajíng'- dsea` na lala: “Jo ni'lim~baa guá'- fé' qui-ii' e si' fi' Jerusalén e cajme' jaléng' dsea`, jogui lajee` 'ní jmiñ` lajob nijméé'~túu cóo'gui e ja` nitaan~n jíi'~ jaang` dsea` jmigüí e jme'r-.”

⁵⁹ Jo dsu' dseáng'- ja` cuøb' júu^ rúng' jíi'~ jaang` i dsea` do cóo'~ lajíi'~ e sñiñ` do.

⁶⁰ Joba' caróo- i jmidsea` laniing- do jee~ jaléng' i dsea` do, jo lalab cajmingí'r- Jesús:

—¿Su jíi'~ cóo' ja` iin'~ ngñi'-? ¿E~ e fé' jaléng' i dsea` na e 'nñiñ` 'nñ?

⁶¹ Dsu' jíi'~ cóo' ja` ee` cañí' Jesús quiáñ'- do, jo lí^ cajer' tiib-. Joba' caleáb`tu cajmingí' i jmidsea` laniing- do jo cajmingí'r- dsea` do lala:

—¿Su já'ba' e 'nub` lin' Dsea` Jmáang` i nisíng` Fidié` i nicá` nif' quí` jnea`^, jogui lin' i JÓO' Fidié` camíng` i dseáng` i güeang`^ do?

62 Jōba' cañi` Jesús quiáin` do lala:

—E jáb`^, jneab` î, jogui 'nú` nimáam`ba' jnea`^, i dsea` jmigüf` i jáa' fí` ñifí`^, e guin`n lí` lí` dsée` laco`gui la guing` Fidié` i quí`^ jmi` jmé` lí` doñi` ee, jogui e nigáa' a fí` yú`^ jmigüf` fí` jee` cabøø` jníi`.

63 Jōb mi` i jmidsea` laniing` do canaaiñ` síiñ` si'r` dsu' e guíiñ` jō cajíñ` lala:

—¿E`gui e güijeeng` guíi' e niline` guíi'? 64 Nab nicanúu`na' jial nicafé'r` júu` ga` uíi` quiá` Fidié`. ¿Jial í` óo' 'nú`^ cóo`^ jalé` e nicafé'r` na?

Jō lajim` i dsea` do casíiñ` røø` e røøm` dsea` do dsee`, jōba' 'né` e nijúum`bre.

65 Jō i lüing` i dsea` do canaaiñ` 'ñiim`bre Jesús, jogui qui'r` ni` dsea` do jogui naaiñ` jnóor` moniñ` jō jmingí'r` dsea` do lala:

—iNe`duu' su já' quií`^ ñi`^ i` i` cabá` moni`^!

Jogui jaléng` i jmóo` í` e guá`^ fé` do canaaiñ` jnóor` moni` dsea` do cajo.

Mi` cajíng`- Tú` Simón e ja` cuiñ` Jesús

(Mt. 26:69-75; Lc. 22:56-62; Jn. 18:15-18, 25-29)

66 Jō có' dobi` guing` Tú` Simón e fí` siguí` do ie` jō, jō lajee` jō mi` tí` lí` caguié` jaang` dseamf` i jmóo` ta` quiá` i jmidsea` laniing` do. 67 Jō mi` cangáiñ` Tú` Simón e dobi` guíiñ` do 'ni` jì` jmiguiáin`, lí` cajer` jøøm`bre dsea` do jō casí'r` lala:

—Cangíab` já' 'nu` cóo`^ Jesús i seeng` fí` Nazaret do, ¿já` já'`?

68 Dsu' Tú` Simón cañi'r` quiá` i dseamf` do lala:

—Ja` cuíng` jnea~ i dsea` í, dseamf. Ja` ñii- e~gui e fól` na.

Jõ cagüi'í' Tû^ Simón fí' lí'- o'ná^, jõ job mi~ caqui' jaang` tuidsée^ . 69 Jõba' cajõng` tũ i dseamf do ír, jõ mifing` canaaiñ` sí'r` i dsea` teáng` do ie~ jõ:

—I cangi' cóo~ Jesús i dseañu' la cajo.

70 Dsu' Tû^ Simón cajíñ'- calé` catú- e ja` cuíñ` dsea` do. Jõ mi'míng` guijiu lajõ cajíng'- i teáng` do cajo casí'r- Tû^ Simón lala:

—E jáb'- dseáng'- 'nu`b` i cangi' cóo~ Jesús do, ¿já já'-?, có' dsea` Galileab lin'.

71 Jõba' Tû^ Simón canaaiñ` jmi'lim' ^ ñia'r' e jíñ'- e dseáng'- ja` ñir', jõ casí'r- dsea` do:

—Ni~ fii-. Dseáng'- ja` cuím`baa i dseañu' i éeng' 'nú' na.

72 Jõ job mi~ tí' lí~ caqui' tuidsée^ e catí' tú- ya', jõ joguib cadseng'- dsí' Tû^ Simón cajo e cajím'- Jesús la nú'-gui do lala: “Nú'-gui e niquí'- tuidsée^ e nití- tú- ya', 'nu` nifo'^ 'ní' ya' e ja` cuíin' jnea~.”

Jõ mi~ cadseng'- dsír' guiá- e jõ, canaaiñ` qui'bre jóng dseáng'- e ngocáng` dsír'.

15

*Mi~ caguiéng'- Jesús fí' quini` dseata~ Pilato
(Mt. 27:1-2, 11-14; Lc. 23:1-5; Jn. 18 :28-38)*

1 Jõ mi~ cajneá- e jmi~ jõ, jaléng' fii~ jmidsea` quiá'- dsea` Israel caseáng' yaaiñ` cóo~ jaléng' dsea` cõong' quiá'r- cóo~ gui tifa' quiá'- júu^ quiu' ta~ quiá'- dsea` Israel, lí'^ lajiiing` i dsea` Israel i quie' nifí' i quiu' ta~, jõ cató-bre Jesús e 'núuiñ' fí' quini` dseata~ Pilato. 2 Jõ mi~ caguilíng- jaléng' i dsea` í fí' jõ, jõ dseata~ Pilato cajmingí'r- Jesús lala:

—¿Su já'ba' e 'nub' ì líng' dseata~ dsea` féng' quiá'~ dsea` Israel?

Jō Jesús cañír`:

—E jáb'-. Lajōb lí' lí^ laco'gui la nicafé'~ na.

³ Jō cō' jmiguiub' dsee~ cuø' jaléng' ì fii~ jmidsea` do Jesús, ⁴ jōba' cajmingí'~tū dseata~ Pilato Jesús lala:

—¿Su jíí'~ cōō` ja` e iin'~ ngíí'~? Cō' dseáng'~ jmiguiub' dsee~ jmóo` jaléng' ì dsea` la quií'~.

⁵ Dsu' Jesús caleáb'tū ja` ee` cañír' jíí'~ cōō`; jōba' eáam' dsigá` dsíí' dseata~ Pilato.

Mi~ cahuí' ta~ e nijúung~ Jesús

(Mt. 27:15-31; Lc. 23:13-25; Jn. 18:38-19:16)

⁶ Jō lajee` e tí e jmíí~ jō, nitúng` dseata~ Pilato e láaiñ` jaang` dsea` ì sijnúng` lí^ doñí' ií` ì múnig` dsea` fíí. ⁷ Jō ie~ jō ni'iuung~ jaang` ì sijnúng` ì sii` Barrabás colíng~ cóō'~ jaléng' ì nijmóo` ta~ jngang' jaléng' dsea` fí' jee~ míí'. ⁸ Jōb mi~ casimó' dsea`, jō camí'r' dseata~ Pilato e nijmé` dsea` do lajō, e nileáiñ` jaang` ì dsea` sijnúng` do laco'gui jíí' e quií'~ tiiíñ. ⁹ Jōba' cañíí' dseata~ Pilato quiá'~ jaléng' ì dsea` do lala:

—¿Su iing~ 'nú' e nilaan` ì dseata~ dsea` féng' quiá'~ dsea` góo`na' dsea` Israel?

¹⁰ Jō cō' calilíb'^ ì dseata~ do jééng'gui e lí^ uíí' e dsihuím' jaléng' ì fii~ jmidsea` do quiá'~ Jesús, jōba' cajáng'neiñ'. ¹¹ Dsu' jaléng' ì fii~ jmidsea` do canaaiñ` ta'r' míí'~ jō canaaiñ` sí'r' jaléng' dsea` jíéng'gui e guiá~gui e nileáng` Barrabás. ¹² Jōba' cajmingí'tū dseata~ Pilato lala:

—Jø ¿e~ iing~ 'nú' e nijmee~ e cóo~ i dsea` i fi' 'nú' dseata~ dsea` féng' quíá' dsea` góo`na' dsea` Israel?

¹³ Jø cañí`tu jaléng' i dsea` do cóo~ júu^ teá:

—¡Güitáin~ fi' dse` crúu^!

¹⁴ Jø cañí`tu dseata~ Pilato:

—¿E`gui e ga` e nicajmée` i dseañu` na?

Dsu' i dsea` do caleáb`tu canaaín` ta'r mí' jo fé'r`:

—¡Güitáin~ fi' dse` crúu^!

¹⁵ Jø có' i dseata~ Pilato do contøøm~ iin~ e seein~ guiá~ cóo~ jaléng' dsea`, joba' caguím`bre i Barrabás do dsí' 'nuñí^; jø mí~ cangî e jø, caquiur` ta~ e calihuíng` Jesús cóo~ 'ni~ jø cajáng`neiñ' do e quíá' nitáng~ dsea` do fi' dse` crúub^ jóng.

¹⁶ Jø jaléng' i 'lé~ do cajéem`bre dsea` do fi' ni~ 'núu` jø fi' jø caseáin` lajüing` 'lé~. ¹⁷ Jø caquíng`neiñ' do cóo` 'mí' e nú', jogui catá'r~ fi' mogui~ dsea` do cóo` lí^ corona e líí cóo~ layaang~ 'matóó'. ¹⁸ Jø mí~ cangî jø, canaaín` fé'r` teá lala e lóøng~ neiñ':

—¡Güiliseem` dseata~ dsea` féng' quíá' dsea` Israel!

¹⁹ Jø bár` si~ mogui~ dsea` do, jogui 'ñíin` dsea` do, jogui jmícaaiñ~ e jmiféin` dsea` do e sí'r` uó~ jnir~ fi' quiniñ~. ²⁰ Jø mí~ cangî e lóøin~ dsea` do lajø, cajé`bre e 'mí' nú' do, jø caquíng`tur dsea` do siin` e lamí~ quiñ'. Jø mí~ cangî jø, caguím`bre dsea` do e quíá' niteáin~ fi' dse` crúu^.

Mí~ catáng~ Jesús fi' dse` crúu^

(Mt. 27:32-44; Lc. 23:26-43; Jn. 19:17-27)

²¹ Jø lajee~ e teáaiñ~ fi', cajín` jaang` dseañu` i sii` Simón i seeng` fi' Cirene, tiquíá^ jaang` i sii` Jaang~

cóo'~gui jaang`i sii` Rufo, jo nijaiñ' do fí` jenuu` fí` lí` jmóor` ta~, jo jaléng'`i dsea`i ngolíng` do cajmeáiñ' 'goo`i Simón do e nijéiñ` crúu` quíá'~ Jesús.

22 Jo cajéem`bre Jesús fí` cōo` lí` sii` Gólgota e guóng'` Cuo'` Mogui` 'Lii~. 23 Jo cacuø'r' Jesús jmí'` jmíi` huíng` jò'` e sicáang'` cóo'` cōo` oo` e sii` mirra e sí'í'` ní'í'` dsea` do, dsu'` Jesús ja` cali'`iiñ`~ fa' e ca'í'r` e jo. 24 Jo job mi~ cateáaiñ` dsea` do fí` dse'` crúu`~; jo jaléng'`i 'léé` do canaaíñ` cóor` quíá'~ e nijmér` guíéé` sí'í'` Jesús, jo ne~duu e~ nilí'r` nicóor` lajaang` lajaaíñ`.

25 Jo ngóo'`jiu la ii` ñú` e la'ee` mi~ cateáaiñ` dsea` do fí` dse'` crúu`~. 26 Jo catéer` cōo` 'majmá'`jiu fí` yú'` gui~ dsea` do e tōo` e~ uíing` e jmáiñ` dsea` do lado, jo lalab tōo`: "I lab dseata~ dsea` féng'` quíá'~ dsea` Israel." 27 Jo cateáang`guir gáng` ii` colíing` cóo'`~ Jesús, jmá'~ jáng` crúu` lajaaíñ` do, jaang` la cataang` cáang` dsea` do. 28 Jo lajob caliti~ laco'` la fé'` fí` ní` jì` quíá'~ Fidiéé` lí` fé'` lala: "Cali'`íiñ`^ jee` jaléng'` dsea`i 'léé'`."

29 Jo jaléng'` dsea`i ngúing` lajee` e táang` Jesús fí` dse'` crúu` lico'` guia'r` gui`bre e jøøiñ` dsea` do jo fé'r` lala:

—Jaa~! ¿Su o'` 'nu`bi`i fé'`i lí'` qui'`^ guá'~ fé'` quíá'~ dsea` góo'`, jogui cóo'` 'ní'` jmíi~ lajo lí'` jméé'~tu'`? 30 Jo lana leaang` uø', jo güíng` fí` lí` táan'` fí` dse'` crúu` na.

31 Jo lajobi jaléng'` fii~ jmidsea` quíá'~ dsea` Israel cóo'`~gui jaléng'` tifa'` quíá'~ júu` quiu'` ta~ quíá'r` dseáng'~ lóøm`bre dsea` do, jogui síiñ` lajee` yaaiñ` lala:

—Caleáam`bre jaléng'` dsea` jíéng'`, dsu'` 'ñia'r` jo` quí'`r`~ jmíi~ fa' e nileáng`gui 'ñia'r` náng. 32 Song

nine'naa' e nijgiáaiñ' fí' dse' crúu^ fí' lí' táaiñ', joguiba' já'- nilí'naa' jóng e íbre líiñ' Dsea' Jmáang-, i dsea` i sijeeng'naa' i nicá' nifi' quí-ii', jogui i nilíng- dseata~ dsea` fèng' quí-ii' cajo.

Jò jì'gui cartí' i ìi i taang~ cáaiñ` do, gab` fé'r` uíi~ quiá'- dsea` do cajo.

Mi~ cajúng- Jesús

(Mt. 27:45-56; Lc. 23:44-49; Jn. 19 :28-30)

³³ Jò mi~ catí' guieñí'- e jmíi~ jò, dseáng'- latøøng- e fí' jò calinú` congua', jò lajòb lí' cartí' la ìi- 'ní' ca'lóo-. ³⁴ Jò e í' jòb mi~ ca'óo` Jesús teá' jò cajíñ'- lala:

—Eloi, Eloi, ¿lama sabactani? —e guøng': Fidiéé~ quié`e, Fidiéé~ quié`e, ¿jiali' nìcatiun' jnea~?

³⁵ Jò i líng~ dsea` i teáng- do ie~ jò canúur- e jò, jò cajíñ'-:

—Fíng na núu-na', lana tó'r' i café' cuaiñ~ quiá'- Fidiéé~ mali~ gui eáang' i calisí' Líí'.

³⁶ Jòba' ladsifí' ladob cangó- jaang' i dsea` do, jò cangoquier` coo' joo' e nisiyá'^ jmí'^ jmíi' huíng` jò'^ e tí'', jò caquiñ' e joo' do fí' coo' yá'^ tá' jò caséer` e laco' niyú'- Jesús jò cajíñ'- lala:

—Ja' ee` cang'na're, majeeng' duu' su nijáa' i Líí' do e nijajgiáaiñ' dsea` na.

³⁷ Jòb mi~ ca'óo` Jesús e teá' eáang' jò cajúm-bre.

³⁸ Jò mifíng' jòb cajo casím- e 'mí' fé' e í' fí' sinúu^ guá'- fé' quiá'- dsea' Israel e sí' fí' Jerusalén jò calí- tú- fío~ catí' yá'^ jogui catí' uii~. ³⁹ Jò mi~ calilí'^ i fii~ 'léé- romano i sing' jmóo` í' cáang' Jesús e nicajúm- dsea` do, jòba' cajíñ'- lala:

—Dseáng'- e já'-ba' e i dseañu' na líiñ' i Jóo' Fidiéé~ camíng'~ do.

40 Jogui huíi~bijiia teáng~ coo` tú~ mángl' dseamí e jóør~ fí jo; jo jee~ í quíngl' Yá^ i seeng` fí Magdala, jogui Salomé, jogui Yá^, niquiá'^ Tiáa~ i jiuung~ do jogui niquiá'^ Sé^ cajo. 41 Jo jaléngl' i dseamí na cangi`bre e jmicóo'r~ cóo'l~ lí ee`go 'né~ Jesús ie~ lami~ cateáaiñ` fí lí se' Galilea. Jogui i fíim`bigui dseamí i jiéngl' i teáng~ do ie~ jo cajo i cajalíng~ fí Jerusalén cóo'l~ dsea` do.

Mi~ ca'áng~ Jesús

(Mt. 27:57-61; Lc. 23:50-56; Jn. 19 :38-42)

42 Jo jaquiéeng' e tí lí ni'f núu^ ie~ guati'ló~ jmi~ e guiá' dsea` Israel guiá~ e nití~ jmi~ e jmi'íñ'. 43 Jo ie~ job mi~ caguié~ jaang` dseañu' i sii` Sé^ i seeng` fí coo` fi~ e sii` Arimatea, jo i dsea` la líiñ` jaang` i niing~ quiá'- jaléngl' dsea` cóøngl' i quiu' ta` quiá'- dsea` Israel, jo sijeem`bre cajo e Fidiéex nicá` nifi' quiá'r~; jo dseángl' teáb` táang` dsír' cangór~ fí lí guíng~ dseata~ Pilato, jo camir' fí e nidsi'áaiñ` Jesús. 44 Jo cangogáb` dsíi' dseata~ Pilato e nicajúm~ Jesús, joba' cató'r~ i fií 'lée~ e quiá'- nijmángi'~ reiñ' do jial tíi` níngóo' e cajúng~ dsea` do. 45 Jo mi~ cajmea' i fií 'lée~ do júu^ i dseata~ do, joba' dseata~ Pilato cacuø`bre fí i Sé^ do e nidsi'áaiñ` Jesús. 46 Jo i Sé^ do calár~ coo` 'mi' e niguo'^ eáang' e quiá'- niquiñ'~ Jesús. Jo cangojéem`bre dsea` do fí lí ni'áaiñ~ fí coo` dsíi' too` jiáa', jo cajlír~ e ni~ do cóo'l~ coo` cuu~ e fe'. 47 Jogui Yá^ i seeng` fí Magdala cóo'l~ Yá^ niquiá'^ Sé^ i jaang`gui do cangá~bre jie~ lí ca'áaiñ~ dsea` do.

16

*Mi~ cají'tu Jesús**(Mt. 28:1-10; Lc. 24:1-12; Jn. 20 :1-10)*

¹ Jo mi~ nicasúung~ e jmi~ e jmi'íng' dsea` Israel, i Yá^ i seeng` fí Magdala jogui Salomé cóo'~gui Yá^, niquiá'^ Tiáa~, calár~ jmi~ jmeafii e quiá'- e nidsisuiñ~ Jesús fí lí iuung~ dsea` do. ² Jo eeb` e jmi~ la'uui~ quiá'- seamaan~ cangolíñ` fí lí ca'áng~ Jesús, jo caguiliñ~ e lico' nicaguá'- iee', ³ jo síiñ` lajee` yaaiñ` lala:

—¿I~ nijé' e cuu~ e jli' fí otoo` ée` lí ca'áiñ~ do?

⁴ Dsu' mi~ cangár~ røø, e cuu~ e cajlí~ ni` otoo` quiá'- e ée` do jò` róo` ée` quiá'-. ⁵ Jo cangotáam~bre e fí dsí' tó` ée` do, jo fí job cangáiñ~ jaang` siming' i guing~ lí' lí dsée' i qui' coo` 'mi' té` e cuee`. Jo eáam` cafóng' i dseam' do, ⁶ dsu' i siming' do cañiir` lala:

—Ja` fóøng'~na' jii~ coo'; co' ñi'baa e 'náng'na' Jesús i seeng` fí Nazaret i cajúng~ fí dse` crúu` do, dsu' lanagui nicajíb'tur, jo jo` iuuiñ~ fí la lana. Fí na jóø-na' e fí lí catiraiñ'- do, jo` ii` seeng` jii~ jaang`. ⁷ Güilíng'na' jo güijmée'~na' júu` dsea` guijáng` quiá'r~, jo jee~ jo quíng'~ Tú^ Simón cajo, jo síi'na'r lala: “Jéeng'gui nidsé~ Jesús fí lí se' Galilea laco'gui 'nú', jo fí job nimáang~na're lí' laco'gui jii~ e cajíñ'- ie~ lamí~ nú'-gui e nijngáng'- dsea` ír.”

⁸ Jo mi~ cang' e jo, ca'uøøm` i dseam' do e cujir` e fí lí ca'áng~ dsea` do, co' dseáng'- eáam` jléeiñ` e 'gó'r`. Jo jii~ jaang` ja` ii` cajmea' i dseam' do júu`, co' dseáng'- 'gó'bre.

Mi~ cajmijnéeng`'ñia' Jesús fí' quini` i Yá^ i seeng` fí' Magdala

(Jn. 20:11-18)

⁹ Jo mi~ nicangî e nicajî' Jesús, mi~ cajneá- e jmiî~ la'uii~ quiá'- seamaan~ do, jo la'uii~ cajmijnéeng` 'ñia'r' fí' quini` i Yá^ i seeng` fí' Magdala, i dseamî i ca'uøøng` guiáng- i 'ling'^ fí' dsí' lamî jéeng`gui. ¹⁰ Jo i Yá^ do ladsifib' cangojmée'r' júu^ jaléng` i dsea` i cangí' cóo~ Jesús do; jo jaléng` i dsea` î dseáng'- eáam' fí'í' líiñ' jogui neáaiñ' ta~ qui'. ¹¹ Jo mi~ canúu- i dsea` do e nicajíb'tu Jesús jogui e nicangám- i Yá^ do, jo dsu' ja` já'- calíng- i dsea` do ladsifí' lado.

Mi~ cajmijnéeng` 'ñia' Jesús fí' quini` gáng- i dsea` quiá'r- do

(Lc. 24:13-35)

¹² Jo mi~ cangî e jo, cajmijnéem` 'ñia' Jesús fí' quini` gáng- lajee` i dsea` quiá'r- do lajee` ngolíiñ- e teáaiñ~ fí' fí' jee~ mó'. ¹³ Joba' ladsifí' ladob caquim' tu i dsea` gáng- do, jo cangojmée'r' júu^ i caguaang`gui do; jo dsu' ja` já'- calíñ'- do cajo ladsifí' lado.

E ta~ e cacuø' Jesús jaléng` dsea` quiá'r-

(Mt. 28:16-20; Lc. 24:36-49; Jn. 20 :19-23)

¹⁴ Jo mi~ cangîgui lajo, lajee` e neáng` i dsea` guijáng` quiá'r- e gø'r' fí' 'ni' mes~, jo lajee` jo mi~ cajmijnéeng` 'ñia' Jesús fí' quini` jaléng` i dsea` do, jo cajím- breiñ' do, co' dseáng'- ja` já'- mi' lîm'biñ' do e nicajíb'tur; jogui co' eáam' ue` moguiñ~ cajo, joba' ja` já'- calíñ'- do ladsifí' lado mi~ cajíng'- i dsea` i cangá- quiá'r- e nicajî'tur. ¹⁵ Jo casí'- Jesús i dsea` do lala:

—Güiling-na' fí' la'úng- fí' jmigüi, jogui güiguia-na' júu^ jee~ jaléng' dsea' jmigüi jial nileáng' dsea' jee~ jalé' dsee- quiá'r-. ¹⁶ Jo jaléng' i dsea' i ja' nilíng' júu^ quié-e jogui e nisaiñ' jmií' e laco' cuø' lí~ e nica'uíñ- dsea' quié-e, joba' i dsea' í nileám-bre jóng jee~ jalé' dsee- quiá'r-; dsu' i dsea' gui i ja' ja' nilíng' júu^ quié-e, joba' i dsea' í latab~ ni'naaiñ' quiá'- Fidiéé'. ¹⁷ Jogui niñim' jaléng' i dsea' i ja' líng' júu^ quié-e e nilí-bre uoiñ- i 'ling' i teáng' dsí' dsea' la'eéang' cóo' júu^ quié-e; jogui niñim' bir cajo e nifé'r' jmií' e ja' mi' ñir' jéng'gui; ¹⁸ jogui nilí' bir e saíñ' mi' i guíng- cajo e ja' nicúíñ' do quiá'r-, jogui song ni'í'r' lafa' oguí-, ja' nilé- quiá'r- jí' cóo; jogui niñim' bir e nilí'r' jmi'leáiñ- jaléng' dsea' dsée- cajo e lico' niquidsir' guóor' fí' yá'^ moguiñ~, jo ni'leám-biñ' do jóng.

Mi~ cangáng'-tu Jesús fí' ñifí'
(Lc. 24:50-53)

¹⁹ Jo mi~ cangá' e casí'- Fí'naa' Jesús jaléng' i dsea' quiá'r- do lajo, joba' cajgóo-bre fí' yá'^ jmigüi jóng, jo cangám'-tur fí' ñifí- fí' lí~ cajar-, jo cangogüea-tur lí'^ lí' dsée' laco'gui la guíng~ Tiquiá'r^ Fidiéé'. ²⁰ Jo mi~ cangá' jo, ca'uøøm' jaléng' i dsea' do fí' la'úng- fí' jmigüi e cangoguiar~ júu^ quiá'- jial laang' dsea' jee~ jalé' dsee- quiá'r-, jo 'ñiab' Fí'naa' jmicóo'r- i dsea' í e guiaiñ' do júu^ quiá'r-, jogui ca'e' bir dsea' jmigüi e dseáng'- e ja' júu^ quiá'r-, có' jaléng' i dsea' do jmóor' jalé' e dsigá' dsí' dsea' la'eéang' cóo' güea'^ quiá'- Fí'naa'.

Jo lajob nilí'.

J_o lanab jí' lí' júu^ quiá'~ Fidié' e cajme' Mar-
COS.

Júu 'má e cacuo fidié
New Testament in Chinantec, Comaltepec
(MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022

30c6f873-0dee-5863-8883-ba3c5eaa988c